

APHORISMI
DOCTRINÆ
CHRISTIANÆ

maximam partem ex In-
stitutione Calvini

excerpti.

Calvin 12
K

SIVE

LOCI COMMUNES THEOLO-
gici, brevibus sententijs exposti.

Per JOHAN: PISCATOREM.

EDITIO VNDECIMA.

*Superioribus tum limatior, tum
locupletior.*



OXONIÆ

Typis IOH. LICHFIELD,
Impensis HEN. CVRTEINE
M.D.C. XXX.



AD LECTOREM.

CUm Typographus Aphorismos hos Locorum Communium denuò subjicere prelo vellet; existimavi me S. Theologiae studiosis rem gratam facturum, si ea, quae author hujus libelli parens meus b. m. ultimam quasi limam adhibens ante obitum suum in ijs partim correxit, partim mutavit cum illis communicarem. Quae etsi per multa non sint, lucis tamen haud parum huic libello afferunt, ut ex ijs, quae diversis locis inserta sunt, videre licet. Tu vale, amice Lector, & ad salutarem Dei operumq; ejus cognitionem isthoc labore utere, fruiere. Scriptum Cal. Maij, an. 1629.

M. Philip. Ludovicus Pilcator.



AD THEODORVM

Bezam Iohannis Pisca-
toris præfatio.

M Eminisse te puto, reverende & cla-
rissime vir, frater in Christo pluri-
mum observande: quo consilio pie memorie
Cassparus Olevianus noster epitomen ex
magno illo magni illius Calvini opere, Insti-
tutione scilicet religionis Christiane, excerp-
tam in lucem ediderit: nempe partim ut mi-
nistris Evangelij per Germaniam aliquid af-
ferret ad solide docendum Christum adiu-
menti: quorum plerosq; prolixitate magni il-
lius operis ab eius lectione deterveri indica-
bat: partim vero & precipue, ut servires
scholæ nostræ Herbornensæ, singulis trime-
stribus singulos libros summatum interpre-
tando, atq; ita quotannis doctrinæ Christianæ
summam absolvendo. Ac spero hunc illius
laborem non fuisse inane in Domino: sed
multis, qui epitomen illam legere non fue-
runt gravati, non parum profuisse: nostris
quidem certè discipulis, qui eum docentem
audiverunt, plurimum profuisse certo scio.

Præfatio.

Sed quoniam ille medio interpretationis sue cursu nobis per mortem ereptus, & à Domino in scholam illam coelestem translatus est: ego, necessitate scholæ nostræ, & officij mei ratione ita postulante, de voluntate fratrum quibus scholæ nostræ cura tum erat commissaj, Oleviano defuncto in h. c. laboris parte successi: atq; ita paulo post obitum illius, Epitomen Institutionis Calvinianæ discipulis meis interpretari exorsus, sesquianni spacio (citius enim fieri commodè non potui) eandem auxilio Dei absolvi.

Cæterum quum discipuli me rogaurent, ut ad maiorem ipsorum in sacræ Theologiæ studio profectum disputationes Theologicas instituerenon gravarer: equidem facile petitioni eorum locum dedi: ac proinde ut legitimo quodam ordine res procederet, illiq; citius ac plus proficerent, locos doctrinæ Christianæ singulos, quum primum aliquem in Institutione interpretanda absolvissem, in paucos Aphorismos redegei, eosq; Aphorismos illis ad disputandum proposui. Hæc igitur istorum aphorismorum componendorum causa fuit: in quibus equidem excerpendis libertate Christiana usus sum: ita ut nec prorsus ad verbum excerpserim (id quod commodè fieri non potuit: quum auctoris stilus uberior sit ac fusior, aphorismi autem brevitatem postulent)

Præfatio.

lent) & in sententiis quoq; interdum aliquid adiecerim, quod in epitome non extat: verum tamen doctrine auctoris, ac imprimis sacram literarum, meo quidem atq; etiam fratrum iudicio, congruit. Aphorismos autem appellare malui, quam (ut vulgo solent) theses: eò quod *thesis* vocabulum dubitationem aliquam innuit, sicut ex Topicis Aristotelis perspicui potest: ubi dicuntur disputatores aliquid *τὸ δῖναι*, id est, ponere, quod verum esse nequoquam asseverabant (asseverare enim apud Aristotelem non Topici seu Dialectici disputatoris, sed demonstratoris est) sed tamen tanquam verum aut saltem verissimè esset, disputando defendere parati erant. Imò interdum *thesis* Aristoteli dogma absurdum significat, à claro aliquo philosopho in medium allatum. At hæ sententiæ, quæ istis aphorismis continentur, nec absurde sunt (nisi rationi humanæ à Spiritu sancto non illuminatæ) nec tales, de quibus homini Christiano dubitare fas sit. Cur ergo, inquit aliquis, proponuntur ad disputandum, atq; ita in dubium vocantur? Ego verò, etsi ad disputandum à nobis hæ sententiæ proponuntur, in dubium tamen eas vocari nego. Neq; enim quasi de ipsarum veritate dubitaremus, ad disputandum eas proponimus: sed ut ipsarum veritas discipulis nostris clarius clucescat,

Præfatio.

dum obiectiones hæreticorum atq; etiam scrupuli, qui discipulorum animis incidere solent, ex verbo Dei diluuntur & explicantur: quo fit ut rudiores in veritate cælesti plenius erudiantur, infirmioresq; confirmentur.

Sed quorsum attinebat, inquiet aliquis aphorismos istos in lucem edere: quum in v. sum discipulorum tuorum peculiariter sint compositi? Nempe in hæc quoq; parte exemplum Oleviani fidelissimi servi Christi imitari volui: qui Epitomen suam non solis suis auditoribus, verum etiam exteris servire voluit. Etenim si ille indicavit, epitomen suam multis gratam atq; utilem fore propter brevitatem: multo magis istud de aphorismis meis sperare mihi licet, quorum brevitās adhuc est succinctior. Continent enim præcipua doctrinæ Christianæ capita nudè proposita, tanquam nudalib; quoddam: i. e. ossium corporis humani compages, qualem Anatomici componere solent, cute & carne detractis. Consimiliter enim hic ubertas & ornatus orationis, veluti caro & cutis, detracta sunt: sententiæ autem, quæ ad unius alicuius loci doctrinæ Christianæ tanquam corporis alicuius, integritatem requiruntur, veluti ossa quedam nuda inter se compacta sunt. Sed dicent fortassis nonnulli, hæc sibi nimis videri ossa

Præfatio.

osseæ, id est, arida, non autem succulenta. At ego osseæ quidem illa esse confiteor, atq; etiam profiteor: sed osseæ, id est, solida ac firma: verumtamen succo illo & medullâ doctrinæ celestis prædita: imò etiam nervosa. Qui verò succum orationis uberius desiderant, illi vel epitomen, vel ipsum illud grande auctoris opus legant. Neq; enim propositum mihi fuit, hoc opusculo ab ipso opere auctoris quæquam avocare, sed potius ad faciliorem illius cognitionem introducere, atq; ad id ad ardentius studium illius operis cognoscendi studiosi Theologiæ adicere atq; excitare. Spero enim fore, ut qui præcipua doctrinæ Christianæ pronuntiata his Aphorismis comprehensa perceperit: Si modò veritatis celestis pernoscentie serio studio teneatur, hæc ipsa pronuntiata uberius ac fusius disputata pluribusq; verbis declarata & illustrata apud ipsum auctorem cognoscere sit desideraturus.

Restat ut causas quoq; exponam, cur tibi, clarissime domine Beza, hos meos Aphorismos inscribere voluerim. Primum igitur istud eo consilio feci, ut huic opusculo gratiam àiquam & auctoritatem conciliarem ex consensu & approbatione viri optimè de ecclesia nostræ ætatis meriti, & adhuc quotidie merentis. Et hac quoq; in parte exemplum

Prefatio

*D. Oleviani mihi sequendum existimavi
qui eodem consilio epitomen suam tuo nomi-
ni inscripsit. Quum igitur huius mei institu-
ti consimilis sit ratio, nempe ut iuventus sa-
crarum literarum studiosa quam brevissimo
tempore de precipuis doctrinae Christianae
capitibus quam solidissime erudiat atq; in-
formetur: volui etiam ipse hoc opusculum me-
um ad eundem te mittere, atq; ita Ecclesiae
Christi (ut Olevianus noster aiebat) spe hane-
stissimi tuo apud omnes pios nominis com-
mendare. Deinde volui hac ratione meam
erga te observantiam publicè testatam red-
dere, atq; ita meo exemplo discipulos meos in
praeclara de te & scriptis tuis opinione con-
firmare, & ad illa studiosius cognoscenda in-
citare. Etsi enim nominis tui apud sanctioris
Theologiae studiosos tanta iam pridem exci-
tata sit auctoritas meritis tuis comparata,
ut meâ commendatione apud illos nequa-
quam sit opus: tamen non dubitavi quin hac
meum factum non parum eos esset in praecla-
ra de te opinione confirmaturum. Postremo
volui quod hac ipsa meâ erga te observan-
tiae testificatione gratiam tibi aliquam refer-
re, tum pro plurimis tunc erga me benevo-
lentie testimonijs, totidem scilicet quot epistolas
ad me scripsisti: tum imprimis pro honorifica
illa mei mentione, quae in posterioribus tuis
scriptis*

Prefatio.

scriptis & maximè in Annotationibus illis
laboriosissimis atq; accuratissimis in Novum
Testamentum extat. Etsi enim non ideo bea-
tum me iudico, quod homo mortalis honorifi-
cè de me sentit, meosq; qualescunq; labores
Ecclesie Christi commendat: ut qui norim
ex Apostolo, eam demum veram ac solidam
fore laudem, quæ in illo extremo iudicij die
unicuiq; ab ipso Deo continget: tamen fieri
non potest, quin homini pio iucundum hoc
accidat, si à viro pietate & sapientia celebri
testimonium aliquod honestum adipiscatur.

Quod restat, Deum patrem D. N. Iesu
Christi oro, ut laboribus nostris & piis cona-
tibus benedicat: ut sacrarum literarum stu-
diosæ inventus eiusmodi scriptorum admini-
culis adiuta in cognitione veritatis cælestis
indies magis ac magis proficiat: & aliquan-
do quæ probè didicerit, commode etiam &
solide populum Dei docere possit, ad nominis
divini gloriam, & salutem illius sempiternam.
Amen.

013014

[The page contains extremely faint, illegible text, likely bleed-through from the reverse side.]

103



LOCVS I.

De Cognitione Dei.

APHORISMVS I.

Cognoscitur à nobis DEVS vel vt
a creator, vel vt b redemptor.

*Distributio
ex effectis.*

a Act. 14 v. 14. 15. 16. 17. & cap. 17. v.
24. 25. & c. Rom. 1. v. 19. 20. b Ioh. 17. v. 5.

II.

Cognitio Dei vt creatoris, duplex est:
vna naturalis, altera acquisita.

*Prioris mē-
bri subdivi-
sio ē causis
procreanti-
bus.*

III.

Naturalis cognitio Dei vt creatoris,
est quæ se in adultis sanâ mente præ-
ditis sponte naturæ exerit: ita vt nemi-
ne etiam docente, a persuasi sint esse de-
um seu numen aliquod: id est, mentem
æternam, potentissimam, sapientissi-
mam, optimam: mundi & rerum eo cō-
tentarum conditricem atq; gubernat-
ricem: ac proinde illud numen religi-
osè colendum esse.

*Prioris mē-
bri subdivi-
sio ē definitio.*

a Rom. 1. v. 18. 19 & cap. 2. v. 14. 15.

IV.

Talem Dei notitiam hominum mē-
tibus à naturâ esse insitam, manifestum
fit,

*Definitionis
propositæ cō-*

*firmatio ex
effectis.*

*Posterioris
membris sub-
divisionis di-
stributio ex
causis pro-
creantibus.*

*Utriusque
membris sub-
divisionis de-
claratio ex
effectu, per
anathefin
causarum
corrumpen-
tium.*

*Quarta dis-
tributio, quæ
sub dividitur
posterius mē-
brum distri-
butionis ter-
tiae. Est au-
tem ex ad-
iunctis ad-
herentibus.*

fit partim ex eo, quod barbaræ quoq;
gentes ceremonias in quas religiosas
exercent: partim ex eo, quod etiã pro-
fani aliàs numinis contemtores metu
gravissimo percelluntur, quum D E U S
signa suæ majestatis ostendit: ut quum
tonat & fulgurat.

V.

Acquiritur cognitio Dei ut creatoris
per institutionem tum humanam seu
philosophicam, ex consideratione a o-
perum Dei ratiocinando deductam:
tum divinam, ex b verbo scilicet D E I
scripto haustam.

a Rom. I. v. 20. b Gen. I. Job. 38. 39. 40. 41.
Ps. 19. 104. Prov. 8. v. 22 & deinceps. Heb.
11. v. 3.

VI.

Notitia Dei tum naturalis, tum etiam
ea quæ per institutionem humanam ac-
quiritur, est illa quidem semen religio-
nis: sed partim inscitiam, partim malitiam
ita corrumpitur, ut non nisi a supersti-
tiones & falsas religiones ex se gignat.

a Rom. I. v. 21. 22. 23. Act. 17. v. 22. &
deinceps. I. Cor. 12. v. 2.

VII.

Iam notitia Dei creatoris quæ ac-
quiritur ex verbo Dei, aut nuda est, aut
cum affectu pietatis.

VIII. Po-

Postremus, hic cognitionis gradus
est ille quidem ceteris præstantior: ve-
rumtamen non sufficit ad verum Dei
cultum & veram hominis felicitatem:
sed sufficit tantum (vt & priores gradus)
ad reddendum hominem *a* inexcusabi-
lem. Necessè est autem *b* accedere ex
verbo cognitionem Dei vt redemptoris,
eamq; cum filiali fiducia conjunctam.
Atq; hæc demum vera & salutaria
cognitio Dei dici meretur: quâ scilicet
Deus à nobis & vt creator, & vt re-
demptor cognitus rectè à nobis coli-
tur: quaq; nos beati sumus.

a Rom. I. v. 20. *b* Psal. 19 ex collatione,
vers. 8. & sequentium cum præcedentibus.
c Iob. 17. v. 3.

LOCVS II.

De Sacra Scriptura.

APHORISMVS I.

Sacra scriptura ea dicitur, quæ insti-
tuta à Spiritu sancto per viros *b* san-
ctos, ac imprimis per *c* Prophetas & *d* A-
postolos conscripta est ad *e* erudiendū
populum Dei de recto Dei cultu & vera
hominis felicitate. Aliàs nominatur

verbum *Nomine.*

*Specierum
sive modorū
proposito: um
omnium cō-
paratio inter
se, & discer-
minatio ex
effectis.*

Definitio.

verbum Dei scriptum: item *f* sacræ li-
teræ, *g* sanctæ scripturæ; & sine epithe-
to, *h* scripturæ; ac numero singulari,
i scriptura. Vulgò dicuntur Biblia, no-
mine scilicet Græco plurali *Βιβλία*, id est
libelli: quod nomen tamen aliæ natio-
nes per numerum singularem efferre
solent.

a 2.Tim.3.v.16.2 Pet.1.v.21. b Ibid.
c Rom.1.v.2.2.Pet.1.v.19. d 2.Pet.3.ver.
15.16. e Rom.15.v.4.1.Tim.4.v.13. & 16
2.Tim.3.v.15.16.17. Ioh.5.v.39. & c.20.
v.31. f 2 Tim.3.15. g Rom.1.2. h Ioh.5.
39. i Ioh.10.35.

II.

*Distributio
ex adiunctis
Illustratio
distributionis
seu diversa
distributio
ex causis pro-
creantibus.
Subdivisio
prioris mem-
bri.*

Distinguitur in libros veteris & novi
Testamenti seu fœderis, eò quòd com-
posita sit partim ante Christi exhibitio-
nem, partim post eum exhibitum. Qua-
rum illa, scriptura Prophetica; hæc, A-
postolica dici solet,

III.

Libri veteris Testamenti numeran-
tur viginti quatuor: ita scilicet, ut histo-
ria Samuelis, item Regum & Chronica
seu Paralipomena, & deniq; duodecim
Prophetæ qui minores dicuntur, singu-
lis libris comprehendi intelligantur: si-
cut tabella subiecta ostendit.

De Sacra Scriptura, 5

I.
Pentateu-
chus, seu
libri Mo-
sis:

- 1 Genesis seu primus li-
ber Moſis.
- 2 Exodus seu ſecundus li-
ber Moſis.
- 3 Leviticus ſeu tertius li-
ber Moſis.
- 4 Numeri ſeu quartus li-
ber Moſis.
- 5 Deuteronomium ſeu
quintus liber Moſis.

II.
Reliqui li-
bri, hiſto-
rici:

- 6 Ioſua.
- 7 Iudicum.
- 8 Ruth.
- 9 Samuelis libri duo: vul-
gò Regum primus &
ſecundus.
- 10 Regum libri duo: vul-
gò Regum tertius &
quartus.
- 11 Chronicorum ſeu Pa-
ralipomenon libri duo.
- 12 Eſdra.
- 13 Nehemia.
- 14 Eſther.

III.
Libri poë-
tici, ſeu
didaſcali-
ci:

- 15 Iob.
- 16 Pſalmorum liber.
- 17 Proverbia Salomonis.
- 18 Eccleſiaſtes.
- 19 Canticum Canticorū.

IV.

	20 Iesaja	
	21 Ieremia: quo perti- nent & Threni seu La- mentationes.	
	22 Ezechiel.	
	23 Daniel.	1 Hoseas.
IV.		2 Ioël.
Propheta:		3 Amos.
		4 Obadia.
		5 Iona.
	24 Prophe- tae minores	6 Micha.
	numero	7 Nahum.
	duodecim,	8 Habacuc.
		9 Zephania.
		10 Haggai.
		11 Zatharia.
		12 Malachi.

Posterioris
membri sub-
divisio.

Libri novi Testamenti sunt viginti so-
ptem: videlicet,

	1 Evangelium secundum Matthæum.
	2 Evangelium secundum Marcum.
I.	
Libri histo- rici:	3 Evangelium secundum Lucam.
	4 Evangelium secundum Iohannem.
	5 Acta Apostolorum.

6 Pauli

6 Pauli Epistola ad Romanos.

7 ad Corinthios prima.

8 ad Corinthios secunda.

9 ad Galatas.

10 ad Ephesios.

11 ad Philippenfes.

12 ad Colossenses.

13 ad Theſſalonicenſes prima.

14 ad Theſſalonicenſes ſe-
cunda.

15 ad Timotheum prima.

16 ad Timotheum ſecunda.

17 ad Titum.

18 ad Philemonem.

19 ad Hebræos.

20 Epistola Iacobi.

21 Petri 1.

22 Petri 2.

23 Iohannis 1.

24 Iohannis 2.

25 Iohannis 3.

26 Iudæ.

27 Apocalypſis Iohannis.

III.

Liber propheticus.

IV.

Hæc ſcriptura ſeu verbum DEI hæc
ſcriptura comprehenſum eſt regula
rum

Declaratio
ex proprio
adiuncto.

*Declaratio
ex adiuncto
communis.*

tum *a* fidei, tum *b* vitæ omnium verorum
Dei cultorum: quia *c* authorem habet
Deum: qui nec mentiri potest, & jus in-
perandi habet in omnes. Atq; hinc isti
libri à veteribus dicti sunt Canonici.
Quibus tamen in volumine Bibliorum
adjungi solent quidam libri, qui appel-
lati sunt apocryphi, id est, absconditi: e-
quod non debeant in lucem proferri
quum doctrina de fide aut cultu Dei te-
stimonijis divinis confirmanda est.

a 2. Pet. 1. v. 19. Act. 26. v. 22. Luc. 24. v.
27. & 44. 45. 46. Act. 8. 35. & 17. v. 23. &
18. v. 28. *b* Deut. 12. v. 32. Psal. 19. v. 105.
c 2. Tim. 3. v. 16. 2. Pet. 1. v. 21.

monitioni V.

*Adiuncti
proprii, videl
authoritatis
declaratio ex
proprio sub-
iecto & cau-
sa procretae.*

Ceterum huius scripturæ authorita-
absoluta consistit in ipsis verbis quibus
illa primum conscripta est, quippe quæ
scriptoribus à Spiritu sancto *a* dictatæ
sunt: quæ in veteri quidem Testamen-
to sunt Hebraica, in novo autem Gra-
eca; Translationes verò sive interpreta-
tiones aliarum linguarum eatenus au-
thoritatem habent, quatenus cum fon-
tibus consentire comperiuntur.

a 2. Tim. 3. v. 16. 2. Pet. 1. v. 21.

VI.

Confirmatio.

Et si autem hæc scriptura fidem apud
omne

omnes meretur tanquam *divinos* & *propheta*
divinos: tamen a testimonio Spiritu
 sancti sanciri eam in cordibus nostris
 oportet, ut nobis certa eius constet au-
 thoritas, ac proinde ut plenam ei fidem
 habeamus.

propheta ad-
 iuncti ex ad-
 iuncto, adhe-
 rente, eoque, a-
 podictico &
 certo persua-
 dente.

a *Esa* 59. v. 11. *Iob* 14. v. 26. & c. 15. v.
 26. & cap. 16 v 13 *Rom* 8. v. 16. 1. *Thef.* 1.
 v. 5, 1. *Iob* 2. v. 27. & c. 5. v. 6.

VII.

Interim tamen probationes quoque
 quatenus fert humana ratio, satis firmæ
 suppetunt ad stabiliendam Scripturæ fi-
 dem: ut sunt cœlestis ipsius doctrinæ
 maiestas orationis simplicitas, puritas,
 divinitas; partium omnium inter se
 consensus, admiratio in quam nos rapit
 antiquitas ipsorum librorum, tot ac
 tam insignia miracula, mirabile com-
 plementum prophetiarum, vindictio
 divina horum librorum contra rabiem
 hostium, consensus Ecclesiæ, sanguis
 martyrum, denique ipsorum scriptorum
 naturalis atque humana conditio.

Confirmatio
ex alijs argu-
mentis vari-
is ac proba-
bilibus.

VIII.

Etsi autem consensus Ecclesiæ non pri-
 mum facit ad authoritatē scripturæ no-
 bis commendandam: falsum tamen est
 dogma

Prolepsis cō-
tra dogma
Papistarum.

*de causa au-
thoritatis
Scripturæ.*

1. Tim. 3. 15.

2. Tim. 3. 16.

3. Tim. 3. 17.

4. Tim. 3. 18.

5. Tim. 3. 19.

6. Tim. 3. 20.

7. Tim. 3. 21.

8. Tim. 3. 22.

9. Tim. 3. 23.

10. Tim. 3. 24.

11. Tim. 3. 25.

12. Tim. 3. 26.

13. Tim. 3. 27.

14. Tim. 3. 28.

15. Tim. 3. 29.

16. Tim. 3. 30.

17. Tim. 3. 31.

18. Tim. 3. 32.

19. Tim. 3. 33.

20. Tim. 3. 34.

21. Tim. 3. 35.

22. Tim. 3. 36.

23. Tim. 3. 37.

24. Tim. 3. 38.

25. Tim. 3. 39.

26. Tim. 3. 40.

27. Tim. 3. 41.

28. Tim. 3. 42.

29. Tim. 3. 43.

30. Tim. 3. 44.

31. Tim. 3. 45.

32. Tim. 3. 46.

33. Tim. 3. 47.

34. Tim. 3. 48.

35. Tim. 3. 49.

36. Tim. 3. 50.

37. Tim. 3. 51.

dogma Papistarum, quod autoritas Scripturæ pendeat ab autoritate Ecclesiæ: quasi scilicet non possimus scripturæ credere, aut quasi Scriptura non mereretur fidem, nisi nos moveret Ecclesiæ autoritas; testantis nimirum, has esse sacras scripturas, & jubentis illas pro veracibus amplecti.

IX.

*Prolepsis de
autoritate
Ecclesiæ: ubi
per occasio-
nem exponi-
tur officium
illius qua-
druplex cir-
ca Scriptu-
ram.*

Nec verò Ecclesiæ autoritas con-
temnitur, quum illi non tribuitur quod
proprium est Dei, nempe ut nobis certò
persuadeatur doctrinæ cælestis veritas.
Sed interim veræ Ecclesiæ testimonium
magnificandum est. Etenim vera Ec-
clesia sacras literas *a* custodit instar ta-
bellionis: deinde genuinas scripturas ab
adulterinis *b* discernit, sicuti aurifex
staterâ aut lapide Lydio aurum discer-
nit a cupro, & sicut peritus quispiam
bonum nummum esse docet quem in-
peritus non agnoscebat. Tum verò eri-
am Scripturas vera Ecclesia *c* promul-
gat instar præconis. Ac postremò eas-
dem rectè *d* interpretatur.

a 1. Tim. 3. 15. *b* Heb. 5. 14. *c* Gal. 4.
26. *d* Eph. 4. 11.

X.

Corollarium

Quum omnes libri sacri & Canonici
veteris

De Sacra Scriptura.

II

veteris testamenti scripti sint lingua
Hebraicâ; quippe quâ solâ tum Deus
populum suum per servos suos erudie-
bat: peccat igitur Concilium Tridenti-
num, quatenus sancit, ut libri ipsi inter-
grum omnibus suis partibus, prout in
Ecclesia catholica legi consueverunt, &
in veteri vulgata editione habetur, pro
sacris & canonicis suscipiantur, quippe
quum inter istos libros sint etiam apo-
cryphi, tempore veteris testamenti non
Hebraicè, sed Græcè scripti.

*primum, red-
argutio Con-
cily Triden-
tini.*

Sess. 4. can. 1.

XI.

Quum solus textus Hebraicus in ve-
tere testamento & Græcus in novo ve-
rè authenticus sit, & absolutam autho-
ritatem habeat: peccat igitur concilium
Tridentinum, quatenus cavet, ut Lati-
na vetus vulgata editio in publicis lecti-
onibus, disputationibus, prædicationi-
bus, & expositionibus pro authentica
habeatur: & ut nemo illam rejicere
quovis prætextu audeat aut præsumat.

*Corollarium
secundum,
alia redar-
gutio Concilij
Tridentini.*

Sess. 4. can. 2.

XII.

Quum Scriptura divinitus nobis da-
ta sit ad erudiendum nos de cultu Dei
& nostrâ salute: errant igitur fanatici,
qui posthabita Scripturâ, ad revelatio-
nem transvolant.

*Corollarium
tertium, red-
argutio
Schwœncfel-
dianorum.*

XIII.

XIII.

*Corollarium
quartum, de
Scripturæ
perfectiōe
& perspicu-
itate.*

Quum finis seu scopus Dei in Scrip-
tura sit, erudire populum suum de recto
sui cultu & verâ hominis fælicitate:
consequens est, ipsam esse & a perfec-
tam, ita nimirum, vt tradat omnia quæ
sunt ad illum scopum assequendum ne-
cessaria: & b perspicuam, ita scilicet vt
illa ipsa à quouis sana mente prædico
possint intelligi. Secus enim dicendum
esset, Deum scopum suum non assequi:
id quod cum illius omnipotentia pug-
nat.

a Deut. 4. v. 2. Ps. 1 v. 2. Ps. 19. v. 8. Iob. 30
v. ult. Rom. 15. v. 4 Gal. 1. v. 8. 2. Tim. 3. v.
15. 16. 17. 1 Iob. 1. v. 4. b Deut. 30. v. 11. Ps.
19. v. 9. Ps. 119. v. 105. Prov. 6. v. 23. Matt.
5. v. 14. 2. Pet. 1. v. 19. 2. Cor. 4. v. 3.

XIV.

*Corollarium
quintum, re-
stargutio
Traditionum
Papisticarum*

Quum doctrina Scripturæ perfecta
sit, omnia scilicet ea tradens quæ ad ve-
rum Dei cultum & ad æternam nostrâ
salutem sunt necessaria: peccant igitur
Papistæ qui vt necessarias obtrudunt
traditiones non scriptas, nempe non
scriptas à Prophetis aut Apostolis.

XV.

*Corollarium
sextum, eiuf-
dem generis.*

Quum doctrina Scripturæ certò a
vera sit: quippe ab instinctu b Spiritus

sancti profecta: erroneum igitur esse
necesse est quicquid cum ea pugnat;
quales sunt non paucae traditiones hu-
manæ, quas Papistæ Ecclesiæ pro ver-
bo Dei obtrudunt.

a 2. Pet. 1. v. 19. b Ibid. v. 21. 2. Tim. 3. 16

XVI.

Ad sacram Scripturæ rectè intelligē-
dam & interpretandam hæ teneantur
regulæ. I. Ad lectionem & meditatio-
nem sacre Scripturæ accedendum est
cum hac persuasione, quod quicquid in
ea traditur, verū & sanctum sit: quippe
quum habeat authorem Deum; qui ve-
rax & sanctus est. II. Accedendum item
cum desiderio veritatem cælestem co-
gnoscenti. Nam principium sapientiæ
est, studere acquisitioni illius, Prov. 4 7.
III. Accedendum etiam animo humili,
& parato ad amplectendam doctrinam
illam, tanquam veram & sanctam; etia si
vsuam cum iudicio rationis humanæ
pugnet IV. Deniq; accedendum præ-
missis precibus ad Deum, vt nobis sen-
sum illius aperiat: saltem quantum ad
salutem nobis scitu necessarium est.
V. Cavere etiam debemus, ne hoc ani-
mo sacras Scripturas legamus, vt detor-
queamus eas ad confirmandum præ-

Adiunctum
occupatum,
videl. sacra
Scripturæ
intelligentia
& interpre-
tatio.

conceptas nostras opiniones. V I. Atq;
sic ad legendam Scripturam debemus
accedere. In legenda verò ipsa in primis
cavendum, ne fidamus acumine nostri
ingenij. V II. Attendendum ad cuiusq;
loci scopum seu quæstionem. V III. Item
ad seriem sermonis, seu coherentiam
sententiarum. IX. Item attendendum,
quid propriè, quid per tropum dicta sit.
X. Si quid obscuri occurrat: inquirere
debemus, & cum loco illo comparare
alia Scripturæ loca ubi de re eadem agi-
tur. XI. Si per nos ipsos intelligentiam
loci obscuri adipisci non poterimus: de-
bemus consulere alios nobis peritiores
ac doctiores, & in primis doctores; sive
coram, sive in scriptis eorum: Ita tamen
ut tum demum expositionem eorum
amplectamur, quā viderimus eam cum
veritate cælesti congruere. XII. Ad-
hæc cavere in primis debemus, ne pro-
feramus vel admittamus interpretatio-
nem pugnantem cum aliquo articulo
fidei, aut cum aliquo præcepto decalo-
gi. XIII. Si versiones seu translationes
inter se discrepent: recurrendum ad
fontes, id est, linguas originales in qui-
bus sacræ literæ scriptæ sunt.

LOCVS III.

De Deo.

APHORISMVS I.

DEus est *a* spiritus *b* simplicissimus, *Definitio.*
c infinitus, *d* æternus, *e* immutabi-
 lis: *f* omnipotens, *g* omniscius, summè
h sapiens, *i* bonus, *k* clemens, *l* miseri-
 cors, *m* iustus, *n* sanctus, *o* verax, *p* li-
 berrimè potestatis, deniq; plenus *q* ma-
 jestatis & gloriæ: & est *r* Pater, Filius,
 & Spiritus sanctus: *s* conditor cœli ac
 terræ, & omnium quæ in illis conti-
 nentur, eorundemq; conservator atq;
 gubernator: necnon *t* redemptor & *u*
 sanctificator electorum suorum. Quæ
 quidem omnia opera ab æternis ejus
 decretis dependent.

a Iob. 4. v. 24. Coloss. 1. v. 15. 1. Tim. 1. v. 17.

b Deut. 6. v. 4. Exod. 3. v. 14. 15. *c* Psal. 139.

v. 7. & deinceps. 1. Reg. 8. v. 27. Esa. 66. v. 1.

Ier. 23. v. 23. 24. *d* Gen. 21. v. 33. Esa. 44.

v. 6. & c. 57. v. 15. Rom. 1. v. 20. & 23. & c.

16. v. 26. 1. Tim. 1. v. 17. Psal. 102. v. 25. &

deinceps. Apoc. 1. v. 8. *e* 1. Sam. 15. v. 29.

Psal. 102. v. 27. & 28. Esa. 46. v. 10. Malach.

3. v. 5. Rom. 1. v. 23. & c. 11. v. 29. 1. Tim. 1.

B

v. 17.

v.17. Heb. 6. v.17. Iac. 1. v.17. f Gen. 17.
 v.1. & c.28. v.3. & c.35. v.11. Exod. 15.
 Iob. 38. & 39. Psal. 91. v.1. & 2. g 1. Sam.
 2.3. & c.16. v.7.2. Chron. 16.9. h Ps. 139.
 v.1. & seq. & 104. v.24. 147. v.5. 1. Sam.
 16. v.8. Ier. 17. 10. Heb. 4. v. 13. Rom. 11. v.
 33.34. & c.16. v.27. 1. Tim. 1.17. i k, l, m,
 Exod. 34. v.6. & 7. i Ps. 5. v.13. & 34. v.9.
 & 51. v.20. & 52. v. ult. & 54. v.8. 9. Mat.
 19.17. k Ion. 4. v.2. l Psal. 107. m Gen.
 17. v.23. 25. Deut. 32. v.4. Iob. 34. v.10. 11.
 12. & c.36. toto. Ps. 11. v. ult. & 34. v. 16.
 17. Prov. 8. v.8. Esa. 45. v.21. Ier. 12. v.1.
 Thren. 1. v.18. n Lev. 10. v.3. & c.19. v.1
 Ios. 24. v.19. 1. Sam. 2. v.2. Ps. 99. v.3. Esa. 6.
 v.3. o Psal. 36. v.6. Heb. 6. v.17. 18. Tit. 1.
 v.2. p Rom. 9. v.15. & deinceps. Mat. 20.
 v.15. q Esa. 6. v.1. 2.3.4. Ezech. 1. Dan. 7.
 v.9. 10. Act. 7. 2.1. Mat. 3. v.16. 17 & c.28
 v.19. 1. Iob. 5. v.7. f Gen. 1. v.1. t Luc. 1
 v.68. & deinceps. u Eph. 2 v.10. Iob. 14. v.
 23. & 26. & c.15. v.26.

II.

Prolepsis cō-
 tra Trithei-
 sm.

Hi tres; Pater, Filius, & Spiritus san-
 ctus, sunt quidem illi, tres a hypostases
 seu personæ distinctæ; quarum b vna-
 quæq; est Deus: attamen non sunt tres
 dii; sed sunt c vnus ille verus Deus, qui
 in Scripturis d ΙΗΟΥΑ nominatur.
 a Heb.

7. a Heb. 1. v. 3. b Iob. 1. v. 1. 1. Iob. 5. 20. Act.
 8. 1. 3. & 4. c 1. Iob. 5. v. 7. 1. Cor. 8. v. 6.
 n. d Deut. 6. v. 4.

III,

9. Differunt inter se, quòd Pater à nul-
 n. lo est: Filius est a à Patre; per incom-
 v. prehensibilem atque ineffabilem gene-
 n. rationem: Spiritus sanctus verò est c à
 9. patre & d Filio, per incomprehensibi-
 ut. lem atque ineffabilem e processionem.

1. a Iob. 1. v. 14. & 18. b Psal. 2. v. 7. Pro. 8.
 6. v. 24. & 25. c Iob. 15. v. 26. d Ibid. Rom. 8.
 1. v. 9. e Iob. 15. v. 26.

Distinctio
 hypostasiarum
 divinarum

LOCVS IV.

De Angelis.

APHORISMVS I.

1. **A**ngeli sunt a spiritus b creati, a
 v. corporibus liberi, Dei creatoris
 a- c ministri.

es a Heb. 1. v. ult. Mat. 10. v. 1. b Ps. 104.
 a- v. 4. Heb. 1. v. 7. Col. 1. v. 16. c Heb. 1. v. ult.
 es 1. Reg. 22. v. 20. & deinceps.

II,

ui Angellorum alij sunt boni, alij ma-
 r. li.

Definitio.

Distributio
 ex adiunctis

B a

III.

III.

**Definitio
angelorum
bonorum.**

Boni angeli sunt qui in integritate in qua sunt creati, perstiterunt, & a confirmati sunt: ac proinde perpetuo b prompti ac parati sunt ad glorificandū Deum suo obsequio: vnde & per imagines humanas alatas, quæ c Cherubim ac d Seraphim dicuntur, populo e Israelitico & Prophetæ f Esaia, itemq; g Ezechieli repræsentati sunt: ad notandum videlicet celeritatem atq; alacritatem in exequendis mandatis Dei.

a Argumento dicti Matth. 18. v. 10. b Ps. 103. v. 20. & 21. Mat. 6. v. 10. c Gen. 3 v. ult. Exod. 25. v. 18. & c. 1. Reg 6. v. 23. & 29. d Esa. 6. v. 2. e Exod. 25. 18. f Esa. 6 g Ezech. 1, v. 4. & c. 10. v. 15.

IV.

Officia eorū.

Vtitur autem eorum ministerio Deus tum ad aliquid a hominibus, maxime b pijs, nuntiandum: (vnde & nomen istud acceperunt) tum ad mundum c gubernandum, quatenus ad vitam fidelium contra hostium (videl. malorum angelorum & hominum) insidias atq; insultus, aliosq; noxios casus d protegent, & impios quidem e puniunt, pios verò f castigant: vnde g throni dominatus, principatus, potestates, & potentia

porentiæ nominantur.

a Num: 22. v. 32. 33. 35. b Gen: 19. v. 13.
 Iud: 13. v. 3. 4. 5. Dan: 8. 16. item c. 9 v. 21.
 Luc: 1. v. 3. & deinceps, item v. 26. & deinceps.
 & c. 2. v. 10. Mat. 1. v. 20. & seq. & c. 2.
 v. 13. item v. 19. 20. & c. 28. v. 5. Act. 1. v.
 10. & deinceps. Apoc: 1. v. 1. c Dan. 16. v.
 13. 20. 21. & c. 11. v. 1. Coloss. 1. v. 16. Eph.
 1. v. 21. d Ps. 34. v. 8. item Ps. 91. v. 11. 12.
 Gen. 19. v. 10. & 16. item c. 32. v. 1. 1. Reg.
 19. v. 5. & deinceps. 2. Reg. 6. v. 16. & deinceps.
 & c. 19. v. 35. Dan. 3. v. 25 & c. 6. v. 23
 c Gen: 19. 2. Reg: 19. v. 35. Act. 12. vers. 23.
 f 2. Sam. 24. v. 15. 16. Luc: 1. v. 20. g Eph:
 1. v. 21. Coloss: 1. v. 16.

V.

Numerus bonorum Angelorum *Adiunctus*
 a maximus est: veruntamen in Scrip- *numerus.*
 tura non definitus.

â Dan: 7. 10. Apocal: 5. v. 11. Mat. 26. v.
 53. Heb: 12. v. 22.

VI.

Habitatio eorum est a cœlum: nem-
 pe supremum cœlum, quod Paulus *Subiectus*
 b tertium cœlum & paradisum nominat *locus.*

a Mat: 6. v. 10. & c. 18. v. 10. b 2. Cor:
 12. v. 2. & 4.

VII.

Quum boni Angeli hominibus ali- *Apparitioni*
modi varij.
 B 3 quid

quid nuntiaturi essent, apparuerunt eis in specie a virorum sive juvenum, insigni pulchritudine præditorum, ac interdum splendore quodam divino conspiciuorum. Aliàs apparuerunt quoq; in corporibus igneis: sive humanis, ut in visione oblata Prophetæ Esaiæ *b* in templo: sive equorum & curruum, ut in Eliæ *c* translatione in cælum, item in Elisæ *d* protectione contra Syros. Apparuerunt autem interdum quidem *e* vigilantibus, interdum verò / dormientibus, interdum deniq; in *g* ecstasi rap-
tis. Quarum apparitionum primum illud genus *b* *ὁπλοῖς*, secundum verò & tertium *i* *ὄνειρα* in sacris literis nominatur, quanquam *k* reperitur & *ὄνειρα* pro *ὁπλοῖς*.

a Gen:18.v.2. & 4. & c.19. v.2. & deinceps. Heb:13.2. Iudic:13.v.6. & deinceps
Mat:28.v.3. Marc,16.v.5. Luc:24. v.4.
Act.1.v.10. b Esa:6 Ezech:1. c 2.Reg.2
d 2.Reg.6, e Gen:18, & 19. Iudic:13.v.3.
9,11. Luc.1.v.11. & v.28. Act.10.3. f Mat.
1.v.20. Act.27.v.23. g ut accidit Iohanni
in Apocalypsi, Apoc.1.v.10. h Luc:1.v.22.
& c.24.v.23. Act:26.v.19. i Act:10.v.
17.19. & cap.11,v.5. & c.16.v.9. k Mat:
17,v.9. Act:10,v.3.

VIII.

Et si autem magna est bonorum Angelorum majestas ac divinus a splendor: tamen b adorare eos nefas est: quum creaturæ sint & conservi nostri.

a Mat: 28, v. 3. Act: 1, v. 10. Dan: 10, v. 5 & 6. b Apoc: 19, v. 10. & c. 22, v. 8, & 9. Col. 2, v. 18. Iudic: 13, v. 16.

IX.

Ufus hujus doctrinæ est; ut in periculis constituti, protectionem sanctorum angelorum à Deo petamus: confidamusq; illos nobis ex a promissione Dei præstare fore.

a Psal: 34, v. 8. item Psal. 91, v. 11, 12.

X.

Atq; hæc de angelis bonis. Mali angeli sunt, qui per rebellionem contra Deum, ex integritate sua in qua fuerunt creati a exciderunt, atq; ita ex bonis mali evaserunt: quâ malitiâ perpetuò instigantur ad officiendum b gloriæ Dei, & saluti hominum.

a Iob: 8, v. 44. Iudæ v. 5. 2. Pet: 2, v. 4. b Iob: 1, v. 11. c 1. Pet: 3, v. 8. Apoc: 12, v. 10. Luc: 22, v. 31. 1. Chron: 21, v. 1.

XI.

Nominantur in Scriptura spiritus a mali: item b Schirim שְׁחִירִים, i.e. hor-

B 4

rentes

Prolepsis contra angelorum adorationem.

Ufus doctrinæ propositæ.

Definitio angelorum malorum.

Nomina.

rentes vel horridi, quia horridi sunt quum apparent, & horrorem ijs incuriunt quibus apparent. Item, Schedim *עֲרֻמִּים*, i. e. vastatores: quia intenti sunt ad res humanas vastandas. Et hæc nomina reperiuntur in Testamento veteri. In novo autem appellantur *dæmonia*, *dæmonia*, à sagacitate in cognoscendis rebus occultis: item spiritus immundi; eò quod homines ad omne immunditiæ ac spurcitiæ genus instigant, atq; ipsi quoq; illis permixti perperant. Ad hæc nominantur quoque *f* principatus, potestates, domini mundi, rectores tenebrarum seculi huius, spirituales malitiæ, seu spiritus nequam: quia potenter agunt homines reprobos.

a 1. Sam: 16, v. 15. & deinceps. b Lev. 17, v. 7. c Dent. 32, v. 17. d Mat. 9, v. 34. & passim apud Evangelistas, 1. Cor. 10, v. 20. 1 Tim: 4, v. 1. Luc. 2, v. 19. Apoc. 9, v. 20. e Mat. 10, v. 1. & passim apud Evangelistas, f Ephes. 6, v. 12.

XII.

*Adiunctus
numerus.*

Est autem horum quoque numerus a magnus: sed in Scriptura non definitus, a Luc. 8, v. 30.

*Subiectus
locus.*

XIII.

Habitatio eorum, antequam Deo rebellarent.

bellarunt, fuit *a* cœlum illud tertium: sed postquam rebellarunt, Deus eos in tartarum *b* deiecit. Inde tamen eis permisit rursus egredi, & degere in *c* terra & *d* aëre. In die autem iudicii vniversalis *e* relegabuntur in gehennam: quæ eis à Deo *f* parata est, vt ibi æternos cruciatus patiantur.

a Iudæ v. 6. Apoc: 12, v. 8. *b* 2, Pet: 2, v. 4. *c* Iob. 1, v. 7. Mat. 4. 3. *d* Ephes: 2, 2. & 6. 12. *e* f, g. Mat. 25, v. 41. & 46. Luc. 8. 31. Mat. 8, 29. 1. Pet: 2, 4. Iudæ v. 6.

XIV.

Princeps eorum nominatur Hebraico vocabulo *a* Satan, id est, aduersarius, eò quòd Deo & filiis Dei aduersatur: item *b* Beelzebub, siue *c* Bahal-zebub, id est, dominus muscæ seu princeps muscarum. quòd olim apud Ekronitas abigeret muscas, ac muscæ figuram haberet Græcè autem nominatur *d* διάβολος diabolus, id est, calumniator, eò quòd verba & facta Dei ac filiorum Dei *e* calumniatur: item *f* ὁ πονηρός, i. e. nequam seu malignus ille, eò quòd fidelibus malitiosè ac nequiter negotium faceffit: deniq; *g* ὁ πειράζων, id est, tentator, eò quòd fideles tentat, conando eos in peccatum & exitium inducere. Item voca-

*Distributio
ex adiuncto
ordine.*

*Nomina
principis an-
gelorum ma-
lorum.*

tur h princeps mundi, & i draco magnus, ac serpens antiquus: & k deus huius seculi, & l adversarius fidelium, & m accusator fidelium. Reliqui verò, nominantur n angeli ipsius.

a Iob: 1. v. 6. & sepius in illo capite & secundo, Zach: 3, v. 1. Luc: 10, v. 18. & passim in N. T. b Mat: 12, v. 24. c 2. Reg: 1. v. 2. d Mat: 25, v. 41. Iob: 8, v. 44. i. Iob: 3, v. 8. e Gen: 3, v. 1. Iob: 1, v. 9. f Mat: 6, v. 13. Eph: 6, v. 16. i. Iob: 3, v. 12. g Mat: 4, v. 3. 1. Thess: 3, v. 5. h Iob: 12, v. 31. & c. 14, v. 30. & c. 16, v. 11. i Apoc: 12, v. 9. k 2. Corinth: 4. 4. l 1. Pet: 5. 8. m Apoc: 12, v. 10. n Mat: 25, v. 41. 2. Cor: 12, v. 7. Apoc: 12, v. 9.

XV.

*Prolepsis de
angelorum
malorum
effectis.*

Etsi autem Satan seu diabolus cum suis angelis, Deo & filiis Dei adversatur quantum in ipso est, nimirum voluntate & conatu: non tamen effectu, ita nimirum ut vel fidelibus perniciem afferre, vel quicquam efficere possit, quod Deus nolit. Deus enim illum potentiae suae freno vinctum constrictumq; tenet, ut ea modò exequatur quae ei divinitus a mandata aut b concessa fuerint. Nec verò permittit diabolo ejusve angelis Deus ut electis c exitium afferant: sed tantum

tantum vt eos d tentando exerçant.

a 1. Reg. 22, v. 20. & deinceps. b Iob. 1, v. 6. & seqq. & c. 2. v. 1. & seqq. Mat. 8, 31. & 32. c Mat. 24, v. 24. Luc: 22: v. 31, 32. Iob: 10, v. 28, 29, 30. Rom: 8, v. 35. & deinceps. d Mat: 4, v. 1. & deinceps. Eph: 6, v. 12. & deinceps.

XVI.

Vsus hujus de malis spiritibus doctrinae est, vt a solliciti simus ad praeeuend-
das eorum insidias & molitiones: tum
ijs b armis nos instruamus, quae ad propul-
sandos tam potentes ac tam multos
hostes satis firma sint & valida: praeci-
puè verò vt imbecilitatis & ruditatis
nostrae nobis conscij, Dei opem: c invo-
cemus: vt nos contra illorum insidias
& insultus protegat. Porro arma illa
quibus contra malos spiritus pugnan-
dum est, aut extra nos sunt, vt Dei
d permissiones & e praecepta: aut intra
nos, vt f fides & g preces, nec non h obe-
dientia erga Dei praecepta.

a Mat: 26, v. 41. Eph: 4, v. 27 Eph: 6, v. 11
& deinceps. i Pet: 5. 8. b Eph: 6, v. 13. &
inceps. c Mat: 26, v. 41. Eph: 6, v. 18. d Mat.
4. v. 4. Eph: 6. v. 15. e Mat: 4, v. 7, & 10.
Eph: 6. v. 17. f i. Pet. 5. v. 9. Eph: 6. v. 16.
g Eph: 6. v. 18. h Eph: 6. v. 14.

LOCVS,

Vsus doctri-
nae Propositae

LOCVS V.

*De prima natura nostra integri-
tate: ubi de imagine Dei
& libero arbitrio.*

APHORISMVS I.

*Propositio
confirmata
à fine.*

Quoniam post angelos inter crea-
turas Dei proximum locum tenet
homo: operæ pretium est cognoscere,
qualis ille initio à Deo sit conditus: ut
sciamus, vitiositatem qua nunc defor-
matus est, non esse ei inditam à Deo
creante, sed aliunde accessisse.

II.

*Definitio
imaginis
Dei.*

Igitur homo initio à Deo conditus
fuit a ad imaginem ipsius: ita ut DEO
creatori suo similis esset, quatenus na-
turam ejus diuinis quibusdam dotibus
referebat.

a Gen. I. v. 26, & 27. & cap. 5, v. 1. 2. &
c. 9. v. 6.

III.

*Distributio è
subiectis.*

Hæ dotes fuerunt partim in anima,
partim in corpore, partim in utroque,
partim deniq; toti homini adhæserunt.
Ac in anima quidem fuit primum exi-
mia a sapientia in mente seu intellectu,
quâ

quâ & Deum opificem suum, & opera
 DE I sive creaturas rectè cognoscebat;
 deinde fuit in voluntate & appetitu
 conformitas cum voluntate Dei, quam
 Apostolus veram *b* justitiam & sancti-
 tatem appellat. In corpore fuit majestas
 quædam imperatoria ex hominis vultu
 resplendens, vnde *c* a bestiis pro domi-
 no agnoscebatur. Atq; hujus majestä-
 tis vestigium quoddam elucet etiam
 nunc in eo, quòd feræ bellæ patiun-
 tur se domari & cicurari, vt homini ob-
 temperent, aut saltem eum non lædant.
 In anima & corpore simul fuit *d* im-
 mortalitas. Deniq; toti homini adhæ-
 sit jus illud *e* dominandi in cæteras a-
 nimantes, & vniversam terram ac res
 terrenas.

a Gen. 2. v. 19. 20. 23. Col. 3. v. 10. *b* Eph.
 4. v. 24. Eccl. 7. v. 29. *c* Gen. 1. v. 28. & *c*. 2
 v. 19. 20. *d* Argumento dicti Gen. 3. v. 19.
e Gen. 1. v. 28. Argumento dicti Ps. 28. 6. &
 1. Cor. 11. v. 7.

IV.

Voluntas hominis in prima illa na- *Appendix de*
 turæ integritate fuit *a* libera, quâ scili- *libertate vo-*
 cet poterat eligere bonum vel malum; *luntatis.*
 ac proinde poterat Deo obedire vel
 non obedire.

a Argu-

*a Argumento dicti Gen. 2. 17. Eccl. 7. 29.
Gen. 3. v. 6. 13. 2. Cor. 11. 3.*

LOCVS VI.

De Providentia Dei.

APHORISMVS I.

Definitio.

Providentia Dei est æternum, sapientissimum, justissimum atq; immutabile a consilium sive decretum Dei, quo res b singulas à se conditas ad suam ipsius c gloriam & electorum suorum d salutem e liberrimè gubernat.

a Act. 2 v. 23. Act. 4. v. 27. 28. b Matt. 10. v. 29. 30. Luc. 12. v. 6, 7. Exod. 21. v. 13. Deut. 19. v. 4 5. Prov. 16. v. ult. Esa. 45. v. 7. Thren. 3. v. 38. Amos 3, v. 6. Heb. 1. v. 3. c Prov. 16. v. 4 Rom. 9. v. 22. 23. d Rom. 8. v. 28. 1. Cor. 11. v. 32. e Rom. 9. v. 15. 18, 21. 22. 23.

*Corollarium
contra opini-
onem de for-
tuna.*

II.

Hinc efficitur, nihil fieri fortuito.

III.

*Prolepsis de
auctore pec-
cati: ubi de-
monstratur,
Deum non*

Et si autem Deus providentiâ suâ etiam gubernat a peccata: tamen non est causa sive author peccati: quia peccato b non delectatur, sed potius illud c abominatur: nec ipse peccat d peccareve potest

potest: item quia peccatum nec mandat nec suadet: nec infundit e peccantibus malitiam, nec eos ad peccandum cogit: ac præterea *f* ad bonum finem omnia dirigit.

esse auctorem peccati.

a Gen. 37. v. 28. & c. 45. v. 5. 7. 8. Exod. 7. v. 6. & c. 8. v. 15. 2. Sam. 12. v. 11. 12 & c. 16. v. 10. 11. 1. Reg. 22. v. 19. & seq. Item. 2. Chron. 18. v. 18. & seq. Iob. 1. v. 21. Esa. 10. v. 5. & seq. Act. 2. v. 23. & cap. 4. v. 27. 28. b Psal. 5 v. 5. 6. 7. c Deut. 18 v. 12. d Iac. 1 13. e Ibid. f Gen 45. v. 5. 7. & c. 50. v. 20 Prov. 16. v. 4. Exod 9 v. 16. Rom 9. 17. Rom. 8. v. 28.

IV.

Cæterum, quoniam Deus providentiâ suâ neminem ad peccandum cogit; nec etiam peccatum cuiquam mandat aut suadet: sequitur hinc, homines non posse peccata sua per providentiam Dei excusare. Et sanè impios quidem a conscientia sua convincit propriæ malitiæ: & illi non invitî peccant, sed potius *h* lubentes ac sæpe pleno *c* impetu; semperq; finem *d* malum propositum sibi habent: pii verò per *e* concupiscentiam pravam seducti, illâq; victi, ad peccandum inducuntur; & peccato perpetrato, culpam cum detestatione *f* agnoscunt.

*Corollarium
contra executionem
peccatorum*

a Mat.

a Mat. 27. v. 4. Gen. 45. v. 3. & c. 42. v. 21
 b 2. Sam. 16. ver. 22. c 2. Sam. 16. vers. 13.
 d Gen. 50. v. 20. Esa. 10. v. 7. e Jac. 1. v. 13
 14. 15. Rom. 7. v. 14 & seqq. f Ps. 31. Mat.
 26. v. ult. & Marc. 14. v. ult.

V.

*Uſus doctrinae
 propositae.*

Utilitas huius doctrinae triplex est. Prima, ut in rebus aduersis ſimus ^a patientes: quippe quum ſciamus, ^b Deum immittere nobis res aduerſas, non ut perdat, ſed ad ^c bonum: item iudicia Domini eſſe ^d iuſta: item ipſum eſſe ^e dominum, qui habeat ſummam in nos poteſtatem. Secunda, ut in rebus ſecundis ſimns erga Deum ^f grati: quippe cū ſciamus, Deum inclinare animos & actiones hominum, ut nobis ^g bene velint ac benefaciant: aut certè licet malè velint, non tamen ^h malefaciant, quin potiùs benefaciant. Item rebus inanimatis ⁱ vim inſpirare, vt nobis vtilis eſſe poſſint. Tertia, vt certò ^k ſperemus, Deum patris officium erga nos ſemper facturum, tum in malis avertendis, tum in bonis communicandis.

a Gen. 45. v. 4. & deinceps. & cap. 50. v. 19. 20. 21. 2. Sam. 16. v. 11. Job. 1. v. 21.
 b Amos, 3. v. 6. Esa, 45. v. 7. 1. Cor. 11. v. 32.
 c Gen. 50. v. 20. Rom. 8. v. 28. 1. Cor. 11. 32.
 d 2. Reg.

De providentia Dei. 31

d 2. Reg. 20. v. 19. e 1. Sam. 3. 18. f Gen:
24. v. 27. & 48. 15. g Gen. 32. v. 6. collatio-
ne facta cum c. 33. v. 4. 12. & 15. item c. 39.
v. 4 & 21. h Exod. 3. v. 21. & c 12. v. 35.
36. Gen. 31. v. 24. & 29. Num. 22. & 23.
i Luc. 12. v. 15. Lev 26. v. 26. Esa. 3. 1. Hag.
1. v. 6. 1. Reg. 19. v. 8. k 1. Sam. 17. v. 37. 2.
Tim. 4. v. 17. 18.

VL

Porro ita confidere debemus provi-
dentiâ Dei, vt tamen media, sit ad ma-
num sint, non contemnâmus: sed ijs re-
uerenter & in timore Domini, tanquã
providentiæ divinæ instrumentis vti-
mur: non vt fiduciam in ijs collocemus,
sed a ne tentemus Dominum.

a Mat. 2. v. 14 & cap. 4 v. 7. Act. 27. v.
24. 30. 31. Gen. 32.

*Prolepsis con-
tra contem-
tum medio-
rum.*

LOCVS VII.

De Peccato.

APHORISMVS I.

Peccatum est actionis naturæve ho-
minis a lege Dei discrepantia. Ac
proinde peccatum ex lege b cognosci-
tur, videl. per collationem, tum vitæ
tum naturæ hominis cum Lege: quem-
admodum

*Definitio,
amp'ificata
corollario:
quod ipsum
illustratur
simili.*

admodum maculæ faciet cognoscuntur
per collationem faciei cum speculo,
a 1. Iob. 3. v. 4 b Rom. 3. v. 20. & c. 7. v. 7.

II.

*Distributio
ex adiuncto
ordine.*

Peccatum aut primum est, aut à pri-
mo ortum.

III.

*Definitio pec-
cati primi.*

Primum peccatum, est a lapsus ille
seu b inobedientia seu c transgressio
primorum nostrorum parentum in pa-
radiso, per d deceptionem serpentis sive
diaboli transgredientium mandatum
Dei de non edendo fructu certæ arbo-
ris;
a Gen. 3. Rom. 5. v. 15. & seq. b Rom. 5.
v. 19. c Rom. 5. v. 14. d 2. Cor. 11. 3.

IV.

*Distributio
peccati orti.*

Ortum peccatum est aut originale
aut actuale.

V.

*Definitio
peccati origi-
nalis.*

Originale, quod inde a ab origine
conceptionis hæret in natura: videlicet
b defectio omnium naturalium hære-
dum Adæ in c lumbis d ejus, & inde e se-
cuta corruptio naturæ: quam Aposto-
lus peccatum f inhabitans, item malum
sibi g adjacens, legem in h membris suis,
rebellantem legi mentis suæ, item le-
gem peccati quæ sit in membris suis, &
corpus

corpus i mortis, id est, massam mortificam nominat. Iacocus verò concupiscentiam h̄ appellat.

a Psal: 51. v. 7. Eph: 2. v. 3. b Rom: 5 v. 12. & deinceps. c Heb: 7. v. 9, 10. d Rom, 5. v. 12. & 1. Cor: 15. v. 22. e Gen. 2. 17. & 3. 3. f Rom: 7. v. 20. g Rom: 7. 21. h Ibid. v. 22. i Ibid: v. 24. k Iac. 1. v. 14, 15.

VI.

Corruptio hæc præcipuè attingit mentem & voluntatem.

VII.

Mens ita obtenebrata est, vt licet in rebus terrenis & ad vitæ civilis mores pertinentibus aliquid (& quidem sæpe multum) cernat: tamen in rebus cœlestibus five spiritualibus, id est, pertinentibus ad verum Dei cultum & æternam animarum salutem a cæca sit.

a 1. Cor: 2. v. 14 Iob: 1. v. 5. & 18. item 6. v. 44. & deinceps. & 6. 9. v. 39. Mat. 13. v. 11. & cli 6. v. 17. Act: 26. v. 18. Rom: 1. v. 21, 22, 23.

VIII.

Voluntas verò ita est a depravata, vt licet homo sibi bene esse velit: tamen nihil eorū velit, quæ ad verum Dei cultum, & salutem suam æternam pertinent: quin potius vt quàm vehementissimè

*Declaratio
corruptionis
è subiectis.*

*Corruptio
mentis.*

*Corruptio
voluntatis.*

tissimè velit his contraria.

a Gen. 6. v. 5. & c. 8. v. 21. Rom: 7. v. 23. & 8. v. 7. Eph: 2. v. 1. 2. 3. Rom: 3. v. 10. & seqq.

IX.

*Distributio
peccati inha-
bitantis,*

Peccatum originale quoad corrup-
tionem naturæ, aut a regnat, vt fit in
plerisq; non-renatis: aut non regnat,
sed patitur resistantiam: idq; siue à sole
lumine b naturali rationis, vt fit in non-
renatis iis, qui dicuntur continentes:
siue insuper à c Spiritu sancto, vt fit in
renatis.

a Rom. 6. v. 12. & deinceps. b Rom: 2. v. 14. c Rom: 8. v. 2. 10. 11.

X.

*Definitio pec-
cati actualis,
simulq; di-
stributio.*

Ex peccato originali quoad naturæ
corruptionem a emanat peccatum ac-
tuale; quod in actione (vt cogitatione,
sermone aut facto aliquo) consistit,

a Mat: 12. 34. & cap. 15. v. 19. Iac. 1. 13. 14. 15. Rom. 7. v. 8.

XI.

*Aliæ distri-
butiones pec-
cati actualis
quarum pri-
ma à forma.*

Actuale peccatum præterea variè di-
stingui potest. Ac primò quod est aut
commissionis, aut omissionis. Commis-
sionis peccatum est, quo committitur
aliquid in Lege prohibitum: vt homici-
dium, adulterium, furtum. Omissionis
peccatum est, quo omittitur aliquid in
Lege

Lege imperatum: vt quum quis parentibus non exhibet debitum honorem.

XII.

Secundò peccatum actuale committitur omittiturve aut solâ *a* animâ, aut animâ & corpore *b* simul.

a Mar. 15. v. 19. *b* 2. Sam. 11. 2. Cor. 7. v. 1.

XIII.

Tertiò alia committuntur in *a* Deû, alia *b* in proximum, alia in nos *c* ipsos.

a 2. Sam. 24. Exod 32. Lev. 24. Num. 15. 32. *b* 2. Sam. 15. 17-18. Gen. 4 v. 8. 2. Sam 11. Iudic. 17. 2. 1. Reg. 21. *c* 1. Cor. 6. 18. 1. Sam. ult. Tit. 2. 12.

XIV.

Quartò peccatum actuale, est aut involuntarium aut voluntarium. Involuntarium: vt malæ *a* cogitationes & *b* cupiditates quæ invitis obrepunt. Voluntarium, quum voluntas pravis cupiditatibus delectatur, aut saltem eis indulget. Vnde voluntarium peccatum rursus aut plenum, aut fractum est. Plenum; quum quis *c* plenâ voluntate ac toto impetu ruit ad agendum ea ad quæ pravæ cupiditates impellunt. Fractum; quum quis pravâ cupiditate *d* abripitur, vt consentiat ad agendum quæ non probat. Ad hæc voluntarium distingui quoq;

Secunda à causis procreantibus agentibus.

Tertia ab obiectis.

Quarta ab adiunctis.

Subdivisio ex adiunctis.

Alterasubdivisio, item ex adiunctis.

quoq; potest in temerarium & deliberatum. Temerarium: quum voluntas pravis cupiditatibus consentiens, e temere ac subito ad malè agendum accedit. Deliberatum: quum voluntas pravis affectibus consentiens, ad malè agendum accedit *fantegressa* deliberatione.

a *Mat. 15, v. 19.* b *Rom. 7, v. 7. 8. & 23.* *Mat. 5, v. 22 & 28.* c *Iob. 8, v. 34* i. *Iob. 3. 9.* i. *Sam. 18. & seqq.* d *Gen. 38. vers. 16.* 2. *Sam. 11, v. 2. 3. 4* *Rom. 7, v. 15.* & *deinceps.* e i. *Sam. 25, v. 13.* 2. *Sam. 11, v. 2. 3. 4* f 2. *Sam. 15* 16. 17. *capitibus.*

XV.

Quinta ab adiunctis.

Quintò peccatum actuale, est aut occultum aut cognitum. Ac rursus occultum a tum agenti tum alijs; aut b alijs quidem, non tamen agenti. Item cognitum aut c soli agenti, aut agenti d simul & alijs.

a *Pf. 19, v. 13.* b i. *Tim. 5, v. 14.* c *Ios. 7. Act. 5.* 2. *Sam. 11, v. 15. & seq.* d 2. *Sam. 11, v. 4. & cap. 17, v. 4. & c.*

XVI.

Sexta, item ab adiunctis.

Sextò peccatum actuale, est a aut remissibile, aut irremissibile. Remissibile, cui accidit *resipiscètia*. Irremissibile, cui *resipiscètia* non contingit: cuius generis

neris est vnicum illud peccatum quod nominatur blasphemia *b* in Spiritum sanctum: quum quis veritati doctrinæ cælestis contra testimonium Spiritus sancti, quo de illa convictus est in conscientia sua, ex diabolica & malitia contradicir, illiusq; confessores odit & hostiliter persequitur; quod genus peccati Christus Phariseis objecit, nec non Stephanus patribus concilij Hierosolymitani, Act. 7. v. 51. Et Iohannes id nominat peccatum *d* ad mortem: ac monet, pro illo qui istud peccatum admittit, non esse orandum. Cujus rei ratio est, quia (vt Paulus ad Hebræos docet) *e* impossibile est tales renovari ad resipiscentiam: obstante scilicet iusto Dei iudicio, qui *f* non patitur se irrideri; aut Spiritum suum, qui est spiritus veritatis, mendacij argui.

a Mat. 12. 31. *b* Ibid. *c* Mat. 12. v. 34. *d* 1. Iob. 5. v. 16. *e* Heb. 6. v. 4. & deinceps. *f* Gal. 6. v. 7.

XVII.

Atq; in hoc sensu si accipiatur distinctio verus, qua peccatum distinguitur in veniale & mortale, admitti potest. Secus non item: si scilicet veniale intelligatur quòd mereatur veniam, quum

sic

Quid sentiendum de distinctione peccati in veniale & mortale.

fit exiguum: mortale, quod mereatur mortem, quum sit magnum. Etenim suâ naturâ omne peccatum, etiam minimum mortem *a* meretur: & quidem mortem non solum temporalem, sed & æternam. Contrâ veniam *b* adipiscuntur, quicumq; resipiscunt & in Christum credunt, etiam si gravissima peccata admiserint.

a Rom: 6. v. ult. Mat: 12. v. 36. *b* 1. Iob. 16. & 17. Luc: 23. v. 43. 2. Sam. 12. 13. Luc. 22. 32. Luc. 7. 47.

XVIII.

*Distributio
peccati re-
missibilis ex
adiuncta
quantitate
seu gradibus*

Porro remissibile peccatum est aut levius, aut gravius. Quod utrumq; æstimatur aut ex causa procreante antecedente, quæ Græcis dicitur *αἰτία*; aut ex modo agendi, aut ex objecto seu re in qua peccatum committitur. Ex causa levius est, quod committitur ex ignorantia, ut *a* persecutio Pauli: gravius, quod contra conscientiam, ut persecutio concilii *b* Hierosolymitani, qua trucidavit Stephanum. Et hic rursus levius, quod oritur ex infirmitate, gravius quod ex malitia. Rursum eorum quæ oriuntur ex infirmitate, levius, quod oritur ex metu mortis, ut *c* lapsus Petri: gravius, quod ex libidine, ut *d* adulteri.

um

um Davidis: vel ex metu ignominie,
 ut e homicidium ejusdem. Ex ijs verò
 quæ contra conscientiam committuntur,
 gravissimum est quod ex malitia fit
 ut f maledicta Simeï. Ex modo agendi
 levius peccat qui stuprum offert mulie-
 ri a se persuasæ, ut stuprum à Davide
 oblatum Bathsabæ, g quàm qui per
 vim, ut vitium oblatum b Dinæ a Si-
 chem, nec non i Thamaræ ab Ammo-
 ne, item stuprum oblatum vxori Levitæ
 a Gabaonitis. k Ex objecto levius est
 furtum vnius nummi, quàm centum
 aut mille coronatorum. Item levius est
 furtum pecudis, gravius hominis; quod
 plagium dicitur. Item levius est furtum
 ovis quàm bovis, quippe huic major
 l pœna à Deo statuta fuit quàm illi. I-
 tem levius est, dicere verbum otiosum;
 gravius, dicere verbum blasphemum,
 aut proximo noxium.

a 1. Tim. 1. 13. b Act. 7. v. 51. 54. 57. 58.
 59. c Luc. 22. 32. d 2. Sam. 11. e Ibidem.
 f 2. Sam. 16. g 2. Sam. 11. h Genes. 34.
 i 2. Sam. 13. k Iud. 19. l Exod. 22. 1.

XIX.

Ex istis distinctionibus percipitur,
 peccata esse inæqualia: contra quā Sto-
 icorum paradoxū pronuntiavit. Quod
 ipsum

Corollarium
 contra dog-
 ma Stoicorū
 de peccatorū
 equalitate.

ipsum intelligitur etiam ex *a* inæqualitate poenarum : & confirmatur expresso testimonio Christi, Ioh. 19, v. 11.

a Mat. 10. v. 15. & c. 11. v. 22. 24.

XX.

*Causæ effici-
entes.*

Atq; hæc de peccati speciebus & gradibus. Author peccati primus est *a* diabolus, decipiens primos nostros parentes: tum post illum ipsi *b* primi nostri parentes deceptione diaboli locum dantes.

a Gen. 3. v. 1. & deinceps. Ioh. 8. v. 44. 1. Ioh. 3. v. 8. b Gen. 3. v. 6.

XXI.

Effectum.

Effectum seu poena peccati est *a* mors; tum corporis, tum animæ: tum temporalis, tum æterna: nec non omnis generis *b* ærumnæ ac miseriæ.

a Rom. 6. v. ult. Gen. 2. 17. b Gen. 3. 16. & deinceps.

XXII.

*Ufus do-
ctrinæ.*

Ufus hujus doctrinæ est, vt ex consideratione nostræ miseriæ *a* humiliemur coram Deo, & gratiam illius in Christo *b* expetamus.

a 2. Sam. 12. v. 13. Dan. 9. v. 5. & deinceps. Luc. 18. vers. 13. b Psal. 51. vers. 2. & deinceps. Dan. 9. v. 16. & deinceps. Luc. 18. vers. 13.

LOCVS.

LOCVS VIII.

De Lege Dei.

APHORISMVS I.

Lex Dei est *a* doctrina *b* à Deo cum *Definitio.*
per *c* Angelos; tum *d* per Moſen da-
ta populo *e* Iſraëlitico, quâ *f* teſtatus eſt
quomodo ab eis coli vellent.

a *Psal.* 1. v. 2. *Eſa.* 2. 3. *b* *Exod.* 20. v. 1.
2. *c* *Act.* 7. 53. *Gal.* 3. 19. *Heb.* 2. 2. *Exod.*
19. v. 16. & 19. *d* *Exod.* 19. & *c.* 20. v. 19
Ioh. 1. v. 17. *Gal.* 3. v. 19. *e* *Deut.* 6. v. 6. &
deinceps. *Ps.* 147. v. 19. 20. *Deut.* 4 v. 6. 7. 8.
f *Psal.* 19. v. 8. *Item.* *Ps.* 78. v. 5. & 56.

II.

Legum Dei *a* aliæ *b* morales ſunt, alię *Distributio*
c ceremoniales, aliæ *d* iudiciales. *ex obiectis.*

a *Deut.* 5. v. 37. & *c.* 6. v. 1. *Rom.* 9. v. 4.
b *Exod.* 20. *Deut.* 5. *c* *Lev.* *d* *Exod.* 21. 22.

III.

Iudiciales ſunt leges *a* de iure con- *Definitio le-*
tractuum & pœnis eorum qui deliquere- *gum iudicia-*
rint, in hunc finem latæ, vt iuſtitia inter *lium.*
cives & tranquillitas publica vigeat, &
leges Dei tum morales, tum ceremoni-
ales à contemptu vindicentur.

a *Exod.* 21. 22. 23.

IV.

*Ceremoniali-
um.*

Ceremoniales sunt leges *a* de ceremoniis à Deo institutis ad cultum ipsius externum, & ad populum Israeliticum à reliquis populis *b* discernendum, nec non ad eundem *c* erudiendum de ratione salutis suæ æternæ per Christum venturum.

a *Leu.* 1. 2. 3. 4. 5. 6. 7. capitibus. *b* *Eph:* 2. 14. *c* *Heb:* 9. & 10. cap.

V.

Moralium.

Morales sunt leges *a* de moribus seu officiis singulorum perpetuis tum erga Deum, tum erga proximum.

a *Exod.* 20. v. 1. & *c.* *Deut.* 5, v. 6. & *c.*

VI.

*Moralium
declaratio è
subiectis locis*

Morales leges tum passim in libris Moïsis dispersæ sunt: tum in *a* Decalogo (qui dicitur) summatim sunt collectæ.

a *Exod.* 20. v. 1. & deinceps. & cap. 34, v. 28. *Deut.* 5. v. 6.

VII.

*Distributio
Decalogi.*

Decalogus in *a* duas tabulas distributus est: quarum prior quatuor præcepta continet de officiis nostris erga Deum, sive *b* de dilectione Dei: posterior verò tabula continet præcepta sex de officiis nostris erga proximum, sive *c* de dilectione

dilectione proximi.

a Exod. 24. v. 12. & c. 31. v. 18. & c. 32. v. 16. & c. 34. v. 1. b Mat. 22. v. 37. & deinceps. Deut. 6. v. 5. c Mat. 22. v. 39. Lev. 19. v. 18.

VIII.

Præcepta illa maximam partem synecdochicè concepta sunt ita ut vnà cum interdictis vitiorum mandata contrariarum virtutum, & contrà vnà cum mandatis virtutum interdicta contrariorum vitiorum; itemq; ex specie vnà vniversum genus, de aq; vnà cum factis externis consilia & cupiditates internæ nec non occasiones & causæ impulsivæ simul intelligendæ sint.

De sensu & interpretatione decalogi.

IX.

Præterea ad rectam & plenam Decalogi interpretationem hæc quoq; regulæ observandæ sunt. Sententia cuiusq; præcepti sumenda est ex fine seu scopo propter quem est datum, nempe ex fine proximo. Verbi gratia, quinti præcepti finis est, ordinis politici conservatio: complectitur ergo superiorum erga inferiores, & inferiorum erga superiores officia: quia sine his ordo politicus conservari non potest. Item, Propter fines diversos vnum & idem opus in diversis præceptis contineri

Plurès regulæ interpretandi decalogum.

2.

potest: quia fines faciunt actionum discrimina. Vt defensio, quatenus est officium parentum erga liberos, aut magistratus erga subditos, in quinto præcepto mandatur: quatenus autem est officium fortitudinis conservantis vitam proximi, in sexto præcepto continetur. Sic falsum testimonium quatenus petit famam proximi, pertinet ad præceptum nonum: quatenus autem petit proximi vitam, ad sextum.

3. *Item, Cum relativiis sanciantur etiam correlativi: quoniam illa sine his nequeunt consistere. Dum igitur præcipitur quinto præcepto ut aliqui pareant, præcipitur etiam ut aliqui præ sint gubernationi: & dum jubentur superiores honore affici, jubentur etiam ita se gerere ut honore digni sint. Sic in quarto præcepto dum jubentur homines discere verbum Dei, jubentur etiam aliqui docere. Item Secunda tabula cedere debet primæ: quum proximus diligendus est propter Deum, semper propter Dei mandatum & gloriam Itaque parentes, ac omnino superiores, honorandi quidem sunt, sicut in primo præcepto secundæ tabulæ præcipitur: sed (ut Apostolus ait) a in Domino, id est, in timore Domini, ita ut Dominus non offendatur*
- 4.

offendatur dum illi honorantur.

Veruntamen hæc regula intelligenda est de moralibus : in his enim secunda tabula primæ cedit , non autem in ceremonialibus. Si igitur necessitas & salus proximi omissionem ceremoniæ postulat: ceremonia potius *b* omittenda quàm salus proximi negligenda est. Quare hæc quoq; regula tenenda : *Lex* 5.
ceremonialis cedit morali.

a Eph. 6. v. 1. Act. 4. 19. & 5. 19. b Ose. 5. v. 6 Mat. 12. v. 3. 4. item v. 10. & deinceps. & cap. 15. v. 3, 4, 5 6.

X.

Legem suam tulit Deus , partim *a* ut *Fines.*
populum suum ab omnibus aliis populis hac insigni notâ discerneret: partim *b* ut ab eo secundum præscriptam regulam coleretur: partim deniq; *c* ut illum ad fidem Christi venturi præpararet.

a Psal. 147. v. 19. 20. Deut. 4. v. 6. 7. 8. Rom. 9. 4. Eph. 2. 14. b Deut. 4. v. 1 & deinceps. & c. 12. v. 32. c Gal. 3. v. 23. 24. Heb. 9. & 10.

XI.

Præparavit autem tum erudiendo,
tum virgendo.

XII.

Erudiendo quidem per ceremonias,

C 4

quatenus

*Quomodo
lex populum
Dei præpara-
rit ad Chri-
stum.*

1. Eruditio.

quatenus illæ, visibilis prophetiæ erant
de Christo, *a* adumbrantes sacrificium
illius, quo peccata omnium electorum
expiare debuit.

a Heb. 9 & 10.

XIII.

2. *Vrgendo.*

Vrgendo autem; quatenus eos tum
per ipsas *a* ceremonias, tum per legem
b moralem convincebat peccatorum;
tum verò maximè, quatenus eos per
c comminationem maledictionis adige-
bat ad gratiam in Christo quærendum.

a Col. 2. v. 14. *b* Rom. 3 v. 20. *c* Deut. 27
v. 26. Gal. 3. v. 10.

XIV.

*Abrogari le-
gem, quid sit*

De abrogatione Legis sic habendum.
Abrogari dicitur lex, quum *a* antiqua-
tur seu è medio tollitur: ita vt quibus
lata erat, quique eâ tenebantur, non am-
plius eâ teneantur.

a Heb. 8. v. ult.

XV.

*Lex moralis
non abrogata*

Moralis igitur lex, quum sit æterna
justitiæ regula, & *a* dilectionem Dei ac
proximi in summa requirat (quæ officia
hominis perpetua sunt) *b* non potest di-
ci abrogata esse. Etsi interea verum est,
fideles ab illius tum *c* maledictione, tum
d rigore seu rigidâ exactione (atq; adeò
metu

e metu maledictionis atq; damnationis quem rigida exactio perit) per Christum esse liberatos.

a *Mat. 22. v. 40.* b *Mat. 5. 17.* c *Gal. 3. v. 13* *Rom. 6. v. 14.* d *1. Tim. 1. 9.* e *1. Ioh. 5. v. 3.* *Rom. 7. 22.* f *Heb. 2. v. 15.* *Luc. 1. v. 74.*

XVI.

Ceremonialem legem a abrogatam esse, ex ipso ejus fine atq; usu planum est. Instituta enim erat, ut populum rudem instar b pædagogi de Christo venturo erudiret, atq; ita ad illum veluti manu duceret, Christi sacerdotium variis modis c adumbrando ac præfigurando. Posteaquam igitur ipsa d veritas & viva atq; e expressa rerum ad salutem nobis acquirendam necessariarum imago in Christo est exhibita: consequens est, umbras illas ac figuras legales esse abolitas, & pædagogum illum suo munere jam perfunctum esse.

*Ceremonialis
abrogata.*

a *Col. 2. v. 14. 16. 17.* *Eph. 2. v. 14. 15.* *Gal. 3. v. 25* & c *4. 1.* & seq. b *Gal. 3. v. 24.* c *Heb. 9.* & *10. Col. 2. v. 17.* d *Ioh. 1. v. 17.* e *Heb. 10. v. 1.*

XVII.

De judicialis legis abrogatione difficilior quæstio est. Nam nec simpliciter dici potest adhuc durare, quum politia

*Judicialis
partim abro-
gata, partim
non.*

Mosaica fit abolita: nec tamen omnino abrogata dici potest, quum multas leges contineat, quarum finis & scopus perpetuus est. Sic autem videtur statuendum: Magistratum Christianum legibus Moſis judicialibus non teneri, quantum ad res quasdam populo Iſraëlitico peculiareſ attinet: veruntamen quod attinet ad ~~a~~ pœnas delectorum, quæ ad tuendum authoritatem Decalogi à Deo ſancitæ ſunt, videtur certè hodie magistratus populi Chriſtiani nō minùſ quàm olim magistratus populi Iſraëlitici, legibus iſtis obſtrictuſ eſſe.

Quemadmodum igitur qui iure communi civiliter ex lege Moſis reuſ mortis eſt, idem in hoc tempore reuſ mortis habenduſ eſt, ita e contrario, quiſquiſ eodem iure & modo nō eſt reuſ mortis, neq; hoc tempore reuſ mortis habenduſ eſt. Etenim delicta temporibus non mutantur: ſed omnibuſ ætatuſ vnā eādēq; naturā retinent. Et ſimiliter, Dei ſententiā de delictiſ puniendiſ non mutari, conſentaneuſ eſt.

*Fr: Iunius de
politia Moſis
cap. 6.*

a I Exod. 21. 12. & c. 22. v. 1. 4. Lev. 20. v. 9. & c. & cap. 24. v. 16. Dent. 13. v. 5. 9. & 10. b Exod. 22. v. 1. & deinceps.

LOCVS IX.

*De similitudine & discrimine
veteris & novi testamenti.*

APHORISMUS I.

Testamenti vocabulum hinc usurpa- *Significatio*
tur ad significandum fedus quod *vocabuli.*
Deus pepigit cum suo populo.

II.

Quæ quidem appellatio orta est ex *Origo appel-*
eo, quod Græci sacrorum Bibliorum *lationis.*
interpretes vocem Hebraicam בְּרִית
Berith, quæ pactum seu fedus significat,
reddiderunt α διαθήκη, id est, testamen-
tum: accipientes hanc vocem (vt vide-
tur) sensu generali, tanquam dicerent
διαθήκη (vt teste * Hieronymo vertit * *In Malac.*
Aquila) id est pactum seu fedus. In qua *cap. 2.*
significatione reperitur quoq; Act. 3. 25
in oratione Petri ad populum Hieroso-
lymitanum. Vnde & Paulus ad Hæbræ-
os vocem διαθήκη b retinuit, & ex pro-
pria illius significatione argumentum
duxit.

* a 1. Reg. 5. v. 12. 2. Reg. 23. v. 2. Esa. 59. 2.
Ier. 31. v. 31. 32. 33. b Heb. 8. v. 8. 9. 10. &
cap. 9. v. 15. 16. 17.

*Fedus gratia
quid commu-
ne habeat
cum testa-
mento.*

III.

Et sanè fedus seu pactum illud gra-
tuitum Dei, cum testamento commune
hoc habet, quòd non nisi a morte vnus
ex paciscentibus sanciri atq; confirmari
potuit: videlicet morte filij Dei, qui vnà
cum Patre & Spiritu sancto fedus illud
gratiæ cum populo suo pepigit.

a Heb. 9. v. 15. 16. 17.

IV.

*Item fedus
Legale.*

Imò etiam fedus Legale morte a pe-
cudum, quanquam ceremonialiter tan-
tùm confirmatum fuit.

a Exod. 24. v. 3. 4. 5. 6. 7. 8. Heb. 9. v. 18.
19. 20.

V.

*Distributio
federis Dei.*

Fedus igitur Dei cum suo populo in
Scriptura traditur duplex, Legale, &
Gratuitum.

VI.

*Definitio fe-
deris Legalis*

Legale fedus est, quo Deus Israëlitis
olim permisit omnis generis benedicti-
ones a corporales, atq; ipsam vitam b æ-
ternam, sub conditione perfectæ c obe-
dientiæ, Legi suæ ex d totis ipsorum vi-
ribus præstandæ: & contrà e maledicti-
ones varias, ipsamq; mortem f æternam
minatus est omnibus iis qui vel g vnum
Legis mandatum transgrederentur: ip-
siq;

sq; vicissim obedientiam illam Deo
b promiserunt. Atq; hujus federis san-
ctio describitur Exod. 24.

a Lev. 26. Deut. 28. b Lev. 18. v. 5. Gal.
3. v. 12. Mat. 19. v. 16. 17. Luc. 10. v. 25. 26.
27. 28. c Ibid. d Deut. 6. v. 5. Luc. 10. v.
27. e Lev. 26. Deut. 28. v. 15. &c. f Deut.
27. v. ult. Gal. 3. v. 10. g Ibid. h Exod. 24.
v. 3. & 7.

V I I.

Gratuitum fedus est, quo Deus gra- *Definitio*
tuitum suum a favorem in b æternum *gratuiti fe-*
duraturum, promisit omnibus in Chri- *deris.*
stum credentibus: sub c conditione qui-
dem illius fidei & cum ea conjunctæ
sinceræ pietatis seu novæ obedientiæ:
veruntamen neutrius tanquam ex pro-
priis credentium viribus præstandæ,
sed tanquam ex gratuito illo favore ab
ipso d donandæ: ipsiq; vicissim gratiâ
Dei freti, fidem & obedientiam illi e pro-
mittunt.

a Gen. 12. v. 1. 2. 3. item cap. 15. & c. 17.
v. 7. Jerem. 31. v. 31. & c. b Jer. 32. ver. 40.
c Gen. 17. 1. Marc. 16. v. 16. Ioh. 3. vers. 16.
Rom. 10. v. 9. 10. d Jerem. 31. v. 33. 34. Eph.
2. v. 8. Ioh. 5. v. 25. Ioh. 6. v. 45. e Act. 8. 37
& 2. 41.

V I I I.

52 Locus IX. De simil. & discr.

VIII.

*ἐναντία.
federis vete-
ris.*

Quum inter se opponuntur Vetus & Novum testamentum seu fedus: observandum est, Vetus fedus duobus modis dici: interdum quidem ad significandum fedus *a* legale; interdum verò ad significandum fedus gratuitum, qualiter pactum est cum Abrahamo & ejus posteris. Novi autem federis appellatione non nisi gratuitum fedus intelligitur.

a Ier. 31. v. 31. 32. Heb. 8. v. 8 9. 13. & cap. 9. v. 15. 18.

IX.

*Quid in
questione
proposita in-
telligendum
nomine ve-
teris testa-
menti.*

*Admonitio
κτ' ὑποτίθηται.*

Iam quum quaeritur de Veteris & Novi testamenti similitudine & discrimine: nomine Veteris testamenti intelligendum est fedus gratuitum, qualiter pactum fuit cum *a* Abrahamo, cæterisque Patribus ante Christi adventum. Quapropter in illâ vtriusque testamenti inter se collatione non est mentio federis Legalis permiscenda.

a Gen. 17.

X.

*Summa do-
ctrine.*

Similitudo igitur seu convenientia vtriusque testamenti posita est in federis gratuiti substantia: differentia verò seu discrimen, in ejusdem administratione consistit.

XI.

In substantia federis tria consideranda veniunt: quorum primum est objectum federis, seu bonum in federe à Deo promissum: secundum causa federis impulsiva antecedens, quæ Græcè dicitur *αἰτία, ἡ προηγουμένη*: tertium est eiusdem impulsiva irritatrix ac meritoria, quæ Græcè nominatur *αἰτία, ἡ ἀποδοτική*.

Generalis explicatio convenientiæ.

XII.

Objectum federis, id est, bonum in federe à Deo promissum, est beata immortalitas: causa *αἰτία, ἡ προηγουμένη* est Dei vocantis gratuita misericordia: *αἰτία, ἡ ἀποδοτική* ac meritoria causa, est mors Mediatoris: sicut ex plurimis Scripturæ attestimoniis constat.

Spécialis explicatio convenientiæ.

a Heb. 9. 15. Job. 3. 16. Tit. 3. v. 4, 5, 6, 7. Mat. 26. 28. Act. 4. 12. Rom. 3. 24. & cap. 5. v. 8, 9, 10.

XIII.

Cæterùm Patribus quoq; propositum fuisse non terrenam felicitatem, sed cælestem: his liquet argumentis: 1. Quia vocati sunt per a promissionem Evangelii, quo certum est homines ad felicitatem b cælestem vocari. 2. Quia c eadem nobis cum habuerunt sacramenta, eadem inquam significatione, hoc est, eiusdem

Membrum primi confirmatio.

A destinato.

A destinato.

destinato. ejusdem gratiæ testimonia. 3. Quia deus sanctos illos Patres participatione sui verbi dignatus fuit, quo animæ d' vivificantur & in spem vitæ æternæ eriguntur. 4. Quia Deus Patribus illis permisit, se eis fore in Deum; quo ipso eis promisit, se Deum fore non solum ipsorum corporibus, sed animabus præcipuè: ac proinde promisit, se animas ipsorum per justitiam secum coniuncturum, ut eas / vitæ æternæ possit facere participes.

A testimonio

5. Quia Deus in federe non solum testabatur, se ipsorum Deum jam esse, sed etiam promittebat se ipsorum Deum semper g fore: quâ certè promissione felicitas illa cœlestis ac vita æterna expressè continetur. Quia

A testimonio

Deus promisit Patribus, se fore Deum etiam b leminis ipsorum post ipsos: id est, se posteris quoq; ipsorum jam mortuorum benefacturum propter ipsos seu

A testimonio.
is.

in gratiam ipsorum. 7. Quia Deus de jam defunctis, Abrahamo, Isaac & Iacobo i professus est, se Deum ipsorum esse.

*Ab absurdo
consequente.*

8. Quia sancti illi Patres multis magnisq; h miseriis in hac vita exercitati à Deo fuerunt: vnde planum est, eos è manu Dei expectasse beatitudinē non terrænæ vitæ, sed cœlestis: alioquin enim

enim suâ expectatione fuissent frustra-
 ti, ac proinde decepti promissionibus
 divinis. 9. Quia Paulus ad Hebræos te-
 statur, Abrahamum, Isaacum & Iaco-
 bum fide *l* commoratos esse in terra
 promissionis tanquam aliena, atq; ex-
 pectasse hæreditatem & civitatem &
 patriam cœlestem. 10. Quia nisi Patres
 illi complementum promissionum sibi
 à Deo factarum expectassent in cœlis,
 fuissent stiptibus *m* obtusiores: quippe
 qui pertinacissimè conlectati essent
 promissiones, quarum nulla spes in ter-
 ris apparebat. 11. Quia Patres illi, A-
 braham, Isaac & Iacob *n* confessi sunt, se
 esse inquilinos in terra Chanaan: vnde
 necesse est, o promissionem illius terræ
 à Deo eis factam, non esse principaliter
 & propriè intelligendam de illa ipsa
 terra & terrena felicitate ibi percipien-
 da, sed de vita æterna tanquam re per
 illam significata. 12. Quia sancti illi pa-
 tres *p* sepeliri voluerunt in terra Cha-
 naan, tanquam in symbolo vitæ æter-
 næ sibi divinitus dato. 13. Quia aperte
 constat, sanctos illos Patres in *q* omnib⁹
 vitæ studiis propositam futuræ vitæ be-
 atitudinem habuisse. 14. Quia Prophe-
 tæ testantur, sedus illud Dei cum Patri-
 bus

*A testimonio**Ab absurdo
consequente.**A testimonio**A testimonio**A testimonio**A testimonio*

56 Locus IX. De simil. & dīscr.

A testimonio

A testimonio

Ab exemplo.

*A causa pro-
creante.*

bus ictum & spirituale fuisse, ac proinde illis vitam æternam in illo promissam esse. 15. Quia Christus cœlestem felicitatem promittens fidelibus N. T. ait, eos srecubituros in regno Dei cum Abraham, Isaac & Iacob. 16. Quia Petrus fidelibus Iudæis sui temporis & promittens gratiam Evangelicam, id est, remissionem peccatorum & vitam æternam, facit eos hac in re pares ipsorum Patribus. 17. Quia Christus resurgens multos sanctorum secum ad vitam æternam excitavit: quare quum omnium par sit ratio: reliqui quoq; suo tempore ad eandem felicitatem excitabuntur. 18. Quia sancti illi Patres eodem x fidei spiritu præditi fuerunt quoniam nos, Ergo non minùs quàm nos regenerati fuerunt ad spem vitæ æternæ.

a Rom. 1. v. 2. Rom. 3. v. 21. Gen. 3. v. 15.
 & c. 11. v. 3. Gal. 3. v. 8. Ps. 16. v. 10. Ps. 22.
 v. 2. Ps. 40. v. 7, 8, 9. Esa 7. v. 14. & c. 9 v. 6.
 & c. 53. per totum. Ier. 33. v. 16. b Eph. 1.
 v. 13. 2. Tbess. 2. v. 14. c 1. Cor. 10. v. 3. & 4.
 Col. 2. v. 11, 12. d 1. Pet. 1. v. 23. Iob. 6. 68.
 e Gen. 17. 7. Exod. 3. 6. Levit. 26. v. 12. Mat.
 22. v. 32: f Ps. 144. v. 15. Pf. 33. v. 12. Hab.
 1. v. 12. Deut. 33. v. 29. g Gen. 17. vers. 7.
 h Ibid. i Exod. 3. vers. 6. Mat. 22. vers. 32.
 k Gen.

k Gen. 4. v. 8. Gen. 6. 7. 8, 9. Gen. 12. 13. &c.
 Gen. 26. 27. Gen. 28. 29. &c. l Heb. 11. v. 9.
 10. m 1. Cor. 15. v. 19. n Gen. 47. vers. 9.
 Psal. 39. v. 13. o Gen. 15. v. 18. p Gen.
 47. v. 29. 30. Gen. 50. v. 24. q Ps. 119. vers.
 166. & 174. r Deut. 30. v. 6. Esa. 51. v. 6.
 Dan. 12. v. 1. &c. s Mat. 8 v. 11. t Act. 3.
 v. 25. & c. 15. v. 11. n Mat. 27. v. 52. x 2.
 Cor. 4. 13. Gen. 15. v. 6. Heb. 11.

XIV.

Tam fedus illud, quo Patres conciliati Domino fuerunt, nullis eorum meritis, sed solâ Dei vocantis a misericordiâ fuisse suffultum; item habuisse ipsos & cognovisse b Mediatorem Christum, per quem & Deo conjungerentur; & promissionem ejus compotes forent: ex iisdem argumentis colligi potest.

a Ios. ult. v. 2. 3. Rom. 9. v. 13. Ps. 103 v. 8
 & seq. b Heb. 11: v. 4, Iob. 8. v. 56. Dan. 9.
 v. 17. Act. 15. v. 11.

XV.

Haftenus ostensa fuit vtriusq; Testamenti inter se similitudo seu convenientia: sequitur, vt etiam ostendatur vtriusq; dissimilitudo seu discrimen.

XVI.

Discrimen veteris & novi Testamenti in modo administrationis positum, quatuor

*Reliquorum
 duorum mem-
 brorum con-
 firmatio.*

Transitio.

*Propositio do-
 ctrinae de di-
 scrimine v-
 triusq; Testa-
 menti.*

58 Locus IX. De simil. & discr.

quatuor habet partes.

XVII.

*A subiecto
occupante.*

Primum discrimen est, quòd fedus gratuitum in veteri Testamento (id est, ante Christi adventum, & illustrem illam missionem Spiritus sancti) administratum fuit soli *a* Abrahamæ vnà cum eius posteris: ac in his præcipuè populo *b* Iudaico seu Isr. òlítico: in novo autem Testamento (id est, post Christi adventum, ac in cœlos ascensionem) administratur *c* alijs quoq; populis, non ortis ex Abrahamo, qui à Paulo *d* Gentes & *e* Græci appellantur.

a Gen: 15. v. 18 & c. 17. v. 7. Deut. 4. v. 6. 7. 8. Ps. 147. v. 20. Act. 14. v. 16. *b* Mat. 10. v. 5. 6. & c. 15. vers. 24 Rom: 15. vers. 8. *c* Mat. 28. v. 19 Marc. 16. v. 15. Act. 9. v. 15 *d* Rom. 3. v. 29. & passim. *e* Rom: 1. v. 16. & passim.

XVIII.

*Ab adiuncto
inherente.*

Secundum discrimen est, quòd fedus gratuitum ante Christi adventum administratum fuit obscurius, nempe per *a* promissiones de Christo venturo fedusq; confirmaturo, nec non per *b* typos ac ceremonias Christum venturum adumbrantes & præfigurantes: post Christi adventum autem administra-

tur

tur clariùs, nempe per *c* predicationem Evangelii & Baptismum ac Coenam Domini quæ omnia sunt *d* testimonia de Christo jam exhibito, & federe per illum confirmato.

a Gen:22.v.18. & c. 49 v.10, Deut. 18. v.15. 2. Sam. 7. v.12. Ps. 2. & 22. & 45. Esa. 7. v.14. & c. 9 v.6. & c. 53. Mich. 5. vers. 2. *b* Gen:15. v.18. Heb. 10. v.1. Col. 2. v.17. Ioh 19. v.36. *c* Mat. 28. v.19. Marc. 16. v.15. & 16. *d* Act. 1. v.8. Mat. 26. v.28. Marc. 14. v.24. Luc. 22. v.20. 1. Cor: 11. v.25.

XIX.

Tertium discrimen est, quod ante Christi adventum fedus gratiæ administratum fuit *a* minore cum efficacia Spiritus sancti: at post Christi adventum administratur cum efficacia *b* majore. Etenim Spiritus S. in electis veteris Testamenti per promissiones & ceremonias, & maximè per *c* sacrificia, tantam Dei cognitionem effecit, quanta illis ad æternam salutem fuit satis: tamen in electis novi Testamenti operatur lucem *d* cognitionis majorem, ac proinde etiam majorem Dei dilectionem. Nec verò singulare exemplum fidei *e* Abrahamæ tanquam patris creditum, regulari huic atq; ordinariæ administra-

*Ab adiunctis
adherentis.*

60 Loc.IX.De simil:& discr.

ministratiōi obstat.

a Gal.3.v.24.& cap.4.v.1,2,3,4,5,6.
b Act.2.v.17.Iob.7.v.38,39 c Ps.51.v.9.
Heb.10.1.& deinceps. d Ier.31.v.34. Esa.
11.v.9.& c.54.v.13 Joel:1.28. Act.2.v.17
18.Iob.6.v.45.1 Cor.2.v.10.1.Iob.2.v.20.
& 27. c Rom.4.v.18 & deinceps. Heb.11.
v.17.& deinceps.

XX.

Ab adiancto
adherente.

Quattum discrimen est, quod veteris federis administratio fuit a onerosior atq; molestior, propter multitudinem & conditionem ceremoniarum: quippe quæ & plures erant quàm nunc, & maioris tum laboris tum sumptus. Adde quod circumcisio coniuncta fuit cum b cruciatu: cuius expertia sunt Sacramenta N.T.

a Act.15.v.10. Gal.3.24.& c.4.v.1,2,3. b Gen.34.v.25.

XX.

Prolepsis contra absurdū
inconstantie
Dei.

Quod autem Deus victimas carcerasq; veteris Testamenti ceremonias, post Christi adventum, & in coelos ascensionem abrogavit: non est propterea putandum, eum esse inconstantem. Etenim inconstans is demum dicitur, qui mutat suum propositum, aut ab illo aliena facit: at Deus abrogandis victimis

mis pecudum, & aliam rationem cultus instituendo, nec propositum suum mutavit, nec aliena à proposito suo fecit. Nam in utriusq; testamenti cultu propositum habet adducere electos suos ad cognitionem salutis suæ in Christo. Nec ab hoc proposito quicquam alieni fecit: sed pro sua sapientia ad finem suum electos suos diversis modis adduxit & adducit; prout videbat utrorumq; tū veterum inquam, tum novorum conditionem postulare. Non secus ac peritus medicus facit, qui aliter curat senem, quàm eundem olim curavit juvenem: quod dum facit, non propterea inconstans habendus est, etsi diversa remedia adhibeat. Nam sapienter considerat diversitatem temperamenti in senē & juvene: & illi diversitati remedia accommodat, ac proinde etiam remedia diversa adhibet.

LOCVS.

LOCVS X.

*De persona & officio
Christi.*

APHORISMVS I.

Propositio.

Cognitio Christi duabus potissimum in rebus consistit: nempe ut sciamus cuiusmodi persona sit, & quod officium gerat.

II.

*Definitio
personæ
Christi.*

Quod ad personam attinet, Christus in vna eademq; persona *a* Deus & homo est. Est enim filius Dei *b* vnigenitus, qui cooperantibus *c* Patre & *d* Spiritu sancto, ex *e* semine *f* virginis Mariæ sibi *g* creauit, & creando *h* assumpsit ac personaliter atq; indissolubiliter vniuit verum *i* corpus humanum, *k* animâ rationali præditum; atq; ita verus Deus manens, verus homo factus est, nobis per omnia similis, solo in peccato excepto. Vel breuius: Est filius Dei vnigenitus, idemq; filius hominis, Mariæ scilicet virginis, per vnionem personalem assumptâ naturâ humanâ in hypostasin naturæ diuinæ.

a Rom.

a Rom. 9. v. 5. i. Iob 5. v. 20. b Iob. 1. 14.
c 18. c Heb. 10. v. 5. d Luc. 1. 35. e Heb.
2. 10. Luc. 1. v. 35. 42. f Luc. 1. v. 31. 34. 35.
g Iob. 1. v. 3. h Heb. 2. v. 6. i Heb. 10. v. 5.
j c. 2. v. 14. Luc. 1. v. 42. k Mat. 26. v. 38.
l c. 27. v. 50. Luc. 23. v. 46. m Heb. 2. v. 17
n Heb. 4. v. 15.

III.

Hæc unio personalis duarum naturarum in Christo, demonstratur ex tropo seu modo loquendi, qui à veteribus *νομινα ἰδιωματων*, id est, communicatio idiomatum seu proprietatum, dictus fuit. Est autem communicatio illa idiomatum nihil aliud quàm synecdoche, quâ quod unius in Christo naturæ proprium est, attribuitur ipsi personæ denominatæ à natura altera. Vel, est synecdoche integri, quâ ex nomine personæ Christi ab alterutra natura desumpto intelligitur natura altera, aut pars illius. Ut quum ait Paulus, a Dominum gloriæ crucifixerunt. Item, b Deus Ecclesiam acquisivit proprio sanguine. Sic quum ait Iohannes, c Sermonem vitæ ab Apostolis contractatum esse. Et quum ait Christus, d Nemo ascendit in cælum nisi is qui descendit è cælo, filius hominis qui est in cælo.

*Confirmatio
definitionis
ab effectu.*

*Definitio
communicationis
idiomatum.*

D

Item

LOCVS X.

*De persona & officio
Christi.*

APHORISMVS I.

Propositio.

Cognitio Christi duabus potissimum in rebus consistit: nempe ut sciamus cuiusmodi persona sit, & quod officium gerat.

II.

*Definitio
personæ
Christi.*

Quod ad personam attinet, Christus in vna eademq; persona *a* Deus & homo est. Est enim filius Dei *b* vnigenitus, qui cooperantibus *c* Patre & *d* Spiritu sancto, ex *e* semine *f* virginis Mariæ sibi *g* creauit, & creando *h* assumpsit ac personaliter atq; indissolubiliter vniuit verum *i* corpus humanum, *k* animâ rationali præditum; atq; ita verus Deus manens, verus homo factus est, nobis per omnia similis, solo in peccato excepto. Vel breuius: Est filius Dei vnigenitus, idemq; filius hominis, Mariæ scilicet virginis, per vnionem personalem assumptâ naturâ humanâ in hypostasin naturæ diuinæ.

a Rom:

a Rom. 9. v. 5. i. Iob 5. v. 20. b Iob. 1. 14
 & 18. c Heb. 10. v. 5. d Luc. 1. 35. e Heb.
 2. 10. Luc. 1. v. 35. 42. f Luc. 1. v. 31. 34. 35.
 g Iob. 1. v. 3. h Heb. 2. v. 6. i Heb. 10. v. 5.
 & c. 2. v. 14. Luc. 1. v. 42. k Mat. 26. v. 38.
 & c. 27. v. 50. Luc. 23. v. 46. l Heb. 2. v. 17
 m Heb. 4. v. 15.

III.

Hæc unio personalis duarum natu-
 rarum in Christo, demonstratur ex
 tropo seu modo loquendi, qui à veteri-
 bus *κωμικῶν ἰδιωματῶν*, id est, communi-
 catio idiomatum seu proprietatum, di-
 ctus fuit. Est autem communicatio illa
 idiomatum nihil aliud quàm synecdo-
 che, quâ quod unius in Christo naturæ
 proprium est, attribuitur ipsi personæ
 denominatæ à natura altera. Vel, est
 synecdoche integri, quâ ex nomine per-
 sonæ Christi ab alterutra natura de-
 sumpto intelligitur natura altera, aut
 pars illius. Ut quum ait Paulus, a Do-
 minum gloriæ crucifixerunt. Item,
 b Deus Ecclesiam acquisivit proprio
 sanguine. Sic quum ait Iohannes, c Ser-
 monem vitæ ab Apostolis contrectatum
 esse. Et quum ait Christus, d Nemo as-
 cendit in cælum nisi is qui descendit è
 cælo, filius hominis qui est in cælo.

*Confirmatio
 definitionis
 ab effectu.*

*Definitio
 communicatio-
 nis idio-
 matum.*

D

Item

64 Locus X. De persona

Item, Filius hominis *e* ascendet eò ubi erat prius, videlicet in cœlum,

a 1. Cor. 2. 8. *b* Act. 20. 28. *i.* Joh. 1. 1. d. Ioh. 3. 13. *c* Ioh. 6. 62.

IV.

*Confirmatio
à pari.*

Distinctio autem naturarum interdum exprimitur : vt quum Christus dicitur *a* factus seu ortus ex semine David secundum carnem, declaratus filius Dei cum potentia secundum spiritum sanctificationis : item quum dicitur esse *b* ex Patribus, quod ad carnem attinet. Sic quum dicitur *c* mortificatus quidem carne : vivificatus autem spiritu. Interdum verò ista distinctio atq; limitatio ex collatione talium locorum intelligenda relinquitur.

a Rom. 1. 3. & 4. *b* Rom. 9. 5. *c* 1. Pet. 3. 18.

V.

Finis incarnationis Filij Dei, seu unionis personalis duarum naturarum in Christo.

Argumenta, quod nostrum

Talem autem personam oportuit esse Christum, vt esset idoneus ad officium *a* mediatoris : ad quod nemo fuit idoneus nisi filius Dei homo factus : nimirum quia cognatus vtriq; parti inter se reconciliandæ, ac proinde charus vtriq;, & vtramq; charam habens. Deinde sic debuit fungi officio mediatoris inter Deum & nos, vt Deum nobis reconcilia-

conciliaret suâ *b* morte : quam nec si *mediatorem*
 solum fuisset Deus, sentire; nec si solum *oportuerit ef-*
 fuisset homo, superare potuisset. Item *se Deum &*
 Deum esse oportuit, ut *ad 8.* (nempe *hominem.*
 sanguis pro electis effundendus) esset
 latis & pretiosum: hominem verò, ut *d* sa-
 tisfieret iustitiæ Dei: deniq; hominem
 sanctum, ut & *e* sacerdos esset sanctus
 & *f* victimâ sancta. Ad hæc Deum esse
 oportuit, ut electis, posteaquam eos
 merito sui sacerdotii Deo reconciliasset
 eisq; impetrasset Spiritum sanctum, e-
 undem dare quoq; *g* posset : per quem
 in eis efficeret fidem, quâ illi meriti ip-
 sius fierent participes. Hominem verò,
 ut Spiritum illum in electos tanquam
 caput *h* in membra, & tanquam *i* vitis
 in palmites, subinde magis effunderet.

a 1. Tim. 2. v. 5. Heb. 8. v. 6. & cap. 9. v. 5.

b Heb. 9. v. 15. *c* Act. 20. v. 28. 1. Job. 1. v. 7

d Rom. 5. v. 12. & deinceps. *e* Heb. 7. v. 26.

f 1. Pet. 1. v. 19. *g* Job. 1. 33. & 15. 26. &

c. 16. v. 7. 14. *h* 1. Cor. 11. v. 12. & seqq.

i Eph. 5. v. 23. *i* Job. 15. v. 5.

VI.

Officium Christi triplex est: est enim
 nobis *a* Patre ordinatus in *a* Prophetâ
 & *b* Sacerdotem & *c* Regem. Atq; hinc
 & *d* Iesus & *e* Christus nominatus fuit.

*Distributio
 officij Christi*

66 Locus X. De persona

a *Dent. 18. v. 18. Mat. 3. v. 17. & c. 4. v. 13, 14, 15 16, 17. & cap. 17. v. 5. Luc 4 v. 18, 19, 20, 21. Act. 3. v. 22. & cap. 7. v. 37*
b *Pf. 110. v. 4. Heb. 7. v. 21. & seq. c Psal. 2 v. 6. Luc. 1. v. 32. d Mat. 1. v. 21. e Mat. 16. v. 16. Job. 1. v. 42.*

VII.

Definitio muneris Prophetici.

a *Propheta seu doctoris munus* functus est, quum in terris ambulans b *prædicavit Evangelium, & patefaciens nobis arcanum consilium Dei de nostra salute per ipsum paulò post procuranda: atq; hanc suam doctrinam d m* raculis divinis confirmans.

a *Dent. 18. v. 18. Act. 3. v. 22. & c. 7. v. 37*
b *Mat. 4 v. 17. & 11. 5 Esa 61. v. 1. Luc. 4 v. 21. c Ioh. 1 v. 18. d Mat. 4. v. 23. 24*

VIII.

Definitio officij sacerdotalis.

Sacerdotis officium peregit partim in terris, partim adhuc peragit in cœlis. In terris obtulit Patri pro nobis primum a *preces*, deinde b *suum ipsum corpus in cruce, eoq; c sacrificio peccata nostra expiavit.* In cœlis d *appare* cum victimâ semel in terris oblatâ, coram facie Patris: ut reconciliatio semel *parta in recenti ac perpetua memoria retineatur.*

a *Job. 17. Heb. 5. v. 7. b Heb. 7. v. 27. & cap.*

4. v. 10. v. 10. c. Heb. 9. v. 26. & c. 10. v. 14
 v. 1. Heb. 9. v. 24.

IX.

Regnum Christi inchoatur in hac
 vita, & nominatur regnum gratiæ: per-
 ficietur autem in futura vita, quod no-
 minatur regnum gloriæ. Regnum gra-
 tiæ est regnum spirituale, quo Christus
 regit corda electorum per *a* verbum su-
 um & spiritum. Quod et si in veteri
 quoq; Testamento electis suis per Pa-
 triarchas, sacerdotes & prophetas, ac
 sub initium Novi tum per Iohannem
 Baptistam, tum per seipsum suosq; disci-
 pulos administravit: tamen illud solen-
 niter demum inchoavit in die *b* Pente-
 costes, quum Spiritum sanctum misit in
 Apostolos ad prædicandum Evangeli-
 um omnibus populis. Ex illo tempore
 continuavit hoc regnum suum, & con-
 tinuaturus est usq; dum redeat ad judi-
 cium, dominans *c* in medio inimico-
 rum suorum: quorum subinde aliquos
 mirabiliter punit ac perdit, donec tan-
 dem univeros plenè subigat, & *d* sca-
 bellum pedum suorum ponat in *e* illu-
 stri illo adventu suo: quo etiam tem-
 pore fideles suos à cruce redemptos in
 coelum ad se transferet, regniq; sui cæ-
 lestis.

Definitio
 regni Christi.

68 Locus X. De persona

lestis in æternum participes faciet. Quod jam erit regnum gloriæ, videlicet regnum cœleste, quo sancti in cœlum translati, & tum secundum animam in vera sapientia & sanctitate confirmati, tum corporum gloriâ (seu claritate atq; immortalitate donati, sempiterno honore, & sempiternis gaudijs g vnâ cum Christo fruuntur.

a Ioh. 18. v. 37. Psal. 110. v. 2. collat. cum Esa. 2. 3. & Rom. 1. 16. Item 2. Co. 10. v. 4. & seq. b Act. 2 collat. cum Psal. 110. & Esa. 2. 3. c Psal. 110. v. 2. d Ibid. v. 1. e 2 Thes. 2 v. 9. & seq. f 1 Thess. 4. v. 7. g Psal. 45. v. 8. 2 Tim. 2. v. 12. Apoc. 5. v. 10.

LOCVS XI.

De Fide.

APHORISMVS I.

Propositio.

Quoniam a per fidem participes efficiamur Christi & meritorum ejus morte ipsius partorum, videlicet remissionis peccatorum & vitæ æternæ: operæ pretium est cognoscere, quidnam hæc fides sit, vnde oriatur, quorum sit, & quashabeat proprietates.

a Rom:

a Rom. 3. v. 25. Act. 10. v. 43.

II.

Est igitur hæc fides certa firmaque a cognitio gratiæ Dei, merito mortis Christi nobis reconciliatæ, ac verbo promissionis testatæ: quâ quisq; fidelium promissionem illam sibi b privatim applicat: certò statuens, illam ad se non minùs quàm ad reliquos credentes pertinere.

Definitio.

a Iob. 17. v. 3. Rom. 8. v. 28. 1. Iob. 3. v. 2.

b Gal. 2. v. 20. Rom. 8. v. 38. 39.

III.

a Gignitur autem hæc fides in cordibus b electorum aduكتورum, a c Spiritu sancto per d Evangelii prædicationem.

Causæ efficientes, & subiectum recipientis.

a Iob. 3. v. 3. 5, 6, 7, 8. 1. Cor. 4. v. 15. Phil. 1. v. 10. 1. Pet. 1. v. 23. b Iob. 6. v. 37. & c. 8 v. 47. & c. 10. v. 26. Act. 13. v. 48. Tit. 1. v. 1. 2. Thess. 3. v. 2. c Mat. 16. v. 17. Iob. 3. v. 5, 6, 8. Ephes. 2. v. 8. Iob. 6. v. 45. Act. 16. v. 14. d Rom. 1. v. 16. & c. 10. v. 17. 1. Cor. 3. v. 5. 1. Pet. 1. v. 23. & 25.

IV.

Ex hac fide continuò nascitur a fiducia, quâ fidelis acquiescit in b favore paterno Dei, morte Christi pacto: confideratâ simul c veritate ac d potentiâ illius.

Effectus.

us. Ex hac autem fiducia nascitur, & gaudium, seu lætitia, seu deniq; vita spiritualis; quatenus per eam gustatur f. favor ille Dei.

a Ephef. 3. v. 12. b Psal: 23. c Heb. 11 v. 11. d Rom: 4. v. 21. Heb. 1. v. 19. e Ioh. 8. v. 56 Rom: 14. v. 17. Ioh: 5. v. 25. & c. 6 v. 57 & 63. f Psal: 31. v. 17 item 36. v. 10. item 80. v. 4. 8. 20.

V.

Deinde nascitur ex hac fide a spes certa vitæ æternæ gloriæve cœlestis, v. nà cum Christo fruendæ.

a Rom: 5. v. 2. 5. Rom. 8 v. 23: 24. 25.

VI.

Tum oritur ex eadem a invocatio Dei tanquam benignissimi ac fidelissimi patris, Deiq; potentissimi.

a Rom. 10. v. 14 Rom: 8. v 15.

VII.

Præterea ex fide nascitur a confessio: quâ quod corde credimus, idem ore ad gloriam Dei confitemur.

a Rom: 10. v. 9 & 10. 2. Cor: 4. v. 13.

VIII.

Deniq; ex ista fide existit filialis a amor ac b timor seu reverentia, quâ fideles Deo placere student, offensamque illius sollicitè verentur, & cavent. Item c charitas

c charitas erga proximum.

a 1. Iob. 4. v. 19. b Act. 9. v. 31. 1. Iob. 3. v. 3. c Gal. 5. v. 6. 1 Iob. 3. v. 14.

IX.

Adjunctum habet hæc fides a perfectæ verantia donum: ita ut nunquam deficiat, quantumvis interdum tentationum procellis b obruatur ac veluti sepeliatur.

*Adjunctum
adherens.*

a Mat 13. v. 23 & c. 16. v. 18. Rom 8 v. 38. & 39. Iob. 10. v. 28. 1 Cor. 10. v. 13. Luc. 22. v. 32. 1. Pet. 1. v. 5. & 23. 1. Iob. 2. v. 19. 2. Tim. 2. v. 19. Ps. 1. v. 3. Esa. 42. v. 3. Matth. 12. 20. Jer. 32. v. 40. Ose. 2. v. 19. 20. b Marc. 9. v. 24. Ps. 73.

LOCVS XII.

*De pœnitentia: ubi etiam de
vita Christiana & tole-
rantia crucis.*

APHORISMVS I.

QUum pœnitentiæ vocabulo interdum id intelligatur quod Græcis *Homonymia tollitur.*
a μεταμέλεια dicitur, quum scilicet aliquem facti pœnitet, siue inde ad rectè agendi studium moveatur siue non: interdum

terdum verò id quod Apostoli *b* *μῆλα* volay vocant, quam doctiores & Theologi resipiscentiam interpretantur; quæ aliàs *d* conversio nominatur: nos jam vocabulum istud in hac posteriore significatione accipimus.

a Mat. 21. v. 29 c. 27. v. 3. *b* Mat. 4. v. 17. Act. 2. v. 38. Rom 2. v. 4. 2. Cor. 7. v. 9, 10. 2 Tim. 2. v. 25. *c* Item ex *uteribus* Lactan: *divinarum institutionum* lib. 6. c. 24. *d* Ezech. 33. v. 11. Esa. 59. v. 20. Ier: 31. v. 18. 19. Act: 15. v. 3.

II.

Definitio.

Est igitur pœnitentia, animi naturæ pravi immutatio ac a renovatio, à sincero serioq; Dei *b* timore profecta, quo impellitur animus ad serium rectè agendi Deoq; placendi studium.

a Ezech. 18. v. 31. Ier. 4. v. 1. 3. 4. Eph 4. 23. *b* Ps. 36. v. 2. Ps. 112. v. 10.

III

Distributio
in membra.

Pœnitentia constat duabus partibus, *a* mortificatione carnis, & vificatione spiritus.

a Rom. 6. v. 4. 5. 6. Eph. 4. v. 22. 23. 24. Coloss 3. v. 5. 6. 8. 9. 10. Ps. 34. 15. Esa. 1. 16. 17.

IV.

Distributio
in species.

Distingui potest pœnitentia, in ordinariam seu communem, & extraordinariam.

nariam seu specialem.

V.

Ordinaria & communis pœnitentia est, cui omnes Christianos per rotum vitæ curriculum operam dare cogit natura & corruptio.

a Rom. 7. v. 24.

Communis
pœnitentia
quid.

VI.

a Specialis pœnitentia est, quæ velut à morte excitat eos, qui vel turpius ceciderunt, ut David, Petrus: vel effreni licentiâ se proiecerunt ad peccandum, ut Corinthius ille incestuosus, 1 Cor. 5. vel quadam defectionis specie excusserunt iugum Dei: ut Manasses, 2 Chro. 33. & 2 Reg. 21.

a 1 Cor. 5. 5. 2 Cor. 12. 21.

Specialis pœ-
nitentia
quid.

VII.

Ordinaria pœnitentia confessione a coram Deo contenta est: extraordinaria verò requirit etiam confessionem b coram Ecclesia, item c luctum ac deprecationem; quo Ecclesiæ satisfiat, ut peccatorem propter scandalum excommunicatum rursum recipiat.

a Psal. 32. v. 5. Luc. 18. 13. b Psal. 51. c 2. Corinth. 2. v. 7.

Discrimen
utriusq; ex
adiunctis.

VIII.

Est etiam extraordinaria quædam pœnitentia

Alia quasi
species pœni-
tentia specia-
lis,

pœnitentia totius alicujus cœtus, quâ
sentiens imminere flagella Dei, prop-
ter publica delicta maximæ partis, a fle-
tu & jejunio adhibito Deum deprecatur.
Ac olim in Ecclesia Iudaica adde-
bant etiam *b* cinerem & saccum,

a Ioel. 2. v. 12. *b* Est *b*. r. 4. v. 3. *Jer.* 6. v. 26.

IX.

*Cause effici-
entis.*

a Author atq; effector pœnitentiæ
est Spiritus sanctus. Causa verò instru-
mental, est *b* ministerium verbi Dei.

a Act. 11. v. 18. 2. Tim. 2. v. 25. *Jer.* 31. 18

b Act. 16. v. 18. *Luc.* 1. v. 16.

X.

Effectum.

Vita Christi.

*Christiana partes
tres.*

Pars prima:

Abnegatio

nostri decla-

ratur distri-

butione ex

obiectis.

Abnegatio,

que respicit

homines, de-

claratur di-

stributione.

a Fructus sive effectum pœnitentiæ

est vita Christiana: quæ consistit in

b abnegatione nostri, meditatione vitæ

futuræ, & recto bonorum terrestrium

usu.

a Mat. 3. v. 8. *b* Luc. 9. v. 23.

XI.

Abnegatio nostri partim quidem in

homines respicit: partim verò (idque

præcipuè) in Deum.

XII.

Quæ in homines respicit abnegatio

nostri, ea consistit partim in eo, ut illos

quos Deus supra nos collocavit, ex vera

animi dejectione a honoremus: partim

in

pro, ut illis quos juxta vel infra nos
posuit, ex sincero amoris affectu be-
nefaciamus.

a Rom. 12. v. 10. Phil. 2. v. 3. b 1. Cor. 13.
4 & c. 1. Tim. 1. v. 5. 1. Ioh. 3. v. 17. 18.

XIII.

Quæ in Deum spectat abnegatio no- *Abnegatio.*
stra, ea nos format tum ad a æquanimi- *que respicit*
tatem in amplectenda sorte quam Do- *Deum, de-*
minus dederit, tum in primis ad b tole- *claratur si-*
rantiam crucis. *militer di-*

a Phil. 4. v. 11. 1. Tim. 6. 8. b Rom. 8. 17. *tributione.*

XIV.

Causæ impulsivæ, quæ nos ad cru- *Cause im-*
cem patienter tolerandam movere de- *pellentes ad*
bent, ferè sunt istæ: 1 Quia sic est cœ- *tolerantiam*
lestis patris a voluntas, ut certum de su- *crucis,*
is experimentum capiat, eos talem in
modum exercere. 2 Quia b Christum
ipsum ex ijs quæ passus est, obedientiam
discere oportuit: cui nos c conformes
fieri oportet. 3 Quia Christi passioni-
bus communicantes, d participes quoq;
erimus gloriæ resurrectionis. 4 Quia
nobis necesse est sub assidua cruce vi-
tam degere, ut convicti de nostra imbe-
cillitate & fragilitate e humiliemur, &
sic humilitati discamus f implorare vir-
tutem Dei, ejusq; præsentiam g experi-
amur

amur, ac deniq; vt ex isto experimen-
 b spes nostra confirmetur. 5. Quia ne-
 cesse habemus i ad obedientiam De-
 debitam discendam, vt carnis nostræ fe-
 rocia remedio crucis subigatur ac re-
 frenetur, ve etiam delicta commissæ
 corrigantur, & nec cum hoc mundo da-
 nemur. 6 Quia vbi pro iustitia persecu-
 tionem patimur, & maximè pro Evan-
 gelii defensione, non solum non miseri-
 sed etiam beati sumus ipsius Christi re-
 simonio. Hæ omnes causæ, prout re-
 postulat, ad tolerantiam crucis mouere
 nos atq; impellere debent.

a Rom. 5. v. 3. & 4. 1. Pet. 1. ver. 6. & 7.
 b Heb 5. v. 8 & c. 12. v. 2. 1. Pet. 2. vers. 21.
 c Rom: 8. v. 29. d Rom: 8. v. 17. 2. Tim: 2. v.
 12. e Ps. 119. vers. 71. f 2. Cor: 1. vers. 9.
 g Rom: 5. v. 4. h 2. Cor: 1. v. 10. Rom: 5. v. 4.
 i Ps. 119. v. 71. k 1. Cor. 11. v. 32. l Mat. 5.
 v. 10. 1. Pet. 3. v. 14.

XV.

*Tolerantie
 Christianæ
 definitio.*

Vera autem tolerantia sive patientia
 a non est a'v'p'dv'ia aut a'v'p'd'v'ia, quæ
 omnem acerbitalis dolorisq; sensum
 tollat: sed in eo se exerit, si homo Chri-
 stianus quantumvis acriter b extimula-
 tus, timore tamen D E I refrenatur, ne
 in aliquam intemperiem aut murmur
 erumpat

erumpat, sed potius tristitiâ & mœro-
re vulneratus, d in spirituali Dei conso-
latione acquiescat: considerata scilicet
tum justitiâ & æquitate, atq; etiam
e clementiâ Dei in nobis castigandis;
tum etiam maiestate sive summâ spote-
state Dei; tum verò inprimis consilio
Dei paterno, quo g salutis nostræ cu-
ram gerens, ad eum modū illi consulit.

a Iob. 16. v. 20. 21. 22. & c. 21. v. 18. b 2.
Cor. 4. v. 8 9. c Psal. 39. v. 2. 3 10. d 2. Cor.
6. v. 10. e Ps. 103. v. 10. & 13. f Iob. 1. 21
1. Sam. 3. 18. g Rom. 8. v. 28. 1. Cor. 11. v. 32
Heb. 12. v. 10.

XVI.

Iam vitæ futuræ meditatio (quæ al-
tera vitæ Christianæ pars est) sic est
comparata, a vt vitæ præsentis contem-
ptum ad fastidium secum trahat: quate-
nus nos Deus tum de vitæ præsentis
b vanitate, assiduis e miseriis, & de na-
turæ nostræ d pravitate per quotidia-
nos lapsus edocet, tum vitæ futuræ
e gaudia & gloriam per Spiritum suum
gustandam nobis dat.

a Gen. 25. v. 8. & c. 35. v. 29. Rom. 7. ver.
24. 2. Cor. 5. v. 2. b Eccl. 1. v. 2. c Gen. 47.
v. 9. 1 Reg. 19. v. 4. Rom. 8. 23. 1. Cor. 15. 19.
d Rom 7. v. 24. e Luc. 2. v. 29. Rom. 14. v. 17
Phil. 1. v. 23.

XVII.

*Pars secunda
vitæ futuræ
meditatio,
declaratur
ex effectu &
causis effici-
entibus.*

*Prolepsis con-
tra odium
vitæ præsen-
tis.*

XVII.
Nec tamen odio habenda est præ-
sens vita, quum sit ex numero *a* bene-
dictionum Dei, & *b* ad salutem nostram
promovendam destinata sit: partim
quatenus suam bonitatem Deus nobis
variis beneficiis *c* gustandam dat, par-
tim quatenus per varia certamina ad
coronam gloriæ cœlestis nos præpa-
rat. *a* Exod. 20. v. 12, Prov. 3. vers. 2. 16.
b Rom. 8. v. 28. *c* Ps. 24. v. 9. Act. 14. v. 17.
d Rom. 8. v. 17. 2. Tim. 2. v. 12. 2. Tim. 4. v. 8
2. Thess. 1. v. 6. 7. Act. 14. v. 22. 2. Cor. 4. 10.
11.

XVIII.

*Parti tertia,
Rectus bono-
rum terre-
strium usus
declaratur
per partes.*

Postremò rectus bonorum terrestri-
um usus (quam tertiam vitæ Christianæ
partem constituimus) in eo consistit,
primum ut hoc mundo *a* ita utamur,
tanquam si non vteremur; videntes fru-
entes quidem bonis à Deo ad corporis
sustentationem atq; recreationem *b* cō-
cessis, sed *c* temperantur & cum *d* grati-
arum actione; deinde ut bonorum ter-
renorum inopiam ac penuriam *e* pati-
enter ac placidè feramus: tum ut sem-
per cogitemus, *f* reddendam esse Deo
rationem dispensationis nostræ: ac pro-
inde ut bonis nobis concessis utamur
temperanter, modeste, caste, & ut pro-
ximo

ximo egenti, liberaliter g impertiamur:
ac deniq; vt *b* intra vocationis nostræ
metas nos contineamus.

a *1. Cor. 6. v. 12. & c. 7. v. 19, 30, 31. Psa.*
62. v. 11. b Psa. 104. v. 15. c Rom. 13. v. 14
Tit. 12. v. 12. d 1. Tim. 4. v. 3, 4, 5. e Phil.
4. v. 11, 12. f Luc. 16. v. 3. Rom. 14. v. 10. &
12, 2. Cor. 5. 10. g 1. Cor. 8. v. 13. h 1. Pet.
4. 15. 1. Cor. 7. v. 17, 20, 21, 24, 2. Thess. 4. 11.

LOCVS XIII.

De Iustificatione.

APHORISMVS I.

QUum quæritur de iustificatione *Quid voca*
hominis coram Deo, verbum ju- *bulum sig*
stificandi nunc idem valet, quod iusta *ficet.*
a constituere, seu iustum censes *b* repu-
taréve: nunc idem quod iustum *c* pro-
nuntiare, seu absolvere, quatenus qui-
dem absolvendi verbum actionem judi-
cis significat. Quæ duæ significationes
ita inter se cognatæ sunt, vt altera cau-
sam procreantem, altera effectum no-
ret. Quia enim Deus hominem iustum
reputat in mente sua, ideo eundem ju-
stum quoq; pronuntiat in mente ipsius,
d persuadendo scilicet ei illam iustitiæ
imputationem,

imputationem. Erexit enim Deus tribunal suum in hominum & conscientijs: ubi illos vel à peccatis admissis, quorum conscientia terreatur, absoluit, vel propter eadem condemnat. Restat tamen & altera tum absolutio, tum cōdemnatio: nempe solennis illa quæ fiet ore Christi in ultimo iudicii die.

a Rom. 5. 9. b Rom. 4. v. 5. 6. c Rom. 8. v. 33. d Ibid. v. 38. e Rom. 2. v. 15. f Rom. 2. v. 12. 13, 14, 15, 16. Apoc. 20. v. 12. Matt. 25. v. 34. & 41.

II.

*Declaratio
questionis
proponende.
Quid sit iu-
stificari ope-
ribus.*

Operibus justificari dicitur is, in cuius vita reperitur ea puritas ac sanctitas, quæ testimonium justitiæ apud Dei thronum mereatur: seu qui operum suorum integritate respondere & satisfacere illius iudicio queat.

III.

*Quid sit iu-
stificari fide.*

Fide justificari dicitur is, qui operum iustitia exclusus, satisfactionem Christi per fidem apprehendit: quæ a tanquam veste indutus, in Dei conspectu non ut peccator, sed tanquam justus apparet: quatenus ei propter illam iustitia à Deo b imputatur.

a Gal. 3. v. 27. Apocal. 7. vers. 14. b Rom. 4. v. 5.

I V.

Hominem non operibus, sed solâ fide coram Deo justificari, cum Apostolo a Paulo asserimus.

a Rom:3.v.28. Gal.2.v.16.

*Propositio
questionis
demonstran-
de.*

V.

Iustificatio & regeneratio sunt quidem res a conjunctæ, sed tamen distinctæ. Nam regeneratio in hac vita tantum b inchoatur & paulatim augetur, donec in altera vita perficiatur: ac iustificatio non fit ex parte, sed c perfectè: quia d conscientias pacat, & tranquillitas reddit.

a Rom.6, 7 & 8. b Rom:7. c I.Ioh.1. v.7.& 9. d Rom:5.v.1.

VI.

Discrimen hoc justificandi & regenerandi pulchrè exprimitur à Paulo. Nam is de inhærente sua iustitia seu de integritate, quâ per regenerationem donatus erat, loquens, flebiliter exclamat, a Miser ego, quis me liberabit ex corpore mortis isto! Ad iustitiam verò imputativam confugiens, quæ in sola Dei misericordia fundata est, & per justificationem confertur, magnificè b gloriatur, & plenâ fiducia vitæ & mortis, probris & inedia, gladio rebusq; omnibus

*Distinctio al-
lata confir-
matur exem-
plo ac testi-
monio Pauli.*

82. Locus XIII.

nibus adversis insultat.

a Rom: 7. v. 24. b Rom 8. v. 33. 34. 35. & c

VII.

*Declaratio
prioris partis
consequentis
in questione
plexior scilicet
definitio
iustificationis
fidei.*

Quum fide nos justificari dicimus: intelligimus, nos per fidem certò a persuasos esse, Deum nobis iustitiam b imputare, seu peccata c remittere, propter satisfactionem sive d obedientiam Christi, quam is Patri pro nobis præstitit, egustando mortem pro nobis, atq; ita spœnam legis a nobis violatæ persolvendo: seu (quod eodem redit) Deum nobis illam ipsam obedientiam Christi ad iustitiam imputare, ita scilicet ut propter illam iusti censeamur.

a Rom. 8. v. 38. b Rom: 4. v. 6. c Rom. 4. v. 7. d Rom: 3. v. 24. & c. 5. vers. 9. & 19. e 2. v. 9. f Gal. 3. v. 13. Esa. 53. v. 4, 5, & 6.

VIII.

Declaratio

*posterioris
partis consequentis, quid
excludatur
per particulam SOLA.*

Quum solâ fide nos justificari dicimus, non excludimus a gratiam misericordiamve Dei justificantis: nec b meritum mortis Christi, quod nobis ad iustitiam imputatur: sed excludimus tantum nostrâ c opera.

a Rom: 3. v. 24. & c. 5. v. 21. Eph. 1. v. 5, 6, 7, 8. b Rom: 3. v. 25. & c. 5. v. 9. & c. 8. v. 33. 34. c Rom: 3. v. 28. & c. 11. v. 6. 32. Gal. 2. v. 16.

IX.

IX.

Et sanè fidei & operum iustitia tam Demonstratio
vehementer inter se dissident, vt in v- tio questionis
num componi non possint; sed altera à natura cō-
stante, necessariò altera evertatur. Hinc trariorum.
enim est quòd Paulus iustitiam Legis Assumptio
& iustitiam fidei tanquam contrarias probatur te-
inter se opponit: quum scilicet a repu- stimoniis
diat suam iustitiam quæ est ex Lege, & Pauli qua-
acquiescit in iustitia quæ est ex fide Iesu Iux.
Christi; seu ex Deo per fidem: itē quum
hanc Iudæis b ruinæ causam fuisse tradit
quòd suam volentes iustitiam stabilire,
iustitiæ Dei non fuerunt subjecti. Idip-
sum quoq; ostendit, quum negat per
Legem c excludi gloriationem nostrā; Prolepsis de
sed per fidem. Item vbi ait: d Quum instantia cō-
rependitur operibus merces, id fieri ex tra allatam
debito, non ex gratiā: fidei autem tribui probationem
iustitiam secundum gratiam. vbi à circū-
stantia tem-
poris in ex-
emplo Abra-
a Phil. 3. v. 9. b Rom. 10. v. 3. c Rom. 3.
v. 27. d Rom. 4. v. 4 & 5.

X.

Nec verò Paulus à iustificatione ea hæ ostendi-
tantum opera excludit, quæ literaliter tur, dicta
tantum & liberi arbitrii conatu extra probationis
Christi gratiam faciunt homines non loqui de ope-
dum regeneriti. Nam certè Abraham re- ribus regene-
genitus fuit, quum illa opera faceret, ratorum,
propter

propter quæ a laudem apud homines
obtinuit, apud Deum verò justificatus
non fuit.

a Rom:4.v.2. Heb.1.v.8.9.17.

XI.

**Demonstra-
tio 2 a causis
sine quibus
non: videli-
cet electione,
redemptione,
& fidei do-
natione seu
vocationis
efficaci.**

In summa, Scriptura hunc justificati-
onis ordinem docet, quòd principio
peccatorem hominem a mera gratui-
taq; bonitate dignetur complecti Deus
nihil in ipso, quoad misericordiam mo-
veatur, reputans, nisi miseriam: quippe
quem videt à bonis operibus prorsus
nudum ac vacuum: à seipso causam
petens, cur illi beneficiat: deinde quòd
peccatorem ipsum bonitatis suæ d sen-
su afficiat; qui de propriis operibus
e diffusus, totam salutis suæ summam in
ipsius misericordiam in Christo pate-
factam rejiciat.

a Iob.3.v.16. Rom.8.v.29. & 30. Tit.3.
v.5. Ephes.1.v.5,6,7. b Eph.2.v.1. c Eph.
1.v.9. d Rom.5.v.5. e Philip.3.v.7,8. f Ep.
1.v.7.

XII.

**Demonstra-
tio 3. ex aliis
testimoniis.
Prolepsis.**

Præterea, sola fide iustificari homi-
nem, ex aliis quoq; locis Pauli perspicu-
um est: ut quum contendit, a non esse
ex fide iustitiam, nisi sit gratuita: quum
iustitiam operibus Legis b adimit; ope-
ribus

ribus, inquam, non solum ceremonialibus, sed moralibus, ut planum est ex his dictis, quæ ad sententiæ suæ probationem adducit, nempe: *c* *Qui fecerit hæc homo, vivet in ipsis.* & *d* *Maledictus omnis qui non manserit in omnib. quæ scripta sunt in libro Legis, ut ea faciat.* Item ex istis rationacionibus: *e* *Quoniam per Legem cognitio peccati, ideo non iustitia.* *f* *Quia Lex iram operatur; ergo non iustitiam.*

a *Rgm 4. v. 2. 3. 4.* *b* *Rom: 3. v. 20. 21.*
c *28. Gal. 2. v. 6.* *c* *Gal. 3 v. 12. ex Levit.*
18 v. 5. *d* *Ibid. v. 10. ex Dent. 27. vers. 26.*
e *Rom: 3. v. 20.* *f* *Rom: 4. v. 15.*

XIII.

Fatemur quidem cum Paulo, non aliam fidem iustificare quàm illā *a* charitate efficacem: sed fidem ab illa charitatis efficacia iustificandi vim sumere, aut vnā cum charitate iustificare, negamus. *a* *Gal. 5. v. 6.*

XIV.

Forma justificationis est ipsa peccatorum *a* remissio, sive iustitiæ imputatio. Etenim sicut ita Dei vniversis incumbit, quamdiu peccatores esse perseverant: sic quos Deus in gratiam recipit, eos dicitur iustificare, i. e. ex peccatoribus justos facere: id quod fit per peccato-

*Prolepsis de
 charitatis
 cum Fide
 coherentia.*

Forma.

peccatorum remissionem, siue iustitiæ imputationem. Nam si ab operibus æstimentur quos sibi Deus reconciliavit reperientur etiamnum revera *b* peccatores: quos tamen peccato solutos purisq; esse oportet.

a Rom. 4. v. 6. 7, 8. Luc. 18. ver. 13, & 14. Act. 13. v. 38. & 39. *b* Rom. 7. v. 14. & seqq. 1 Iob. 1. v. 8.

XV.

Causa impulsiva antece-
dens.

Procuratæti-
ca

Causa impulsiva *προσκαρτερων*, quæ Deum ad nos iustificandum movet, est ipsius *a* misericordia, siue gratia, seu deniq; gratuita dilectio. Causa vero *b* *εὐαγγελισμὸς* est satisfactio Christi, nempe *b* obedientia illa, quam Patri præstitit in morte pro nobis *c* gustanda: quæ obedientia nobis ad iustitiam *d* imputatur, id est, nobis accepta fertur, ac si nos eam præstitissemus.

a Rom. 3. v. 24. & c. 5. v. 21. Gal. 2. v. 21. Eph. 1. v. 6. & c. 2. v. 8. Tit. 3. v. 5. & 7. Heb. 2. v. 9. Act. 15. v. 11. Iob. 3. v. 16. *b* Rom. 5. v. 10. *c* Heb. 2. v. 9. *d* Rom. 4. v. 6.

XVI.

Appendix
causarum
sine quibus
non, seu præ-

Ut autem hæc Christi obedientia imputari nobis ad iustitiam posset, necesse fuit, ut prius perfectam obedientiam præstaret Legi Dei, sancte secundum illam

illam vivendo quod ipsum vt posset
præstare, necesse fuit vt inde ab origine
& conceptione sui in vtero matris esset
sanctus & peccati expers. Nisi enim
fuisset sanctus *a* sacerdos & sancta *b* vi-
ctima, non placuisset Deo: ac perinde
illum nobis non placasset. Imò etiam
vt obedientia illa mortis esset satis pre-
tiosa ad satisfaciendū pro nostris pecca-
tis, atq; ita ad æternam iustitiam nobis
adducendam; oportuit hunc nostrum
sacerdotem ac mediatorem esse verum
Deum.

a Heb. 7. v. 26. *b* 1. Pet. 1. v. 19. *c* Act.
20. 28. 1. Iob. 1. 7. 1. Cor. 2. 8.

XVII.

Hæc doctrina de iustificatione nostri
gratuitâ, tum demum grata & accepta
nobis erat, quum se quisq; reum hñset
coram cœlesti iudice, & de suâ absoluti-
one sollicitus vtrò se prosterneret ac exi-
manier, consideratâ nimirum iustitiæ
divinæ *a* perfectione, luxque iustitiæ
& imperfectione, imò suorum peccato-
rum *c* multitudine & gravitate. Sic-
enim demum serio miserię inopięq; no-
stræ sensu consternati atq; humiliati, ad
Christi gratiam recipiendam rectè præ-
parati fuerimus. Contrâ qui vel pro-

parantium :
vel potius
adiunctorū
necessario
connexorum
atq; antece-
dentium: scilicet
deniq; requi-
sitorum ad
efficaciam
satisfaciendā,
ac prome-
tendi.

*Demonstra-
tio 4. a testi-
monio con-
scientiæ scilicet
praxi.*

priæ justitiæ opinione d'turgent, vel
vitiis dulcedine inebriati, iudicium
Dei securè e contemnunt, illi miseri-
cordiæ Dei aditum præcludunt.

a *Deut.* 4. 24. *Heb.* 4. v. ult. b *Iob.* 4. v. 17
18, 19. c *Pf.* 19. v. 13 *Iob.* 15. v. 16. d *Luc.*
18. v. 11, 12, 13, 14. e *Rom.* 2. v. 4. & 5.

XVIII.

*Demonstra-
tio 5. ab ef-
fectu.*

Porro nisi justificatio statuatur gra-
tuita: nec Deo illibata constabit sua
a gloria, nec conscientis nostris coram
ipsius iudicio placida quies ac serena
b tranquillitas: quod tamen vtrumq; fi-
eri operæ pretium est.

a *Rom.* 3. v. 19 & 27. *I. Cor.* 1. v. 30. &
31. *Eph.* 1. v. 12. & 14 & 6. 2 v. 8. 9. b *Rom.*
5. v. 1. & 6. 8. v. 35 *Eph.* 3. v. 12.

XIX.

*Prolepsis de
discrimine
inter initium
& progres-
sum. Illustra-
tio per distri-
butionem ex
obiectis: que
est prepara-
tio ad demõ.
strationem 6.*

Observandum præterea illud quoq;
est, non solum initium justificationis,
sed & progressum merè gratuitum esse.
Quod ut melius intelligatur, quatuor
hominum ordines considerandi sunt.
Primus ordo est eorum, qui nec exter-
nè nec internè vocati sunt: secundus
ordo est contemptorum, quos vulgò E-
picureos nominant, qui externè quidè
vocati sunt, at non internè: tertius or-
do est hypocritarum, qui justitiæ glo-
riam

riam ex larva operum externorum & maximè ceremoniarum ad cultum Dei pertinentium affectant: qui & ipsi externè sed non internè vocati sunt. Quartus deniq; ordo est eorum, qui & externè & internè vocati sunt, hoc est, qui Spiritu Dei per Evangelium sunt regenerati: quales nulli sunt ex tribus superioribus ordinibus.

XX.

In primo illo hominum ordine nihil esse iustitiæ, sed meram injustitiam, atq; adeò impotentiam justè vivendi & promissioni gratiæ credendi, Scriptura passim docet: ut dum vniuersos filios Adæ hisce verbis describit: quòd a pravo sunt & præfracto corde, quòd omne figmentum cordis eorum malum sit à primis annis, quòd e vanæ sint eorum cogitationes, quòd a timorem Dei præ oculis non habeant, quòd nemo eorum intelligat aut requirat Deum. Item quòd dum nos Deus cognitione sui illuminat, a morte suscitetur, ac g novam creaturam faciat: quòd simus capitales ac professi h inimici Dei, donec iustificati in amicitiam recipimur: quòd i nō priores eum dilexerimus; quòd ab immunditiis nostris non purgemur & ablu-

Demonstratio proposita in membro distributionis primo.

amur Christi sanguine, nisi dum purgationem illam & Spiritus in nobis effici: quod tam demum incipiamus à morte in vitam transire, ubi propter Christum nobis / datum est in eum credere,

a Ierem. 17. v. 9. b Gen. 6. v. 5. & c. 8. v. 21. c Ps. 94. v. 11. d Ps. 36. v. 1. e Ps. 14. v. 2. f Iob. 5. v. 25. g Eph. 2. v. 10. h Rom. 5. v. 6, 7, 8. & 10. i 1. Iob. 4. v. 10. k 1. Cor. 6. v. 11. l Phil. 1. v. 29.

XXI.

*In membro
secundo &
tertio.*

Iam secundum quoque & tertium ordinem nihil iustitiæ habere quo coram Deo consistat, ex eo patet, quod conscientie impuritas utroque; nondum esse Dei Spiritu regeneratos arguit: quod ipsum defectum prodit fidei. Unde liquet, Deo nondum reconciliatos, nondum in ejus conspectu justificatos, quando ad hæc bona nisi per fidem non pervenitur.

XXII.

*Prolepsis de
membro ter-
tio, videl: de
operibus hy-
pocritarum.*

Sanè hypocritæ nonnullam sibi iustitiam arrogant propter speciosa illa opera ceremoniarum quas obeunt: sed tantum abest ut propterea Deo placeant, ut is potius gravissimè offendatur, quod cultum suum impuritate cordis sui & contaminant, Neque enim personæ

apud

De justificatione. 91

apud Deum gratia conciliatur per opera: sed è conuerso tum demum placent opera, vbi persona gratiam prius in Dei conspectu inuenerit. Hinc enim est, quod Moses scribit, lehouam *b* respexisse ad Abelem & ad munus eius. quibus verbis docet, oblationem Abelis placuisse Deo propterea, quod ipsa Abelis persona ei placuerit: placuit autem illa per fidem, quippe sine qua Deo placere impossibile est, quam per eam corda hominum *d* purificentur. Vnde & Paulus ad Hebræos, ait, *e* Abelem per fidem præstantius sacrificium obtulisse Deo quam Cainum: quippe qui erat hypocrita, ac proinde fide vacuus.

a Hag. 1. v. 12 13. 14. 15. Esa. 1. v. 11. 12. 13. 14. 15. Pro. 15. v. 8. b Gen. 4. v. 4 c Hebr. 11. v. 6. d Act. 15. v. 9. e Heb. 11. v. 4.

XXIII.

Postremò ad quartam ordinem quod pertinet: etsi homines spiritu Dei rege- *Demonstra-*
rati aliquam *a* operum iustitiam ha- *tio propo-*
bent: ea tamen talis ac tanta non est, *in membro*
cequa consistant coram iudicio Dei: tum *quarto.*
ur, quia bona ipsorum opera *b* imperfecta
sunt, tum quia peccato *c* contaminata.
a 1. Cor 4. v. 4 b Rom. 7. v. 14. c Phil. 3. v. 13. 14. c Esa. 64. v. 6.

Conclusio demonstrationis sextæ, & amplior confirmatio mēbri quarti.

XXIV.

Hinc iam patet, non solum principium justificationis merè gratuitum esse: ita ut peccator gratuito à damnatione liberatus iustitiam obtineat, idq; per remissionem peccatorum; sicut in commemoratis tribus primis hominum ordinibus clarè perspicitur: verum etiā eandem esse rationem progressus, ita ut justificatio illa gratuita sit perpetua: id quod in quarto illo hominum genere, qui & Spiritu Dei regenerati & fide iustificati jam sunt, apparet. Et sic Deus Abrahamo patri credentium fidem in iustitiam imputavit, a quum is multis jam annis vitæ sanctitate excelluisset. Item quum Habacuc dicit, b *Iustus ex fide vivet*: & David, c *Beati quorum remissa sunt iniquitates*: de piis loquuntur. Præterea Paulus d legationem illam de gratuita cum Deo reconciliatione perpetuam apud fideles esse testatur. Denique Christus e perpetuò manet mediator qui patrem nobis reconciliet: ac perpetua est mortis ejus efficacia ad peccata fidelium sexpiandum.

a Gen. 15. v. 6. b Hab. 2. v. 4. c Psal. 1. v. 1. d 2. Cor. 5. v. 20. e 1. Joh. 2. v. 1. f 1b. v. 2. Heb. 10. v. 14.

Quo

XXV.

Quòd autem dicunt Scholastici, non esse quidem tanti intrinseca dignitate bona opera, ut ad iustitiam comparandam sufficiant, sed hoc acceptantis esse gratiæ, quòd tantum valent: sciendum est, gratiam acceptantem nullam aliam esse quàm quâ Deus nos complectitur in Christo, imputando nobis iustitiam propter satisfactionem illius.

prolepsis de gratia acceptante.

XXVI.

Etenim opera nostra à Deo non acceptantur, nisi quatenus iustitia Christi (hoc est, per mortem Christi partâ) per fidem induti, Deo placemus; ut *a* suprâ demonstravimus: nec etiam partialis operum iustitia in iudicio Dei locum habet: quia non alia operum iustitia admittitur à Deo, quàm *b* integra Legis observatio.

Confirmatio responsionis allata.

a Aphor. 22. *b* Deut. 27. v. 26. Gal. 3. v. 10. Lev. 18. v. 5.

XXVII.

Iactare verò opera supererogationis, quibus delicta, quæ committuntur, compensentur: quomodo convenit cum illo pronuntiato Christi, ² *Si feceritis omnia quæ præcepta sunt vobis, dicite, Servi inutilis sumus; quod debuimus facere, fecimus.*

Alia prolepsis, de operibus supererogationis.

a *Luc. 17. v. 10.*

XXVIII.

Quid cauendum circa opera.

In summa, duo nobis errores & animi vitia circa opera cauenda sunt: nempe ne quid in iis ponamus fiduciæ, neve quid gloriæ illis ascribamus.

XXIX.

Confirmatio præcedentis aphorismi.

Fiduciâ quâlibet nos depellunt Scripturæ; quum docent, iustitias omnes nostras a fuerere in Dei conspectu, nihilq; quam irritare Dei ultionem posse. Porro exactâ fiduciâ, gloriationem quoq; omnem facessere necesse est. Quis enim iustitiæ laudem assignet operibus, quorum confidentiâ tripidet à Deo conspectu? a *Esa. 64, v. 6.*

XXX.

Demonstratio 7. à causis salutis.

Præterea si omnes salutis nostræ causas considerabimus, in singulis gratiam Dei elucere deprehendemus, exclusa operum nostrorum iustitia. Etenim salutis nostræ author est Deus Pater, Filius, & Spiritus sanctus. Pater quidem: quatenus ex mera a misericordia & gratuita b dilectione misit Filium ad nos è potestate diaboli redimendum: Filius verò, quatenus è spontanea nostri c dilectione d obediens est factus Patri vique ad mortem crucis, atq; ita pro nobis

bis iustitiæ Dei e satisfecit: Spiritus sanctus deniq; quatenus nobis fdonat fidem, qua iustitiam mortis Christi partam apprehendimus. Porro finalem causam testatur Apostolus esse, & divinx iustitiæ g demonstrationem, & b bonitatis laudem.

a Tit. 3. v. 5. b Iob 3. v. 10. 1 Iob 4 v. 9. & 10. c Iob. 15. v. 12. & 13 Rom. 5. v. 7. 8. 1. Iob. 3. v. 16. d Rom: 5. v. 19. Phil 2. v. 8 e Rom. 3 v. 25. 1. Iob. 2. v. 2. f Eph. 2. v. 8 & c. 1. v. 13. g Rom: 3. v. 25. h Ephes. 1. v. 6. & 12.

XXXI.

Quodd autem sancti interdum suam innocentiam & integritatem coram Deo prædicant: id non faciunt in eum finem, ut iustitia suorum operum nitan- tur in iudicio Dei, & conscientiam inde tanquam fundamento firment: sed ut vel ostendant, se a bonam habere causam contra suos adversarios, vel ut se à fructibus b vocationis suæ de adoptione gratuita consolentur: quippe qui in vnico Dei favore acquiescunt.

a Ps. 7. v. 9. Ps. 18 v. 21. & 25. b 2. Reg 20. v. 3. 2. Tim: 4. v. 7 8. 2. Pet. 1. v. 10.

XXXII.

Quodd autem præterea bona fidelium
E s opera

*Alia prolep-
sis de causis
beneficiorum
divinorum.*

opera Scriptura *a* causas esse ostendit, cur illis Deus benefaciat: sciendum est, eatenus esse causas, quatenus Deus ex prioribus suis gratiis causam sumit secundas addendi: vnde intelligitur, non esse causas vt merita, sed tantum propter seriem seu ordinem antecessionis, quia quos Deus glorificare vult, eos prius *b* sanctificat: ne scil. impuritas & malitia glorificationi obftet. In summa, Deus opera manuum suarum in nobis coronat: vt scitè * Augustinus ait.

* In Ps. 137.

a Gen. 22. v. 16, 17, 18. b Eph. 5. v. 26, 27.

XXXIII.

*Bona opera
non prome-
rent gratiam
Dei.*

Cæterum bona nostra opera non promereri gratiam Dei, his rationibus liquet. Primum, quia sunt *a* plena immunditiæ: deinde, quia sunt *b* debita obsequia: tum, quia non sunt nostra, id est, à nobis ex vi liberi arbitrii profecta, sed sunt *c* effecta gratiæ Dei in nobis.

a Esa. 64. v. 6. b Luc. 17. v. 10. c Rom. 8. v. 10 Eph. 2. v. 10. Phil. 2. v. 13.

XXXIV.

Prolepsis.

Quòd autem bona nostra opera Deo placent, & *a* remunerationem percipiunt: non fit, quia ita merentur; sed quia divina *b* benignitas ex gratia illa acceptat, & pretium eis statuit.

a 2. Tim.

a 2. Tim 4 8. b Malac. 3. 17.

XXXV.

Porro nemo Christianus dubitat, quin fundamentum doctrinae Christianae retinendum sit. Fundamentum autem illud est doctrina, qua docetur, a Christum esse nobis datum in iustitiam, qua doctrina stante, dogma de iustitia nostrorum operum tanquam illi contrarium, consistere non potest.

a 1. Cor. 1. 30. & c. 3. 11.

XXXVI.

Inprimis autem huic fundamento adversantur duo illa dogmata Papistarum: unum, esse bona quaecumque opera moralia, quibus gratiosi reddantur Deo homines, a antequam Christo inserantur: alterum, Christum meruisse nobis b primam gratiam, hoc est, occasionem merendi: esse jam nostrarum partium, occasioni oblatae non deesse.

Id est, hoc duorum dogmatum Papistarum.

a Heb. 11. v. 6. b Gal. 3. v. 13. 14 Iob. 3. v. 16.

XXXVII.

Cæterum fundamento sapienter superædificandum est, nam ea demum salutaris est de bonis operibus doctrina, quæ ex doctrina fidei tanquam effectum ex causa deducitur. Ideo enim fide per Christum

Appendix de doctrina salutari bonorum operum.

Christum justificamur, ut per studium bonorum operum pro tanto beneficio nos Deo gratos exhibeamus.

Hec methodus à Paulo servatur in omnibus fere epistolis: ut ad Roman. ad Gal. ad Eph. ad Phil. ad Col. &c.

LOCUS XI V.

De libertate Christianâ.

APHORISMVS I.

*Propositio
confirmata
à fine.*

Quoniam Christiani seu fideles novi testamēti à Lege & liberati sunt: considerandum restat, quousq; libertas hæc Christiana se extendat, quibûsve in rebus consistat: ne quis ea contra Dei gloriam, suamq; ipsius aut proximi salutem petulantur *b* abutatur.

a Rom. 6. v. 14. b Gal. 5. v. 13.

II.

*Propositio
specialis tri-
membris.*

Christiana libertas in tribus partibus sita est: videlicet in liberatione à Legis justificatione, à dominatu peccati, & à Legis ceremoniis. Quarum partium duæ priores communes fuerunt fidelibus V. T. cum fidelibus testamenti novi: tertia autem horum propria est.

III.

III.

Prima igitur libertatis Christianæ *Primi membri explicatio.*
 pars est, quod conscientiæ fidelium liberatæ sunt à *a* justificatione Legis, hoc est, à necessitate perfectè præstandi Legem ad consequendum justitiam; ac proinde à sollicitudine ac *b* metu maledictionis propter violatam Legem.

a Gal. 3. v. 13. b Luc. 1. v. 74.

IV.

Neq; hinc rectè quis colligat, Legem fidelibus supervacaneam esse: quos *Prolepsis de usu Legis in iustificatis.*
 non ideo docere & exhortari & stimulare ad bonum desinit; tametsi apud Dei tribunal in eorum conscientiiis locum non habet. Et quanquam fideles liberati sunt à Legis maledictione, tamen non sunt liberati ab *a* obedientia legis moralis. *a Rom. 13. v. 8. Eph. 1. v. 1. 2. & 3 I. Iob. 5. v. 2.*

V.

Hujus libertatis fructus duplex est; *Amplior de claratio ex effectis.*
 unus, fiducia, qua fideles certò confidunt, *a* obsequia sua quantumvis imperfecta, Deo placere; alter, alacritas in obsequiis Deo præstandis; qui fructus ex priorè immediatè oritur. Quæ ambæ res ad rectum Dei cultum *b* per necessarias sunt,

a Mal.

100 Locus XIV.

a *Mal. 3. v. 17.* b *Rom. 14. v. 23.* 2. *Cor. 9. 7.*

VI.

*Secundi
membri ex-
plicatio.*

Secunda libertatis Christianæ pars est, quod Christiani liberati sunt à re-
gno seu a dominatu peccati inhabitant-
tis, ita ut non amplius abhorreant à Le-
ge, sed eâ delectentur propter inhabi-
tantem in se Spiritum sanctum.

a *Ioh. 8. v. 34. 36.* *Rom. 6. v. 14.* & *c. 7. v. 22.* & *c. 8. v. 2.* 1. *Ioh. 5. v. 3.*

VII.

*Tertij mem-
bri explicatio*

Tertia libertatis Christianæ pars est, quod conscientia fidelium liberatæ sunt à ceremoniis legis, hoc est, à necessitate observandi ceremonias in Lege præceptas: quales sunt, usus certorum ciborum observatio, certorum festorum, & similes. Quæ res per se & suâ naturâ indifferentes seu mediæ sunt: ita ut ad pietatem nihil intersit per se, siue usurpentur, siue omittantur. Per se, inquam. Nam per accidens & propter aliquam circumstantiam interesse potest; ut postea suo loco explicabitur.

a *Gal. 3. v. 25.* & *c. 5. v. 1.* & *13.* *Eph. 2. 14, 15.* *Col. 2. v. 14. 16. 17.* b *Rom. 14. v. 3* & *6.*

*Amplior de-
claratio ex
effectis.*

VIII.

Hujus libertatis cognitio fidelibus necessaria

De libertate Christianâ. 101

necessaria est, tum ad conscientiarum
tranquillitatem, tum ad cavendum super-
stitutiones.

IX.

Hic tamen observandum, liberum
rerum externarum atq; indifferentium
usum a non esse licitum iis, qui libertatē
hanc nondum intelligunt, nec de ea
certo persuasi sunt; sed superstitiosa o-
pinione laborant, quæ eis scrupulum
injicit: quasi rebus illis uti non liceret.

a Rom. 14. v. 5. 14. 22. 23.

X.

Est igitur hujus libertatis finis ac fru-
ctus, ut Dei donis absq; vilo conscien-
tiæ scrupulo utamur, in quem usum
nobis ab ipso data sunt: ita tamen, ut
hunc usum a ædificatione proximi mo-
deremur. a Rom. 14. v. 13. 15. 19. 20, 21.

et 1. Cor. 10. v. 23.

XI.

Quare quum finis libertatis Christi-
anæ nativus ac genuinus sit a conscien-
tiarum tranquillitas: consequens est,
eos Christianâ libertate abuti, qui eâ v-
runtur vel ad b explendum libidinem,
vel importunè seu intempestivè cum
d contemptu fratrū infirmorum.

a Rom. 14. 5. b 1. Cor. 6. v. 12. c Rom. 14.
v. 3. et 10.

XII.

*Regula de
usu adia-
phororum.*

*Repetitio ef-
fecti prioris.*

*Alia regula
de usu adia-
phororum.*

Corollarium.

*repetitio re-
gulae, ampli-
ficata pro-
prie.*

XII.

Et si enim libertatem nostram in rebus indifferentibus vrendis interdum coram hominibus a asserere oportet, nempe ad retundendum malitiam perverforum: tamen b infirmorum curam summâ cautione habere debemus, ne illis scandalum detur.

a Gal. 2. v. 9. 4. 5. b. Rom. 14. v. 1. & 13. & 20. & 21. Act. 16. v. 3. Rom. 15. v. 1. 2. 1. Cor. 8. v. 9. & 13. & 6. 9. v. 22.

XIII.

Emphaticus.

Rectus enim libertatis Christianæ usus est, ut infirmorum fratrum ignorantia cedat, Phariseorum verò austeritati a nequaquam.

a Gal. 2. v. 3 4, 5. Mat. 15. v. 14.

XIV.

Admonitio.

Cavenda autem hîc simulatio illa, qua nonnulli in abstinencia libertatis non spectant ædificationem proximi, sed suæ tantum a quieti consulunt.

a Gal. 2. v. 11. & deinceps.

XV.

Alia regula.

Est autem hîc ista tenenda regula: In gratiam proximi non est offendendus Deus. Sub hac regula generali continentur duæ speciales: una, Quæ necessaria sunt factu (nempe quia Deus præcepit) nullius offendiculi

De libertate Christiana 103

fendiculi vel etiam periculi timore a omit-
tenda sunt: altera, b Nihil tentandum aut
agendum, nisi quod Deus permittit.

a Mat. 15. v. 10. & deinceps. Ioh. 6. v. 51.
& deinceps. Act. 5. v. 28. 29. b Rom. 3. v. 8.
Gen. 12. v. 10. & c. 26 v. 7 Exod. 1. ver. 19.
Ios. 2. v. 4. 5. 6. 1. Sam. 21. v. 14.

XVI.

Est & altera regula generalis, nempe
Charitas (intellige erga proximum) subsidere
debet sub fidei puritate: ita scilicet, ut si
aut contra conscientiam agendum sit,
aut proximus offendendus; a offendatur
potius proximus, quam ut quicquam
agatur contra conscientiam. Quemad-
modum enim libertas subest charitate;
sic charitas fidei.

Alia regula.

a Luc. 14 v. 26.

XVII.

Porrò ex hac libertate & illud conse-
quitur, Conscientias fidelium exemptas esse
omnium a hominum potestate; idq; prop-
terea, ne vel Christo pereat gratia suæ
liberalitatis: vel conscientis, liberalita-
tis illius fructus.

Corollarium

a 1. Cor. 3. v. 21. & c. 7. v. 23.

XVIII.

Nec verò res levicula existimanda
est libertas hæc conscientiarum, qua fit
ut

*Prolepsis de
libertatis il-
lius magnitu-
dine.*

ut hominibus subiectæ non sint: quippe quæ Christo tantæ, nempe proprio a sanguine constitit. a 1. Cor. 7. ver. 23. 1. Pet. 1. v. 18. 19. Gal. 5. v. 1.

XIX.

*Illustratio ex
diversis per
distributio-
nem.*

Hæc doctrina ut melius intelligatur, observandum est discrimen inter regimen hominis spirituale & politicum: quorum illo conscientia ad pietatem & ad cultum Dei instituitur; isto autem ad humanitatis & civilitatis officia, quæ inter homines servanda sunt, homo eruditur.

XX.

Regula.

Duo hæc regimina ne inter se confundantur, diligenter cavendum est: ne scilicet ex libertate spirituali libertas politica inferatur.

XXI.

Altera regula.

Quin etiam in constitutionibus pertinentibus ad regimen spirituale, diligenter discernendum inter legitimas & illegitimas. Legitimæ autem constitutiones sunt, quæ verbo Dei consentaneæ sunt: illegitimæ contra.

XXII.

Prolepsis.

Tametsi autem Paulus a præcipio magistratui obediendum propter conscientiam; non tamen conscientias politicas

liticis legibus obstringit: sed hoc tantum vult dicere; obediendum esse magistratui præcipienti honesta & licita, quia **DEVS** hanc obedientiam nobis præcepit: cuius præceptum bona conscientia non possumus aspernari. Paulus igitur non subicit conscientiam legibus humanis, sed Legi divinæ: quatenus illa legibus humanis, quæ cum divinis non pugnant, obedire præcipit.

a *Rom. 13. v. 25.*

XXIII.

Hoc intelligi poterit, si attendatur quid conscientia sit. Est autem conscientia a sensus iudicii divini de factis suis, quorum notitiæ tanquam testis adjunctus est, id quod ipsum vocis etymon declarat. a *Rom. 2. v. 15.*

*Probatio à
definitione
conscientiæ.*

XXIV.

Hinc jam intelligitur, conscientiam propriè respicere in Deum: ut conscientia bona nihil aliud sit, quam cordis nostri testimonium coram Deo de sua (nempe cordis) a integritate, deq; peccatorum admissorum b remissione.

*Corollarium,
definitio con-
scientiæ bonæ*

a *Act. 23. v. 1.* b *Heb. 10. v. 2. 1. Pet. 3.*

v. 21.

XXV.

Interdum quidem ad a homines Prolepsis, quoq;

106 LOCUS XIV.

quoq; conscientia bona extenditur; verum istud fit ratione fructuum seu effectuum, videlicet officiorum charitatis.

a *Act. 14 v. 16.*

XXVI.

Corollarium.

Ex allata conscientie definitione hoc quoq; intelligitur, quæ lex dicatur conscientiam obstringere: nempe quæ simpliciter hominem ligat, sine hominum intuitu, seu non habita eorum ratione.

XXVII.

Regule.

Porro Lex divina qua nobis præcipitur ædificatio proximi in rerum mediarum atq; indifferentium usu, et si a opus externum ligat, b conscientiam tamen non ita obstringit, quasi aliquis rebus illis bonâ conscientia uti non posset, extra scilicet illum casum proximi (nempe fratris infirmi) ædificandi.

a *1. Cor. 10. v. 28. Rom. 14. v. 22. b 1. Cor. 10. v. 28.*

LOCUS XV.

De Scandalo.

APHORISMUS I.

Definitio.

Scandalum est dictum aut factum, quo proximus offenditur: id est, vel tanquam

tanquam impiè dicto aut facto *a* contristatur; vel tanquam rectè dicto aut facto (quum tamen rectè dictum aut factum non sit) ad peccandum *b* inducitur. *a* Rom. 14. v. 15. collato cum v. 21. Mat. 15. v. 12. Ioh. 6. v. 61. *b* 1. Cor. 8. v. 10. collato cum v. 13.

II.

Distinguitur scandalum in datum & acceptum.

Distributio.

III.

a Datum scandalum dicitur, cuius culpa ab ipsius rei authore profecta est. Seu, scandalum datum, est dictum aut factum impium, quippe repugnans dilectioni Dei & proximi: ac proinde suâ naturâ & per se contristans pios, ac infirmos seducens.

*Definitio
scandali dati.*

Mat 18. v. 6. 7. & deinceps.

IV.

a Acceptum scandalum vocatur, quum res alioqui non improbè nec importunè admissa, ma'evolentiâ aut sinistra quadam animi malignitate in offensio- nis occasionem rapitur. Seu, acceptum scandalum, est dictum aut factum per se non impium, sed cui accidit ut tanquam impium accipiat: sive id fiat per calumniam, sive per errorem.

*Definitio
scandali ac-
cepti.*

a Mat.

a *Mat. 15. v. 12.*

V.

*Appendix de
scandalo
mixto.*

Porro videtur esse & scandalum quoddam *a* mixtum, id est, partim datum, partim acceptum: nempe quum quis libertate Christiana utitur intempestivè. Veruntamen hoc scandalum genus affine magis videtur dato, quàm accepto. Et hoc appellari potest scandalum infirmorum: sicut alterum, nempe acceptum, nominari potest scandalum Phariseorum vel malignorum: quippe quo non nisi acerba ingenia & Pharisaica supercilia offenduntur. a *Rom. 14.*

VI.

*Regula a-
gendi.*

Infirmorum scandala *a* cavenda sunt: Phariseorum, *b* negligenda.

Rom. 14. v. 1. 13. 21. 1. Cor. 8. v. 13. Matb. 18. v. 6. 7. b Mat. 15. v. 14. Act. 5. v. 28. 29 Gal. 2. v. 3. 4 5.

LOCUS XVI.

De Precatione,

APHORISMUS I.

Precatio, est *a* sancta meditatio rerum pertinentium ad gloriam Dei & salutem nostram: earundemq; seria exoptatio

b exoptatio atq; petitio, ex filiali *c* fiducia profecta cui ferè gratiarum actio pro beneficiis à Deo acceptis adjungi à sanctis solet.

a *Ioh.* 4. v. 24. *Pf.* 19. v. ult. & 39. 4. & 49. 4. *b* *Pf.* 20. 5. *Luc.* 18. v. 1. & *denceps*.
c *Heb.* 10. v. 22. *Iac.* 1. v. 6 *Rom.* 10. v. 14.

II.

Ad precandum movere nos debet *Cause im-*
non solum ea quam sentimus, *a* necessi- *puis sue.*
tas: verum etiam *b* mandatum Dei, &
c promissio exauditionis.

a *Pf.* 50. v. 15. *b* *Ibid.* *c* *Ibid.* *Iohan.* 16
v. 23. 24. *Mat.* 7. v. 7. & *c.* 18. v. 19.

III.

Precari igitur debemus, non solum *Fines.*
ut ea consequamur per quæ beati simus:
verum etiam, ut Deum hoc *a* cultu ho-
noremus. *a* *Mat.* 4. v. 10. & *c.* 6. v. 9.

IV.

Diffidentia autem, quæ nos à pre- *Causa cor-*
cando poterat impedire, apponere de- *rumpens, &*
bemus promissionem Dei, qua testatus *remedium*
est se preces nostras *a* exauditurum. *illius.*

a *Pf.* 50. v. 15 *Mat.* 7. v. 7.

V.

Leges precandi sunt quatuor. *a* Pri- *Requisita seu*
ma, ut ad precandum accedamus animo *adiuncta*
curis alienis *b* vacuo, & conveniente *precantis.*
reuerentiâ

reuerentiâ & maiestatis Dei imbuto, nec quicquam petere audente quod ipse non permittit: Secunda, vt precemur ex vero inopiæ nostræ d sensu & cum serio impetrandi affectu: Tertia, vt precaturi, omnem propriæ dignitatis opinionem e exuamus, & contrâ cum humiliatq; ingenuâ peccatorum nostrorum f confessione ad misericordiam Dei confugiamus, veniamq; deprecemur: Postrema, vt precemur ex g fide seu fiduciâ favoris Dei, certò sperantes, preces nostras exauditum iri.

a Dan. 9. v. 3. 4. 5. & c. b Mat. 14. v. 23. c Gen. 18. 27. 2. Sam 7. 18. d, e, f. Luc. 18. v. 13. f Dan. 9. Ps. 51. g Rom. 10. vers. 14. Iac. 1. 6. Heb. 10. 12. Dan. 9. v. 17. Ps. 51. 9.

VI.

Forma.

*Partes Oratio-
nis Domi-
nicæ.*

Precandi formam Dominus ipse nobis a præscripsit: quæ inde Oratio Dominica nominatur. Ea constat proœmio, propositione, confirmatione, & epilogo. a Mat. 6. v. 9. & deinceps. Luc. 11 v. 2 & deinceps.

VII.

*Proœmum
explicatur
ex finibus.*

Proœmium constat his verbis: *Pater noster qui es in cælis.* Quibus nostram profitemur fidem seu fiduciam filialem erga Deum, vt qui nos ex gratiâ adop-

tayit

tarit *a* in filio illo dilecto atq; vnigenito suo, Domino nostro Iesu Christo. Simul etiam ad animos nostros ad Deum elevandos, & conveniente reverentia imbuendos, commemoramus sedem maiestatis Dei: nempe cœlum, vbi se beatis angelis fruendum dat, & nobis quoq; suo tempore fruendum se daturus est. *a Eph. 1. 5.*

VIII.

Propositio sex petitiones continet: quæ ad hunc modum distribuendæ atq; distinguendæ videntur. Petimus in illis aut vitæ nostræ finem sive scopum, aut ea quæ ad finem consequendum destinata sunt & ducunt. Finis vitæ nostræ duplex est: vnus principalis, qui est *a* gloria Dei. Hanc petimus petitione primâ. *b* Alter finis est secundarius & principali subordinatus: is est nostra *c* salus seu felicitas. Hanc petimus petitione secundâ. Iam ad destinata quod attinet, ad vtrumq; illum finem consequendum necessaria nobis sunt duo: acquisitio mediorum & remotio impedimentorum. Media sunt duo: vnum principale, quod est *d* pietas. Hanc petimus petitione terriâ. Alterum secundarium, quod est, *e* sustentatio corporis

*Propositio
declaratur
distributione*

in hac vita. Hanc petimus petitione quartâ. Porro impedimenta quæ nos in utroq; illo vitæ nostræ scopo consequendo possent impedire, sunt peccata. Ea autem vel præterita sunt & jam à nobis admissa: vel futura, id est, quæ admittere possemus & admitteremus, nisi gratia Dei obstaret. Præteritorum peccatorum remissionem petimus petitione quintâ: futurorum aversionem sextâ. a *Cor. 10. v. 31.* b *Eph. 1. v. 5.* & 6. c *Mat. 6. v. 33.* d *Ibid.* e *Ibid.* f *Rom. 2. v. 23.* & 24. *Deut. 27. v. 26.*

IX.

Prime petitionis sensus.

Primâ petitione (a *Sanctificetur nomen tuum*) petimus, ut Deus ita nos gubernet, ut in omnibus nostris cogitationibus, sermonibus & actionibus hunc principalem scopum propositum habeamus, ut ipse per nos b glorificetur: i.e. ut virtutes ejus ab hominibus agnoscantur & celebrentur. a *Num. 20. v. 12.* *Esa 29. v. 23.* b *Mat. 5. v. 16.* *Luc. 2. v. 20.* *Act. 11. v. 18.* 1. *Cor. 6. v. 26.* 2. *Cor. 9. v. 13.* 1. *Pet. 2. v. 12.* & cap 4 v. 16.

X.

Secundæ petitionis sensus.

Secundâ petitione (*Veniat regnum tuum*) petimus, ut Deus nos gloriæ illius ac beatitudinis cœlestis suo tempore compotes

a compotes faciat. Quum autem dicim^{us}
Regnum tuum: id hunc sensum habet, ac
 si diceremus, regnum illud quod tu no-
 bis *b* parasti à jactis mundi fundamentis
 a *Ap. c. 22. v. 17.* b *Mat. 25. v. 34.*

XI.

Tertia petitio est, *Fiat voluntas tua*
in terra sicut in cælo. His verbis petimus,
 vt Spiritus sanctus corda nostra guber-
 neret: quo intus docente, discamus amare
 ac facere quæ Deo placent, & odisse ac
 fugere quæ displicent: quæ vtraq; cer-
 tis mandatis in lege sua declaravit: ac
 proinde voluntarium & alacre ei obse-
 quium præstemus, sicut sancti a angeli
 in cælo. a *Psal. 103. v. 20. & 21.*

*Tertiae petiti-
 onis sensus.*

XII.

Quarta petitio est, *Panem nostrum*
quotidianum da nobis hodie. Hac petitione
 commendamus nostra corpora provi-
 dentia Dei: vt ea pascatur, foveatur, seruet.
 Iubemur autem petere panem nostrum
 id est, quantum nobis donare placuerit
 cælesti patri, ad vitam nostram sus-
 tinentum. Vnde intelligitur, petitionem
 hanc non minus a divitibus quam ege-
 nis necessariam esse. Postremò particu-
 la, *Hodie* vel *Quotidie*, & epitheton *Quo-*
tidiani frenum injiciunt immodicæ re-

*Quarta peti-
 tionis sensus.*

*Epitheton,
 NOSRUM.*

Corollarium.

*Epitheton.
 QUOTI-
 DIANVM.*

rum fluxarum b cupiditati,

a Luc. 12. v. 5. b Ibid.

XIII.

*Quinta pe-
titionis sen-
sus.
Debita.
Remissio de-
bitorum.*

*Ratio petiti-
oni annexa.*

*Matth. 6. v.
14. & 15.*

Corollarium.

Quinta petitio est, *Remitte nobis debita nostra, sicut & nos remittimus debitoribus nostris.* Debitorum nomine intelliguntur a peccata, eò quòd eorum debemus poenam: quam quum pro nobis sustinuerit Christus, gustando pro nobis mortem in cruce, atq; ita remissionem peccatorum nobis impetrarit: petimus ut pater cælestis hanc Christi satisfactionem nobis imputare pergat, & hujus imputationis sensum in nobis efficiat atq; conservet, ut in placato ipsius peccatore & paterno favore suaviter acquiescamus. Huic petitioni adjicitur argumentum à pari seu exemplo simili, videlicet exemplo remissionis nostræ, quum nos remittimus proximo: cujus exempli ratio non est fundata in operis nostri merito, sed in permissione Christi dicentis: *Nam si remiseritis hominibus lapsus suos, pater vester remittet etiam vobis peccata vestra: Si autem non remiseritis hominibus lapsus ipsorum, nec pater vester remittet vobis lapsus vestros.* Ex quibus verbis perspicitur, non nisi eos certò statuere posse, Deum peccata ipsis suis remisisse.

qui

qui conscii sibi sunt; se quoq; remisisse proximo. Cujus rei ratio est, quòd fieri nequit vt proximo quicquam ex animo remittat, nisi proximum diligat; diligere autem proximum non potest, qui non prius dilexerit Deum; Deum verò non potest diligere, qui non certò est persuasus, illum ex mera gratia propter Christum remisisse sibi sua peccata. Et vicissim qui de hoc certò est persuasus, is nò potest non Deum diligere, & proxima propter Deum; ex qua dilectione non potest non dari cõdonatio injuriarum. Cæterum istud argumentum notatur particulis *ὅτι*, Mat. 6. v. 12. & particulis *ὅτι*, Lucæ 11. v. 4. Quare vulgò non rectè emittunt illud *ὅτι* quum dicunt: *Als wir unsern, &c. pro, Als auch wir, &c.* a Luc. 11. v. 4.

XIV.

Sexta eq; vltima petitio est: *Ne nos inducas in tentationem, sed libera nos à malo* *Sexta petitio- anis sensus.* ubi petimus auxilium Spiritus sancti ad vincendum tentationes diaboli; qui hic ὁ πονηρὸς nominatur, id est, malus ille seu malignus spiritus, qui suis tentationibus (vnde & ὁ πειραστής, i. e. tentator) nobis πόνος & κόπος, i. e. negotium & molestiam faceffit.

XV.

*Confirmatio-
nis sententia.*

Atq; hæc de sex petitionibus in nar-
ratione comprehensis ; iis confirmatio
subjicitur his verbis: *Quia tuum est reg-
num & potentia & gloria in secula.* Qui-
bus verbis significamus, cur tanta sit no-
bis & petendi audacia, & fiducia obti-
nendi; nempe quòd Deus regnum il-
lud cæleste nobis præparavit, & per no-
stram salutem glorificari vult; quodque
id quod vult, etiam effectū dare potest.

XVI.

*Epilogi sen-
tentia.*

Epilogus vnico verbo continetur,
nempe vocula *Amen*; quæ hîc optantis
est, significans, *Verum esto.* Optamus igitur,
vt quicquid sex illis petitionibus à
Deo petivimus, id verum sit atq; effe-
ctum ab illo detur. Quanquam nihil ab-
surdum erit, si statuamus, vocem *Amen* hîc
esse asseverantis: quòd fides nostra cer-
ta sit, Deum votis nostris assentiri.

XVII.

*Circumstan-
tia loci.*

Quod attinet ad locum, vbi precan-
dum: Deus olim sibi delegerat *a* taber-
naculum, & deinde *b* templum Salomo-
nis: sed Christus istam sacri loci ceremo-
niam *c* sustulit: & Paulus quovis in loco
precari *d* iussit. Itaq; Christus etiam in
conclavi precari *e* præcepit: & ipse quo-
que

que solus in montem ad orandum ascendit. Quin etiam publicum communis precationis locum approbat Christus, quum ait: g Vbi duo aut tres congregati sunt in nomine meo, illic sum in medio illorum.

a Exod. 26. 27. & 40. b 1. Reg. 8. & 9.
2. Chron 6. & 7. E/2. 56. v. 7. Dan. 6. v. 10.
vel 11. Luc. 18. v. 10. Act. 3. v. 1 & 6. 8. v. 17
c Mat. 23. 27. 51. Iob. 4. v. 21. d 1. Tim 2.
v. 8. e Mat. 6. v. 6. f Matth. 14. vers. 23.
g Mat. 18. v. 20.

XVIII.

Ad tempus verò precandi quod attinet, in novo Testamento solus a dies Dominicus ad publicum Dei cultum institutus est: in veteri autem tempora plura præscripta fuerunt, videlicet omnes dies festi, ut pascha, pentecostes, tabernaculorum & expiationis: itemque feriæ noviluniorum. Ad preces verò privatas quod attinet, etsi illis certum tempus præscriptum non est: tamen utile est, ut sibi quisq; nostrum tanquam b ordinarias precandi horas constituat: nempe dum manè surgimus, dum ad pastum discumbimus, dum D E I benedictione pasti sumus, dum ad quietem nos recipimus, dummodo hæc horarum

Circumstantia temporis

observatio superstitione vacet. Inprimis autem precari debemus, quoties aliqua rerum *c* angustia aut ipsi premimur, aut premi fratres videmus; itemq; gratias agere, quoties aliquid singularis *d* beneficii à Deo accepimus.

a Ioh. 20. v. 19. & 26. *Act.* 20. vers. 7. *1. Cor.* 16. 2. *Apoc.* 1. 10. *b* *Dan.* 6. vers. 10. *Pf.* 55. v. 18. *Act.* 10. v. 9 *c* *Pf.* 50. vers. 15. *Joel.* 2. *Jerem.* 6. v. 26. *Esth.* 4. v. 3. & 16. *Exod.* 15. *Iud.* 5. *Pf.* 9. 30. 34. & alijs.

XIX.

Circumstantia gestus.

Cæterum vox, cantus, corporis gestus (vt *a* geniculatio, *b* capitis detectio, *c* manuum atq; *d* oculorum versus cælum elevatio) precationem per se non commendant: sed tum demum *D E O* placeant, quum ex *e* vero cordis affectu emanarint. *a* *Act.* 20. 36. *Eph.* 3. vers. 14. *b* *1. Cor.* 11. v. 4. *c* *1. Reg.* 8. v. 22. *1. Tim.* 2. v. 8. *d* *Iob.* 11. v. 41. *e* *Luc.* 18. v. 11. & 13

XX.

Regula de circumstantiis.

Præterea cavendum, ne Deo certas *a* circumstantias præscribamus: sed quæ petimus, *b* arbitrio ejus permittamus, vt ea faciat, qua ratione, quo tempore, quo loco visum fuerit. *a* *Mat.* 20 v. 21 *Iudith.* 7. vers. 19. collato cum cap. 8. vers. 10. *b* 2. *Sam.* 15. v. 26. *Mat.* 8. v. 2.

Postremo

XXI.

Postremū illud quoq; observandum,
 ut in precando a perseveremus: nec
 precum nostrarum exauditionem sensu
 sed b fide æstimemus. Nam etsi non *Alie due*
 semper sentimus, D E V M id nobis dare *regule.*
 quod petivimus: tamen certò statuere
 debemus, cum dare & daturum quod
 nobis salutare est.

a Luc. 18. v. 1. &c. b 1. Ioh. 5. v. 14. 15.

LOCVS XVII.

De Prædestinatione.

APHORISMVS I.

Prædestinationem vocamus a æter- *Definitio.*
 num D E I decretum, quo apud se
 constitutum habuit, quid de b vnoquoq;
 hominum fieri vellet, quod ad æternam
 ipsorum salutem vel exitium attinet.

a Eph. 1. v. 4. 2. Tim. 1. v. 9. b Rom. 9. v.
 20, 21, 22, & 23.

II.

Prædestinatio hæc duas species ha- *Divisio.*
 bet: quarum vna Electio, altera repro-
 batio per metonymiam effecti nomina-
 tur. Nam electio & reprobatio propriè
 referuntur ad genus humanum jam cō-
 ditum.

datum & lapsum, peccatoq; corruptum;
metonymicè verò sic *a* nominatur ip-
sum eligendi aut reprobandi decretum.

a Ephes. 1. v. 4.

III.

An sit.

Affirmamus igitur cum Scriptura,
Deum æterno & *a* immutabili consilio
semel constituiſſe, quos olim *b* assumere
vellet in salutem, quos contrà exitio
c adjudicare. *a 2. Tim. 2. v. 19. Esa. 46. v.*
10. Malac. 3. v. 6. 1. Thess. 5. v. 9. b Rom. 9.
v. 23. c Act. 1. v. 25. Iob. 17. v. 12. 1. Pet. 2.
v. 8. Iude v. 4.

IV.

*Causa im-
pulsiva.*

Hoc consilium in mero Dei *a* bene-
placito fundatum esse asserimus.

a Eph. 1. v. 5. & 11. Rom. 9. v. 11. 12. 13.
Mal. 11. v. 25, 26. Rom. 9. v. 18.

V.

*Connexa ob-
iecta.*

Porrò quos prædestinavit Deus ad
salutem, eos etiam decrevit participes
facere mediorum quibus ad salutem
pervenitur: quæ media sunt *a* reconcili-
liatio ipsorum per Christum, *b* vocatio
efficax, & *c* justificatio. Contrà, quos
prædestinavit ad interitum, eos quoq;
decrevit *d* non facere participes medio-
rum illorum quæ ad salutem perducunt:
sed eos sibi e relinquare aut etiam *f* dia-
bolo

De prædestinatione. 121

bolo tradere; ut tum hujus, tum pravæ naturæ suæ instinctu interitum sibi accersant.

a Eph. 1. v. 4. & 7. 1. Pet. 1. v. 18. 19. 20.
b Rom. 8. v. 30. c Ibid. d Act. 14. 16. Eph.
2. v. 1. & 12. Mat. 11. 25. Act. 13. 48. e Ps.
81. v. 13. f Eccl. 29. v. 10 Rom. 11. v. 8. Eph.
2. v. 2. Job. 12. v. 39 40.

VI.

Finis seu scopus prædestinationis, est a gloria Dei; nempe tum gloria b gratiæ atq; misericordiæ in salute electorum; nec non c justitiæ in Filii mediatoris morte ostensæ: tum gloria d potentiæ, ac justitiæ in damnatione reproborum; & justitiæ quidem tum e occultæ illius in ipsis reprobandis, tum etiã f manifestæ in eisdem propter peccata puniendis: denique gloria liberrimæ g potestatis tum in reproborum interitu, tum in electorum glorificatione.

Finis.

a Prov. 16. v. 4. b Eph. 1. ver. 6 & 12.
Rom. 9. v. 23. c Rom. 3. v. 25. 26. d Rom. 9.
v. 17 & 22. e Rom. 11. v. 33. f Rom. 9. v.
22. g Rom. 9. v. 15. 18. 20. 21.

VII.

Electiõis testimonium infallibile est a vocatio efficax, qua Spiritus sanctus b per Evangelii prædicationem in cordibus

*Effecta ea.
demq; signa
electiõis.*

dibus electorum creat fidem in Christū,
 & qua illi iustificantur: & simul initium
 novæ & obedientiæ, qua sanctificantur,
 ut olim plenè & glorificentur.

a *Act. 13. v. 48. Rom. 8. v. 30. Tit. 1. v. 1.*

b *Rom. 10. v. 17. c Rom. 8. v. 30 Rom. 3. 28.*

d 1. *Tim. 2. v. 19. Eph. 1. v. 4. & cap. 2. v. 10.*

c *Rom. 8. v. 30.*

VIII.

*Reprobatio-
 nis effectus &
 signa.*

Quemadmodum autem vocatione &
 iustificatione & sanctificatione electos
 suos Dominus a signat: ita reprobos vel
 a notitia sui nominis, vel a spiritus sui
 sanctificatione excludendo, quale ma-
 neat eos iudicium, istis veluti notis
 aperit. a 2. *Tim. 2. vers. 19.*

IX.

*Admonitio
 de indicando
 proximo.*

Nec tamen temere de quoquam sta-
 tuendum aut pronuntiandum, quòd sit
 in numero reprobatorum: si nondum in
 eo appariant signa electionis. Etenim
 alii aliis vocantur a tardius: atq; adeò
 b latro ille in cruce sub vitæ finem de-
 mum vocatus est. Quare de nemine de-
 sperandum, nisi manifesta signa osten-
 dat, quòd peccet ad c mortem, seu in
 Spiritum sanctum. Nec verò securè
 peccandum spe misericordiæ D E I: sed
 tenendum illum, d *Hodie dum vocem eius
 audieritis.*

*Ab admoni-
 tio de ca-
 venda secu-
 ritate.*

De prædestinatione. 125

audieritis, nolite obdurare corda vestra quippe & Deus non irridetur.

a Mat. 20. v. 3. & deinceps. b Luc. 23. v. 40. & deinceps. c 1. Ioh. 5. v. 16. d Heb. 3. v. 7. e Gal. 6. v. 7.

X.

Fructus hujus doctrine insignes duo sunt: vnus, vt humili adoratione agnoscamus, quàm simus obstricti D E O, qui nos a indignos è turba perditorum eligere, & ad gloriam cœlestem instaurare dignatus est: alter, vt solidâ b fiduciâ in consilium D E I immutabile de salute nostra recumbamus, ac proinde de illa plenè perluasi certiq; simus.

a Rom. 11. v. 35. b Rom. 8. v. 31. & deinceps. 2 Tim. 2. v. 19.

Usus doctrine.

LOCVS XVIII.

*De resurrectione carnis, &
vita æterna.*

APHORISMUS I.

ET si resurrectio carnis rationi humanæ incredibilis videtur: nos tamen Christiani eam fore credimus; id est, credimus corpora defunctorum pristinae integritati restitutū iri, & animabus ipsorum

An sit.

Quid sit.

ipsorum in ea rursum ingressis revictura atq; resurrectura.

II.

Probatio.

Hæc fides nostra nititur a testimoniis verbi Dei: qui & omnipotens est, & mentiri nescit. a *Dan. 12. v. 2. Iob. 5. v. 28 29. Apoc. 10. v. 12. 13.*

III.

*Distributio
ex adiunctis
consequentibus.*

Resurgentium autem valde dispar erit conditio. Nam p*ri*mi quidem resurgent ad vitam & gloriam sempiternam: impii verò ad sempiternam mortem & ignominiam a.

a *Dan. 12. v. 2. Iob. 5. v. 29.*

IV.

*Peculiaris
causa resurrectionis
piorum.*

Gloriosa hæc & beata piorum resurrectio, pendet à resurrectione a Christi, tanquam capitis, cui ipsos tanquam membra conformari oportet.

a *1. Cor. 15. v. 12 &c. 1. Thess. 4. v. 14.*

V.

Emporè.

Christus igitur caput piorum, corpora ipsorum in resurrectione a conformia reddet corpori suo glorioso.

a *Phil. 3. v. ult. 1. Cor. 15. v. 35. & deinceps.*

VI.

*Causa efficiens
principalis: item
tempus, & cause
instrumentales.*

Porro mortuos excitabit a Christus in illustri b adventu suo ad iudicium, voce archangeli & clangore tubæ.

a *Ioh.*

De resurrect. Carnis. 125

a *1b. 5. v. 28.* b *1. Theff. 4. v. 16.*

VII.

Mortuis excitatis, mox qui in vivis adhuc fuerint, in momento & jactu oculi *a* immutabuntur, ita nimirum, ut corpora ipsorum incorruptibilia redantur. a *1. Cor. 15. v. 51. 52 & 53.*

*Adiunctum
connexum.*

VIII.

Tum statim pii yniversi *a* in aërem rapiuntur in occursum Domini, & ibi ad *b* dextram Christi collocati, vnà cum illo *c* iudicabunt impios, tum angelos tum homines: atq; ita post peractum processum iudicalem in cælum subve-
cti *d* perpetuò cum Domino erunt, perpetuàq; cum eo felicitate fruuntur.

a *1. Theff. 4. 17. b Mat. 25. 33. c 1. Cor. 6. v. 2. & 3. d 1. Theff. 4. v. 17. Mat. 25. 34. & 46.*

*Adiuncta
consequentia
& subiectus
locus glorie.*

IX.

Contra impii vnà cum diabolo & angelis ejus detrudentur in *a* gehennam in *b* stagnum perpetuò ardens sulphure & igni, ibiq; in æternum *c* cruciabuntur
a *Mat. 25. v. 41. & 46. b Apoc. 20. v. 15. & c. 21. v. 18. c Apoc. 20. v. 10. Luc. 16. v. 23. & seqq.*

X.

Porro, vita æterna consistet potissimum in pleno sensu favoris DEI, & communione naturæ illius; secundum

*Adiunctum
consequens
resurrectio-
nis impiorū
& subiectus
locus ignomi-
niæ.*

*Vitæ æternæ
definitio.*

hæc

hæc dicta: *a Satiabor* (inquit David) *specie tua*. Item, *b Satietas letitiarum apud faciem tuam, iucunditatis in dextera tua semper*. Et Pet. us affirmat, in hoc vocatos fideles, ut fiant *c consorte s* sive participes (*κοινωνοί*) *divine nature*, hoc est, divinarum virtutum; ut sapientiæ; justitiæ, sanctitatis, gloriæ, *a Psal. 17. v. 15* *b Ps. 16. v. 11. c 2. Pet. 1. v. 4.*

XI.

*Distributio
gloriæ ex ad-
iuncta quan-
titate seu
gradibus.*

Etsi autem nemini beatorum quicquam ad perfectam felicitatem deerit, quippe quum Deus *a* omnia in omnibus sit futurus: tamen gloriæ cœlestis, quâ ornabuntur, quidam erunt *b* gradus: sicut etiam fuerunt gradus *c* donorum ac bonorum operum in hac vita: & sicut erunt gradus *d* cruciatuum in damnatis. Præ cæteris autem excelsus & maxime illustris erit gloria doctorum verbi, qui Ecclesiam fideliter erudierint, atq; ita multos ad justitiam adduxerint: sicut Daniel *e* testatur.

a 1. Cor. 15. v. 28. b 1. Cor. 15. v. 41. & 42. c 1. Cor. 4. v. 5. & c. 15. v. 10. Mat. 25. v. 14. & seq. Luc. 19. v. 12. & seq. d Matt. 10. v. 15. & c. 11. v. 20. & deinceps. e Dan. 12. v. 3.

XII.

Usus doctrinæ.

Hæc doctrina sicut impiis terrorem
merito

meritò inquit: ita p̄is in omnibus miseriis, atq; adeo in ipsa morte, solidam a consolationem affert: ut qui norint & per gratiam Dei certò confidant, animam suam per mortem b transire in vitam, & ab angelis c asportari in sinum Abraham (id est, in cœlum) atq; ita d migrare ad Christum: corpora verò sua quantumvis computruerint & a vermibus exela fuerint, tamen suo tempore resurrectura, & sempiternâ e gloriâ indatum iri. a 1. Thess. 4. v. ult. b Job. 11. v. 25. c Luc. 16. v. 22. d Phil. 1. vers. 23. e Phil. 3. v. ult. 1. Cor. 15. v. 43.

LOCVS XIX.

De Ecclesia.

APHORISMVS I.

Ecclēsia est a multitudo hominum b electorum per c Evangelii prædicationem d efficaciter e vocatorum, ac proinpe f credentium in Christum, & fidem hanc g profitentium, atq; ex ea h servantium D x o: annumeratis quoq; electis horum (imò etiam hypocritarum); liberis infantibus: qui per ætatem, vocationis capaces non sunt,

Definitio.

a Mat.

a *Mat. 20. v. 28. collato cum Eph. 5. v. 25*
 b *Eph. 1. v. 4. 1. Pet. 2. v. 1. 2. Rom. 1. vers. 7.*
 c *Eph. 1. v. 13. Rom. 10. v. 14. 15. d Rom. 8.*
v. 30. e Rom. 1. v. 7. 1. Cor. 1. v. 2. f Ioh. 17
v. 20. g Rom. 10. v. 9. 10. h Rom. 1. v. 7.
1. Cor. 1. v. 2. Ephes. 1. v. 1. i Gen. 17. vers. 7.
1. Cor. 7. v. 14.

II.

*Distinctio
 vocabuli
 ambigui.*

Ecclesia aut vniversalis est (quæ vulgò appellatione Græcâ dicitur Catholica) aut particularis.

III.

*Catholica
 Ecclesia de-
 finitur & di-
 stribuitur in
 membra.*

Vniversalis seu catholica ecclesia, est multitudo vniversa eorum, qui inde a mundo condito in Christum crediderunt, qui jam credunt, & qui ad finem vsq; mundi credituri sunt. Hujus pars vna in a cælo triumphat nempe fideles defuncti: pars altera in terra militat, nempe fideles adhuc in vivis agentes. Atq; hæc rursus in particulares ecclesias distributa est:

*Subdivisio
 membri po-
 sterioris.*

a *Eph. 1. v. 10. Col. 1. v. 20.*

IV.

*Particularis
 Ecclesia de-
 finitur.*

Particularis Ecclesia, est cœtus aliquis particularis credentiũ, a vno aliquo in loco cohabitantium, & cultum Dei ex verbi ipsius præscripto exercentium

a *1 Cor. 1. v. 2. 2. Cor. 1. v. 1. Gal. 1. v. 2.*

1. Thess.

1. Theſſ. I. v. 1. 2. Theſſ. I. v. 1.

V.

Particularis ecclesia distingui poteſt
in veterem & novam.

*Distributio
ex adiunctis.*

VI.

Veterem appelle, quæ fuit ante Chri-
ſtum exhibitum: ubi excellit Ecclesia
Iſraëlitica ſeu Iudaica, quod ad regimi-
nis externi formam attinet.

*Vetus Eccle-
ſia, quæ.*

VII.

Novam Eccleſiam nomino eam,
quæ cœpit poſt Chriſti exhibitionem,
ac in primis poſt aſcenſionem ejus in
cœlos: quæ colligitur ex a variis popu-
lis, & b Chriſtiana dicitur.

*Nova Ec-
cleſia, quæ.*

a Eph. 2. v. 13. b Act. 11. v. 16.

VIII.

Quum Ecclesia a distinguitur in in-
viſibilem & viſibilem, non eſt putandū
duas eſſe eccleſias, quæ ſpecie inter ſe
differant; ſed vna eademq; Eccleſia, &
inviſibilis & viſibilis diverſâ ratione no-
minatur. a Rom. 2. v. 28. 29. & c. 9. v. 6.

*Alia diſtin-
ctio vocabulū
ambigui.*

IX.

Ac inviſibilis quidem dicitur, quate-
nus oculis hominum videri non poteſt:
quum fides, per quam Eccleſia eſt id
quod eſt, in a corde ſita ſit: quod præ-
ter Deum b intueri nemo poteſt.

*Inviſibilis
Eccleſia quo
ſenſu dica-
tur.*

a Rom.

a Rom. 2. v. 29. b Act. 1. v. 14.

X.

Visibilis item

Visibilis verò appellatur, quatenus certas habet notas in oculos hominum incurrentes: unde ab hominibus possit agnosci, in tali cœtu esse Ecclesiam: licet ei a hypocritæ admixti sint: qui scilicet fidem profitentur, quum tamen non credant. a 1. Ioh. 2. v. 19. Mat. 13 v. 3. & deinceps. Item v. 24. & deinceps. Item v. 47. & deinceps.

XI.

Note Ecclesie militantis.

Notæ illæ sunt, a pura verbi Dei prædicatio, & legitima b Sacramentorum administratio. a Eph. 2. v. 20. Act. 2. v. 42. b 1. Cor. 1. 13. 1. Cor. 11. v. 20. & 23. Mat. 14. ult. v. 19. & 20. Marc. ult. v. 15. & 16.

XII.

Prolepsis de disciplina Ecclesie.

Nam etsi in Ecclesia DEI, sancta quoq; a disciplina requiritur: si tamen hic rectores Ecclesiarum in officio cessent, non statim Ecclesia neganda est: dummodo duæ illæ conditiones adsint,

Alia prolepsis de vitiiis in doctrina aut administratione Sacramentorum.

a Mat. 18. v. 15. 16. 17. 1. Cor. 5. v. 5.

XIII.

Quin etiam poterit vel in a doctrina vel in b Sacramentorum administratione, vitii quidpiam obrepere: quotamen Ecclesia esse non desinat: dummodo fundamentum

fundamentum retineatur: quod est
Christus, seu salus per vnicum Christū.

a 1. Cor. 3. v. 12. b 1. Cor. 11. ver. 20. 21.
c 1. Cor. 3. v. 11.

XIV.

Officium cuiusq; pii est, ejusmodi coe-
tui, vbi notas illas conspicit, sese a. ag-
gregare (b quantum quidem in ipso est)
ejusq; membrum sese profiteri, & de-
niq; sanctam cum illo communionem
colere. a Heb. 10. v. 25. 1. Cor. 11. v. 20.
b Ps. 42. v. 1. 3. 5. Ps. 43. v. 3. & 4.

*Vsus doctrinae
de notis
Ecclesiae.*

XV.

Sancta nominatur Ecclesia: partim
quod a sanguine Christi mundata, par-
tim quod per b Spiritum sanctum serio
studio sanctitatis donata est: quo qui-
dem studio sanctitas ejus indies c. auge-
tur, donec aliquando plenē perficiatur:
id quod fiet d. post hanc demum vitam.

*Sancta cur
dicatur Ec-
clesia.*

a 1. Joh. 1. v. 7. Eph. 5. v. 25. 26. b Rom. 8.
v. 1. Eph. 5. v. 26. 27. Ps. 15. c Eph. 4. v. 13.
d Phil. 3. v. 12. & 1. v. 6.

LOCVS XX.

De ministris Ecclesiae.¹

APHORISMVS I.

Est

*De ministro-
rum dignita-
te, nostrog,
erga illos of-
ficio.*

Etsi Deus solus corda electorum su-
orum illuminat ac regit : tamen
quia ei placuit, hanc ad rem a ministe-
rio hominum vri : officii nostri est ea
quæ per servos suos nobis annuntiat,
breverenter excipere,

a 1. Cor. 3. v. 5. 2. Cor. 5. v. 20. b 1. Cor. 4.
v. 1. Gal. 4. v. 13. 14. & 15. Luc. 10. v. 16.

II.

*Distributio
ex adiunctis.*

Servi Dei seu ministri Ecclesiæ, alii
perpetui & quasi ordinarii sunt: alii
temporarii & quasi extraordinarii.

III.

*Ordinarii
ministri ve-
teris Testa-
menti.*

In veteri Testamento perpetui atq;
ordinarii, fuerunt Patriarchæ, Sacerdo-
tes & Levitæ: temporarii & extraordi-
narii, Prophetæ.

IV.

*Ordinarii
ministri N. T*

In novo Testamento perpetui atq;
ordinarii sunt a Doctores & b Pastores:
temporarii atq; extraordinarii fuerunt
c Apostoli, d Prophetæ, & e Evangelistæ
a, b, c, d, e, Ephes. 4. v. 11.

V.

*De Patriar-
chis.*

Patriarchis, vt a Adamo, b Noacho,
c Abrahamo, d Isaaco, e Iacobo, f Iose-
pho patefecit se Deus per apparitiones
& somnia: perq; illos familias eorum
rexit. a Gen. 3. b Gen. 6. v. 8. 9. c Gen.

De ministris Ecclesiæ 133

12. 13. 15. 17. 18. 21. 22. d Gen. 26. v. 2. 3.
4. 5. c Gen. 28. 31. 32. 35. f Gen. 37.

V I.

Sacerdotibus & Levitis *a* præscripsit
certas leges per Moſen, ſecundum quas
populum Iſraëliticum regi voluit.

De Sacerdotibus & Levitis.

a In Levit. Nehem. 8. v. 6. 8. 9.

V I I.

Prophetas autem *a* extra ordinem
excitavit: qui & populum & ſacerdotes
in officio errantes torpentēſve *b* erudi-
rent atq; *c* excitarent: ac præterea *d* ca-
ſtigations populi Dei propter officium
neglectum eventuras, nec non *e* pœnas,
quibus hoſtes ipſorum perdendi erant,
prænuntiarent: deniq; (quod præcipu-
um erat) populum ſpe venturi Meſſiæ
erigerent atq; conſolarentur, ac proin-
de de illius *f* conceptione, *g* nativitate,
h paſſione, morte, reſurrectione, & *i* re-
gno æterno prophetarent.

De Prophetis qui fuerunt extraordinarii.

*a Eſa. 6. Ier. 1. Ezech. 2. &c. b Eſa. 1. &c.
c Eſa. 2. d Eſa. 3. v. 29 &c. e Eſa. 13. &c.
f Eſa. 7. v. 14. g Eſa. 9. v. 6. Mich. 5. verſ. 2.
h Eſa. 53. i Eſa. 11. 59. 61. &c.*

V I I I.

Atq; hæc de miniſtris veteris Teſta-
menti. Iam ad miniſtros novi Teſta-
menti quod attinet: Dominus initio
regni

De miniſtris N.T.

regni sui excitavit *a* Apostolos, *b* Prophetas & *c* Evangelistas: per quos quæ Ecclesiæ fundatæ ac plantatæ essent, in locum eorum *d* Doctores & Pastores perpetuò duraturos constituit.

a Mat. 28. v. 19. *b* Act. 11. v. 27. *c* Act. 8. v. 5 & c. *d* Eph 4. v. 11.

IX.

Apostoli.

Apostoli *a* immediatè à Christo vocati fuerunt, & missi in *b* orbem univ. sum: ut regnum Dei ubiq; Evangelii prædicatione constituerent.

a Mat. 4. v. 18 & c. Marc. 3. v. 13. & 14. Joh. 1. vers. 37. & deinceps. Act. 9. & 22. *b* Marc. 16. 15. Act. 9. 15. Rom. 15. v. 19. 20.

X.

Prophete.
N.T.

Præter hos excitavit prophetas, qui sensum scripturæ propheticæ ex singulari *a* revelatione aperiebant, & interdum magni momenti calus *b* Ecclesiæ, aut *c* uni alicui fidelium eventuros prædicebant. *a* 1. Cor. 14. v. 29. & c. *b* Act. 11. v. 28. *c* Act. 21 v. 10. 11.

XI.

Evangeliste

Præterea Apostoli *a* comites habebant Evangelistas, qui ab ipsis assumptæ vices eorum gerebant in Evangelio prædicando, & *b* Ecclesiis constituendis: quales fuerunt *c* Lucas, *d* Timotheus, & Titus.

a Act.

De ministris Ecclesia. 135

a *Act. 16. v. 3.* b *Tit. 1. v. 5.* c *2. Tim. 4. v. 11.* d *2. Tim. 4. v. 5.* e *2. Cor. 8. v. 23.*

XII.

Sequuntur pastores ac doctores, quibus carere nunquam potest Ecclesia: inter quos hoc discriminis est, quod a doctores nec disciplinæ nec Sacramentorum administrationi, nec monitionibus aut exhortationibus præsent, sed Scripturæ tantum interpretationi, ut sincere sanaq; doctrina inter fideles retineatur: b Pastorale autem munus hæc omnia in se continet.

Pastores & Doctores.

a *Rom. 12. 7.* b *Ibid. v. 8.*

XIII.

Sed hæc hætenus de iis officiis Ecclesiasticis, quæ in verbi ministerio consistunt: præter hæc, alia duo sunt, ordinaria quidem illa, quæq; in Ecclesia perpetuò manere debent a gubernatione & cura pauperum. a *Rom. 12. v. 8.*

Appendix de duobus aliis ministerij generibus.

XIV.

a Gubernatores sunt seniores è corpore ecclesiæ delecti, qui b censuræ motum & exercendæ disciplinæ vnà cum episcopis seu pastoribus præsent.

Seniores.

a *1. Cor. 12. v. 28.* b *1. Cor. 5. 2. Cor. 2. v. 6. 7. 8.*

XV.

Cura pauperum partim ad a diaconos

Diaconi.

G

nos

nos pertinet, qui eleemosynas admini-
strant: partim ad eos, qui agrotis servi-
unt quales tempore Pauli erant *b* vi-
duæ quædam. *a Act. 6. v. 3. 1. Tim. 3.*
v. 8. &c. b 1. Tim. 5. v. 9. 10.

XVI.

*In vocatione
ministorum
quæ obser-
vanda.*

Atq; hæc de officiis ministrorum di-
cta sunt: jam ad vocationem eorum
quod attinet, observanda sunt hæc qua-
tuor: primum quales vocandi sint, de-
inde qualiter, tum à quibus, postremo
quo ritu quæve ceremoniâ ordinandi
sint.

XVII.

*Quales vo-
candi.*

Quod ad primum attinet: Episcopi
seu pastores, itemq; doctores eligendi
sunt, qui sint *a* sanæ doctrinæ & *b* san-
ctæ vitæ, & *c* ad docendum idonei *d* Di-
aconi & seniores similiter, qui non so-
lùm sanctâ vitâ ornatî, sed etiam sapi-
entia ad munus suum obeundum ne-
cessariâ instructi sint.

a, b, c. 1. Tim. 3. v. 2. &c. Tit. 1. v. 6. &c.
d 1. Tim. 3. v. 8. &c.

XVIII.

*Qualiter
vocandi.*

Quod ad secundum: eligendi sunt
adhibito religioso timore; quem olim
testabantur *a* jejunio & precatione.

a Act. 14. v. 23. Act. 13. v. 2 3.

XIX.

XIX,

*A quibus
vocandi.*

Quod ad tertium, distinguendum est. Nam quum Ecclesia aliqua magistratū habet Christianum & domesticum fidei jus vocandi ministros penes illum est: idq; propter parem rationem cum magistratibus ecclesiæ veteris Israëlitarum. Etenim Deus Moysi, & sub illius personā gubernatoribus populi Israëlitarum politicis deinceps futuris jus illud dedit: quum ei a mandavit, ut & sacerdotes & alios sacrorum ministros vocaret atq; constitueret. Et b Moyses, ac post illum pii quidam populi Israëlitarum reges, (ut d David, d Salomon & e Ezechias) jus illud exercuerunt. Quum verò ecclesia aliqua talem magistratum non habet: tum jus illud pertinet ad ipsum ecclesię illius cœtum, ac inprimis ad collegium seniorum: ut ostendunt f exempla ecclesiæ Christianæ primitivæ, collectivæ ministerio Apostolorum.

a Exod. 28. v. 1. & seq. b Exod. 40. 16. c 1. Chron. 23. v. 2. & deinceps. d 1. Reg. 2. 27. e 2. Chron. 29. 25. f Act. 1. ver. 15. & seq. & c. 6. v. 2. & seq. & c. 14. v. 23. 1. Tim. 4. v. 14.

XX,

*Admonitio
de recto iu-
ris usu.*

Cæterum magistratus cavere debet, ne jure illo suo abutatur: sed ut vocet

138 Locus XX.

ministros iis dotibus præditos, quas Spiritus sanctus per Apostolum Paulum in illis requirit: & ut in talibus quærendis iudicium sapientum ac p.orum in ecclesia non aspernetur; idq; exemplo Davidis, qui sacros ministros de sententia prophetarum, Gadis & Nathanis, constituit.

a 1. Tim. 3. v. 2. & seq. Tit. 1. v. 6. & seq.
b 2. Chron. 29. 25.

XXI.

*Quorū or-
dīnandi.*

Quod ad quartum: ordinati sunt olim ab Apostolis & Apostolicis viris per a manuum impositionem, qui ritus etiam hodie decōri causā observandus videtur: dummodo absit necessitatis vel cultus opinio. a Act. 13 v. 3. 1. Tim. 4. v. 14. 2. Tim. 1. v. 6. 1. Tim. 5. v. 22.

LOCVS XXI.

De Ecclesia disciplina.

APHORISMUS I.

Definitio.

Disciplina Ecclesiæ, est a correctio
b fraterna ex verbo Dei, qua fideles ac in his præcipuè c presbyteri, sese mutuò ad officium faciendum adigere student, atq; adeò alii aliorum salutem procurant.

De Ecclesia disciplina. 139

procurant: & ne extraneis veram religionem a blasphemandi occasio præbeatur, cavent. a 2. Tim. 3. v. 16. Mat. 18 v. 15. 2. Thess. 3. v. 15. b Mat. 18. ver. 15:1. Cor. 5 v. 11. 2. Thess. 3. v. 15. c 1. Pet. 5. 3. d Rom. 2. v. 24.

II.

Hæc disciplina, aut communis est, *Distributio ex obiectis.* aut propria. Communis, cui subesse omnes debent: Propria, quæ ad solos Ecclesiæ ministros pertinet.

III.

Communis disciplina in peccatis occultis a tres gradus observare debet: *Communis discipline gradus in peccatis occultis.* quorum primus est, ut qui peccavit, admoneatur & corrigatur privatim ab eo, cui soli peccatum istud innotuit: alter, ut si illius correctionem contempserit, iterum moneatur adhibito vno & altero teste: tertius, ut si horum quoque admonitionem contempserit, admonetur ab Ecclesia, id est, b presbyterio, quod vicem Ecclesiæ gerit.

a Mat. 18 v. 15. 16. 17. b 1. Tim. 4. v. 14. 1. Tim. 5 v. 17. 1. Cor. 12. 18. Rom. 12. 8.

IV.

Quod si peccata fuerint publica seu *Quomodo corrigenda peccata pub.* pilam manifesta: tum gradibus istis non est opus, sed peccator a statim a presbytero

140 Locus XXI.

bytero corrigendus est.

a 1. Tim. 5. v. 20. 1. Cor. 5.

V.

*Quomodo
corrigenda
peccata pub-
lica leviora
& graviora,*

Peccatis levioribus corrigendis a ob-
jurgatio sufficit: at b scelera & flagitia,
item c contumacia in admonitionibus
contemnendis, excommunicatione pu-
nienda sunt.

a 1. Tim. 5. v. 20. b 1. Cor. 5. v. 5. & 13.
c Mat. 18. v. 17. 2. Thess. 3. v. 14.

VI

*Excommu-
nicatio quid.*

Est autem excommunicatio, a judi-
cium seu decretum b Ecclesiae, quo ali-
quis ejusdem Ecclesiae c socius, si d sce-
lere aliquo vel e contumaciâ Ecclesiam
offenderit, ex Christi f mandato g Sa-
tanæ traditur, hoc est, h efficaciter de-
claratur sub regno ac potestate Satana
esse, nihilq; amplius ad regnum Christi
& Ecclesiam pertinere: ac proinde pro-
ter extraneo ab Ecclesia habetur, & à cõ-
munione cænæ Dominicæ arcetur
q donec suam l resipiscentiam probabi-
liter fuerit testatus.

a 1. Cor. 5. v. 3 & 12. b Mat. 18. v. 17
1. Cor. 5. v. 4. 2. Cor. 2. v. 6. c Mat. 18. v. 15
1. Cor. 5. v. 11. d Ibid. v. 1. 11. 13. e Mat.
18. v. 17. f Ibid. 1. Cor. 5. v. 4. g Ibid. v. 5
h Ibid. v. 4. Mat. 18. v. 18. Ioh. 20. vers. 23

i. Mat.

Ecclesiæ disciplina. 141

i Mat. 18. v. 17. I. Cor. 5. v. 11. & 13. k 2.
Cor. 2. v. 6. 7 8. 11 Cor. 5. v. 5.

VII.

Etenim severitas excommunicationis a spiritu mansuetudinis temperanda est: ne b absorbeatur à tristitia is in quē animadvertitur.

*Quomodo
administran-
da.*

a Gal. 6. v. 1. b 2. Cor. 2. v. 7.

VIII.

Fines, quos Ecclesia in ejusmodi correctionibus & excommunicatione spectat, tres sunt. Primus est, ne cum Dei a contumelia inter Christianos nominentur, qui turpem ac flagitiosam vitam agunt. Secundus, ne assiduā malorum consuetudine boni b corrumpantur. Tertius, ut excommunicati c pudore suffusi, resipiscant & salvi fiant.

*Fines corre-
ctionis Ec-
clesiasticæ
atq; extem-
pationis*

a 1. Cor. 5. v. 1. Rom. 2. v. 24. b 1. Cor. 5.
v. 6. c 2. Thess. 3. v. 14. d 1. Cor. 5. v. 5.

IX.

Excommunicatus eatenus a vitandus est, quatenus familiari consuetudine foveretur ipsius contumacia; exceptis officiis necessariis domesticorum, & tempestivis b monitionibus fraternis. Quum primum autem probabile resipiscentiæ testimonium Ecclesiæ dederit, c in communionem recipiendus est.

*Quomodo
trahendus
excommuni-
catus.*

142 LOCUS XXI.

a 2. Thess. 3. v. 14. 1. Cor. 5. v. 9 11. b 2.
Thess. 3. v. 15. c 2. Cor. 2. v. 8. &c.

X.

*De disciplina
propria mi-
nistrorum.*

Atq; hæc de disciplina communi.
Disciplina ministrorum Ecclesiæ pro-
pria, certis canonibus continetur; quos
sibi veteres episcopi suoq; ordini impo-
suerunt. Quales sunt: Ne quis clericus
venationi, ne quis aleæ, ne quis comel-
sationibus vacaret: ne quis exerceret
fœnus aut mercaturam: ne quis lasciv-
is saltationibus interesset: aliq; ejus
generis.

LOCVS XXII.

De Votis,

APHORISMVS I.

Definitio.

Votum, est sancta promissio Deo
facta, ad ipsum colendum, & ad bo-
ni quidpiam ab eo impetrandum.

II.

Distributio.

Votum aut generale est, aut speciale.

III.

*Generale
votum quod
nam sit.*

Generale votum est illud, quod Chri-
stiani nuncupant in baptismo: vbi Sata-
næ renuntiantes, Deo se in a servitutē
addicunt, vt sanctis ejus mandatis obe-
diant,

diant, non autem obsequantur pravis
carnis suæ desideriis. a *Mat. 28. v. 19.*

IV.

Speciale seu particulare votum est, *Speciale.*
quo quis certum aliquod factum Deo
promittit, idq; propter a specialem ali-
quem finem. a *Gen. 28. v. 20. & dein-*
ceps. Iudic. 11. v. 30. 1. Sam. 1. v. 11, 2. Sam.
15 v. 8. Act. 18. v. 18. Num 6.

V.

In legitimo voto speciali quatuor re- *Requisita vo-*
quiruntur: quorum primū est, vt a certi *ti legitimi.*
simus, id quod vo uemus, b consentaneū
esse verbo Dei: Secundum, vt attempe-
ratum sit ad nostram c facultatem, quā
scilicet Deus nobis donauit: Tertium,
vt conveniat nostræ d vocationi: Quar-
tum, vt votum nuncupemus recto ani-
mi proposito, seu ob rectum finem.

a *Rom. 14. 23. b Act. 23. v. 12. c 1. Cor.*
7. v. 7. d 1. Cor. 7. v. 3. & 4.

VI.

Recti seu legitimi fines votorum sunt *Fines voti*
quatuor: quorum duo priores in confi- *legitimi.*
deratione temporis præteriti, reliqui
duo in consideratione temporis futuri
occupantur.

VII.

Primus finis legitimi voti est, vt no-

stram erga Deum a gratitudinem teste-
mur pro beneficiis acceptis.

a Gen. 28 v. 20. Iud: 11. 32. & 33. 1 Sam.
1. v. 11. 2. Sam. 15 v. 8. Ps. 56. v. 13. Ps. 61. 9
Ps. 65. v. 2. Ps. 66. v. 13. Ps. 116. v. 14.

VIII.

Secundus finis legitimi voti est, vt ad
iram Dei deprecandam a ipsi a nobis
poenam ob admissa delicta exigamus.

a 1. Cor. 11. v. 31.

IX.

Tertius finis est, quum voto nobis
certæ rei vsum ad tempus a præcidi-
mus, vt reddamur cautiores.

a 1. Cor. 6. v. 12. 1. Cor. 9. v. 27.

X.

Quartus finis est, quum voto nos ob-
stringimus, vt eo veluti stimulo ad a offi-
cium excitemur.

a Num: 6. Psal: 132. v. 2. & c.

XI.

*Vota mona-
stica esse ille-
gitima, de
monstratur.*

Vota monastica illegitima & impia
esse, quatuor rationibus liquet. 1 Quia
monachatus fingitur esse a cultus Dei.
2 Quia monachatum vovent nullo vo-
cationis Dei intuitu, nul' aq; ejus ap-
probatione. 3 Quia monachi & monia-
les se obstringunt ad multos perversos
& impios cultus. 4 Quia promittunt
Deo

Deo virginitatem perpetuam : quum
tamen vel donum *b* continentiae non
habeant; vel si habent, incerti sint quā
diu sint habituri. *a* Mat. 15. ver. 9.
b Mat. 19. v. 11. 1. Cor 7. v. 7.

XII.

Votorum hæc vis atq; natura est, ut si *Regula de*
legitima sint, *a* cōstringant : *b* sin illegi- *vois.*
tima, irrita esse debeant.

a Deut. 23. v. 11. *b* Act. 23. v. 21.

LOCVS XXIII.

De Sacramentis.

APHORISMVS I.

Sacramenta sunt *a* ceremoniæ *b* à *Definitio.*

Deo mandatæ *c* populo ipsius, *d* ad
promissionem gratiæ, in e federe Dei
comprehensam, *f* illustrandam & *g* ob-
signandam. *a* Exod. 12. v. 26: *b* Gen. 17
v. 10. & seq. Exod. 12. v. 3. & seq. Mat. 28.
19. & c. 20. v. 26. & seq. 1. Cor. 11. ver. 23.
c Gen. 17. v. 10. *d* Gen. 17. v. 11. Rom. 4 v.
11. *e* Gen. 17. v. 7. Jer. 31. v. 33: 34. 11: Pet
3. v. 21. *g* Rom. 4 11.

II.

Illustrant Sacramenta promissionem *gratiæ illu-*
gratiæ, quatenus *a* sacrificium Christi & *strent,*
b efficaciam

Quomodo
Sacramenta
promissionem

b efficaciam illius, tanquā illustres imagines repræsentant, & similitudine suâ credentibus quasi c ante oculos sistunt.

a Ioh. 1. v. 29. 1. Cor: 5. v. 7. Heb: 9. ver. 15. 1. Pet: 1. v. 18. 19. b Deut: 30. v. 6. 1. Iob. 1. v. 7. 1. Cor: 5. v. 7. Iob: 1. v. 33. 1. Pet: 1. v. 1. Luc. 22. v. 19. 20. 1. Cor: 11. v. 24. 25 Mat. 26. v. 28. c Gal: 3. v. 1.

III.

*Quomodo
eandem ob-
signent.*

Obsignant verò, quatenus divina a testimonia sunt, ad idipsum testandum adhibita, quod ipsa promissio restatur: nempe b sacrificio Christi partam esse credentibus remissionem peccatorum, gratiam Spiritus sancti, & vitam æternam. a Ps. 81. v. 6. Rom: 4. v. 1. b Mat. 26. v. 28.

IV.

*Effectum in
illustrationis
tum ob signa-
tionis.*

Cæterum Sacramenta illustrando promissionem, fideles de mysterio salutis plenius erudiunt, vt clarius a intelligatur: Obsignando verò, veritatem promissionis amplius persuadent, atq; ipsa fidem confirmant. a 1. Cor: 10. v. 15.

V.

*Efficacia Sa-
cramentorum
unde pende-
at.*

Neutrum tamen per se suâve virtute præstant: sed utrumq; præstant, quatenus a Spiritus sanctus per ipsa operatur: cuius quidem operatio b libera est vt scilicet operetur, vbi vult, quando

vult.

vult, quantum vult. a *Eph. 1. v. 13. 14.*
& 6. 4. v. 30. b *Iob. 3. v. 8.*

VI.

Distributio.

Sacramenta alia sunt veteris Testa-
 menti, alia novi.

VII.

Veteris Testamenti Sacramenta sunt. *Veteris Te-*
erunt a circumcisio, b purificationes, & stamenti Sa-
c sacrificia: ac in his præcipuè d pascha, cramenta.
 a *Gen. 17. Lev. 12.* b *Levit. 14.* c *Lev.*
1. 3. 4. 6. &c. d *Exod. 12. 2. Paral. 35.*

VIII.

Circumcisio illustrabat promissionē *Circumcisio.*
 gratiæ, sub imagine amputationis. Nam
 amputatione præputii significabatur,
 credentium amputata esse peccata, per
 remissionem seu a justificationem: &
 etiamnum quotidie amputari, per b san-
 ctificationem Spiritus. O signabat au-
 tem gratiæ promissionem circumcisio
 per applicationem ipsius ad singulos: ita
 ut fedus Dei esset in singulorum c carne.

a *Rom. 4 v. 11.* b *Deut. 30 v. 6. Rom. 2.*
v. 29. Col. 2. v. 11. c *Gen. 17. v. 13.*

IX.

Purificationes illustrabant promissi- *Purificatio-*
 onem gratiæ, sub imagine ablutionis. *nes.*
 Nam eis significabatur, peccata creden-
 tium a abluta esse sanguine Christi: &
 quotidie

quotidie ablui atq; expurgari per Spiritum sanctum. a Lev. 14 v. 7. & 8.

X.

Sacrificia.

Sacrificia illustrabant promissionem gratiæ sub imagine a mactationis & expiationis, Nam eis significabatur, Christum mactatum iri in b victimam expiatoriam, qua expianda erant omnia omnium electorum peccata.

a Lev. 1. v. 4 & 14. v. 20. & 16. v. 27. & 30. b Heb 9. v. 26. & 28. & 10. v. 10. 12. 14.

XI.

Agnus paschalis.

*Tres peculi-
res significa-
tiones agni
paschalis.*

Agnus paschalis præter illam generalem a victimæ adumbrationem, peculiare aliquid de Christo victimâ præfigurabat: nempe b fore ut ossa ejus non frangerentur. Deinde significabat quoque, animas credentium, Christo tanquam victimâ vespentes, spiritualiter c epulari, hoc est, gaudio spirituali frui ex sensu favoris Dei per illam victimam placati. Ad hæc præfigurabat quoque sanctitatem victimæ futuræ: quatenus oportebat esse d integrum, hoc est, omnis vitii expertem.

a 1. Cor. 5. v. 7. b Job. 19. v. 36. c 1. Cor. 5. v. 7. & 8. d Exod. 12. v. 5.

XII.

*Alius finis
agni pascha-
lis.*

Sed præter hanc sacrificii Christi adumbrationem

umbrationem, cujus ratione illa agnoscendi ceremonia sacramentum erat: instituta quoq; erat ad *a* laudandum Deum pro liberatione ex servitute Ægyptiaca, & simul pro liberatione ex servitute diaboli per Christum; quæ per illum significabatur.

a *Exod. 12. v. 27.*

XIII.

Atq; hæc de sacramentis Testamenti veteris. Sacramenta novi Testamenti duo sunt: Baptismus, & cæna Dominica.

Novi Testamenti Sacramenta.

XIV.

Baptismus (qui *a* successit in locum circumcisionis) promissionem gratiæ illustrat sub imagine *b* ablutionis. Nam sicut aquâ abluuntur *c* sordes corporis: sic *d* sanguine Christi in cruce effuso, & cordibus per fidem asperso, abluuntur sordes animæ, id est peccata. Et Spiritus quoq; sanctus peccata credentium quasi abluit & expurgat, *e* sanctificando ipsos, ac indies magis magisque *f* renovando. Obsignat verò nobis gratiæ promissionem Baptismus, quatenus cujusq; nostrum corpus ablutum est *a* quâ illâ, quæ sanguinis Christi in cruce effusi sacramentum est.

Baptismus.

a *Col. 2. v. 11. 12.* b *Act. 22. v. 16. Tit 3.*

v. 5.

v.5. c1. Pet. 3. v. 21. d1. Ioh. 1. vers. 7.
c1. Cor. 6. 11. Tit. 3. v. 3 f Ibid.

XV.

*Cæna Domi-
nica.*

Cæna Dominica (quæ a successit in locum agni paschalis) promissionem gratiæ illustrat partim repræsentando b crucifixionem corporis Christi per panis fractionem, itemq; c effusionem sanguinis ejus per vini c cantharo in poculum infusionem: partim verò declarando efficaciam mortis Christi per d lætum epulum: quippe quòd animæ credentium gustando favorem DE I, morte Christi partum, suavissimè epulentur, & gaudio spirituali perfruantur. Obsignat verò nobis gratiæ promissionem Cæna Dominica, quatenus cuiq; nostrum edendus datur ille panis, qui corporis Christi pro nobis crucifixi sacramentum est: item quatenus cuique nostrum bibendum datur illud poculum, quod sanguinis Christi in cruce: pro nobis effusi sacramentum est.

a Luc. 22. v. 15. & c. b Luc. 22. v. 19. i. Cor. 11. v. 24. c Luc. 22. v. 20. d 1. Cor. 5. v. 8.

XVI.

*Alius finis
Cæne Domi-
ni.*

Sed Cæna Domini non solum sacramenti, verum etiam sacrificii (nempe eucharistici) rationem habet: sicut & agnus

agnus paschalis, in cuius locum substituta est. Nam sicut agnus ille institutus erat ad Deum pro redemptione ex potestate Pharaonis laudandum: sic sacra Coena instituta est ad a laudandum Dominum pro redemptione ex potestate diaboli per mortem ipsius.

a 1 Cor. 11. v. 26.

XVII.

Ceterum sicut Sacramenta respectu Dei signa gratiae sunt erga populum suum: sic respectu nostri sunt a notae professionis, quibus palam profiteamur, nos in populo Dei censerī cupere, & verum Deum, qui se populo suo tum certo verbo per Prophetas & Apostolos, tum Sacramentis his patefecit, solum colere velle. a Mat. 23. v. 15. Act. 2. 41. & c. 8. v. 36. 37. 38.

*Alius finis
Sacramentorum, qui est
respectu nostri.*

XVIII.

De his Sacramentis omnibus scriptura loqui solet a metonymicè, ita nimirum, ut nomina rerum significatarum ipsis signis attribuat: id quod facit partim ad innuendum istorum signorum & rerum significatarum analogiam seu similitudinem, partim verò ad significandum testimoniorum istorum veritatem & efficaciae certitudinem: ut credentes

*Modus loquendi de
Sacramentis*

dentes non dubitent, res significatas atq; testatas tam certò sibi per operationem Spiritus sancti communicari, quàm certò sentiunt, ipsa signa atq; testimonia hæc divina (quæ sacramenta nominantur) sibi per Ecclesiæ ministrum communicari.

a *Gen.* 17. v. 10 & 11. *Exod.* 12. v. 11. & 27. *Act.* 22. v. 16. *Mat.* 26. v. 26. & 28. *Mar.* 14. v. 22. & 24. *Luc.* 22. v. 19. & 20. *I Cor.* 10. v. 4. 16. *I Cor.* 11. v. 24. & 25.

XIX.

*Discrimen
inter Sacra-
menta V. &
N.T.*

Discrimen inter Sacramenta vetera & noua non est in rebus significatis; hæ enim utrobique a eadem sunt: sed partim in significandi modo, partim in significationis claritate. Nam vetera significarunt atq; figurarunt Christum tanquam venturum: at noua eundem significant atq; b figurant tanquam exhibitum. Deinde noua veteribus clariora sunt, eò quòd rem gestam & clarè per Evangelium prædicatam repræsentant. a *I. Cor.* 10. v. 2. 3. 4. b *I. Pet.* 3. v. 21.

XX.

*Errores circa
Sacramen a
eorundemq;
depravatio
& abusus.*

Errant qui res significatas signis villo modo affigunt.

XXI.

Item qui signis vim tribuunt conferendi

rendi gratiam, de qua testantur.

XXII.

Gravissimè verò errant & peccant Pontificii, quatenus Cœnam Dominicā in Missam transformant; docentes per consecrationem (id est, quinq; verborum, **HOC EST ENIM CORPUS MEUM**, super panem demurmurationem) panem transubstantiari in corpus Christi: & Christi ita per sacerdotem creati oblatione expiari peccata eorum omnium, pro quibus Missa celebratur, sive adhuc in vivis sint, sive prius defuncti, & in Purgatorio constituti.

XXIII.

Postremò peccant etiam gravissimè, dum fictitium illum Christum, tanquam sub specie panis latentem, adorant.

LOCVS XXIV.

De Baptismo.

APHORISMUS I.

Baptismus est primum novi Testamenti seu federis sacramentum quo ex a mandato Christi homo Christianus à ministro Ecclesiæ in aquam mergitur

Definitio.

gitur aquæve tingitur vel perfunditur, ad repræsentandum seu figurandum effusionem sanguinis Christi in cruce & abluitionem animæ à sordibus peccatorum, sanguine illo partam, itemq; renovationem naturæ per gratiam Spiritus sancti, eodem sanguine electis impetram; & deniq; communionem seu societatem cum Christo in cœlesti hæreditate: vicissimq; ille palàm profitetur, se populo Dei accenseri velle.

a *Mat. 28. v. 19. Marc. 16. v. 15. 16.*

II.

*Explicatio
definitionis.*

Quum Baptismum sacramentum esse dicimus, quid hoc vocabulo intelligamus, jam superiore capite est explicatū.

III.

*Genus.
Cur dicatur
sacramentū
N. T.*

Nōvi autem Testamenti seu federis sacramentum esse dicimus Baptismum, quia Christo jam exhibito est institutus: primū quidem apud solos *a* Iudæos, per ministerium *b* Iohannis Baptiste & ipsius *c* Christi: deinde verò apud omnes *d* gentes: per *e* Apostolos ac ipsorum *f* successores.

a *Ioh. 1. v. 6 & 33 Act. 19. v. 4* b *M. ut. 3. v. 6. Ioh. 3. v. 23.* c *Ioh. 3. v. 22. Ioh. 4. v. 2* d *Mat. 28. v. 19. e Act. 2. v. 41. & c. 16. v. 15 & 33. 1. Cor. 1. v. 14 & 16 f Act. 8. v. 12. 38*

IV.

IV.

Primum novi Testamenti sacramentum appellamus Baptismum respectu secundi, quod est Cæna Domini. Est enim Baptismus sacramentum *a* initiationis quo in Ecclesiæ visibilis (id est, hominum fidem Christianam profitentium) cooptamur locietatem, ut inter filios Dei ab illis censeamur, & illorum *b* juribus gaudeamus: quo fit, ut nemo qui baptizatus non fuerit, ad sacram Domini Cænam admittendus sit. Sicut olim in veteri Testamento sacramentum *c* initiationis erat circumcisio: unde *d* nemo ad esum paschæ admittebatur qui circumcissus non esset.

a Iob. 4. v. 1. Act. 2. v. 41. *b* ibid. v. 42.
c Mat. 23. v. 15. *d* Exod. 12. v. 48.

V.

Baptismum à Christo institutum esse, testantur Evangelistæ, Matthæus c. 28. v. 19. & Marcus cap. 16. v. 16.

VI.

Hominem baptizandum dicimus oportere esse *a* Christianum: quo nomine non solum adultos recens ad fidem Christianam adductos, verum etiam Christianorum *b* infantes intelligimus. Nam Baptismus *c* successit circumcissioni,

Differentia prima.
Cur primum.

Differentia secunda:

Ex mand. Christi.

Differentia tertia:

Quinam sint baptizandi.

ni, ac proinde est *d* signum federis. Non ergo tribuendus nisi illis qui sunt in federe, saltem fidei professione, aut jure *e* nativitatis, quatenus scil. nati sunt ex iis qui fidem profitentur. Hinc intelligitur, erroneum ac perversum esse vulgi sermonem, quum baptismum pro infante sibi nato à pastore Ecclesie petentes dicunt: Deus dedit mihi ethnicum; peto ut ex eo facias Christianum. Christianorum enim infantes non sunt ethnici, id est, *f* à federe Dei alieni, sed teste Apostolo *g* sancti. Et Baptismus Christianum non facit, sed significat.

a Mar. 16. 16. *Act.* 8. v. 12. 13. *Item* v. 36. 37 38 *Act.* 2. v. 41. *Act.* 16. v. 14. 15. 31, 32, 33. *b* *Act.* 16. v. 33. *Exod.* 12. v. 48. *c* *Col.* 2. v. 11. 12. *d* *Gen.* 17. v. 11. *Rom.* 4. v. 11. *e* *1. Cor.* 7. v. 14. *f* *Eph.* 2. v. 11. 12. *g* *1. Cor.* 7. v. 14. VII.

*Differentia
quarta.*

*A quo admini-
strandus
Baptismus.*

A ministro Ecclesie dicimus Baptis-
mum administrandum: quia Baptismus
a ministerii ecclesiastici pars est; quod
b nemini licet administrare, nisi qui ad
illud legitime sunt vocati. Etenim qui-
bus Christus mandavit administratio-
nem Baptismi, eisdem mandavit quoq;
prædicationem Verbi: quæ autem De-
us conjunxit, illa homini separare *e* fas
non

non est. Peccant igitur mulieres, quum Baptismum in fictitio illo casu necessitatis administrant: & quidem bis peccant: quippe quæ & absq; D E I mandato, imò d contra Dei mandatum baptizant, & rei externæ salutem æternam affigunt, quæ in sola Christi morte & federe illo gratiæ quærenda est. Idem judicandum, si quis vir, qui ad ministerium Evangelii vocatus non sit, baptizet.

a Mat. 28. v. 19. b Heb. 5 v. 4. c Mat. 13. v. 6. d 1, Cor. 14. v. 34. 1. Tim: 3. v. 12.

VIII.

Aqua adhibenda est in Baptismo, non autem alius liquor: quia de sola aqua extat Dei a mandatum, & exempla fidelium servorum Dei qui primi Baptismum administrarunt: vt Iohannis b Baptistæ, c Christi, d Apostolorum, & e Apostolicorum virorum.

a Ioh. 1. v. 33. b Mat. 3. v. 6. c Ioh. 3. v. 22. d Ioh. 4. 2. e Act. 8. v. 38.

IX.

Cæterum mergaturne totus qui tingitur, adque ter an semel; an infusa tantum aqua aspergatur aut perfundatur: id pro regionum diversitate ecclesiis liberum esse debet. Etsi enim mergendi ritum a veteri Ecclesiæ observatum fuisse

Differentia quinta.

Qua materia baptizandum.

Differentia sexta.

Quo ritu baptizandum.

isse constat: tamen verbum *catolizandi* non solum mergi, sed etiam quavis aliâ ratione tingi aut *b* lavari abluive significat. *a* *Ioh.* 3. v. 29. *Mat.* 3. v. 16. *Act.* 8. v. 38. 39. *Rom.* 6. v. 4. 5. *b* *Luc.* 11. 38. *Marc.* 7. 4. X.

*Differentia
septima.
Fines Baptis-
mi.*

Porro in hunc finem nobis à Deo datus est Baptismus: primum ut fidei nostræ apud se, deinde ut confessioni apud homines serviret.

XI.

*Quid Baptis-
mus con-
ducat nostræ
fidei.*

Fidei nostræ tria affert Baptismus, hoc est, de tribus rebus testatur, quas nos fide percipimus. Primum enim est ei documentum ac symbolum *a* remissionis peccatorum, deinde *b* renovationis naturæ per Spiritum sanctum, postremò *c* unionis atq; societatis cum Christo. *a* *Act.* 2. v. 38. *et* *c.* 21. v. 16. *b* *Rom.* 6. v. 4. *Tit.* 3. v. 5. *c* *Gal.* 3. vers. 27. *1. Cor.* 12. v. 13.

XII.

*Quomodo
refletur Bap-
tismus de re-
missione pec-
catorum.*

De remissione peccatorum docet, eandemq; ut divinum sigillum obsignat Baptismus sub imagine *a* purgationis seu ablutionis. Quemadmodum enim aquâ purgantur atq; abluuntur lordes corporis: ita *b* sanguine Christi in cruce effuso purgantur lordes animæ omnium illorum

illorum, qui sanguinem illum pro se effusum credunt. a *Act. 22. v. 16. Eph. 5. v. 26. Tit. 3. v. 5. 6. b. 1. Ioh. 1. v. 7.*

XIII.

Atq; hoc Baptismi testimonium ad totam hominis vitam, adeoq; ad singula ejus peccata extenditur: Nam sanguis Christi, de quo Baptismus testatur, purgat nos ab omni peccato. Itaque quoties lapsi fuerimus, repetenda erit Baptismi memoria, & hac armandus animus, ut de peccatorum remissione semper certus securusq; sit.

De quorum peccatorum remissione testatur Baptismus.

a *1. Ioh. 1. v. 7.*

XIV.

Neq; hinc tamen peccandi in futurum licentia captanda est: quoniam hæc doctrina non nisi ad consolationem afflictarum conscientiarum traditur: & Baptismus non minus de peccati in nobis a mortificatione, quam de peccatorum nostrorum omnium remissione nos admonet certioresq; facit.

Prolepsis contra securitatem carnis.

a *Rom. 6. v. 4.*

XV.

Secundus igitur Baptismi fructus est confirmatio in fide atq; spe renovationis nostræ naturæ. hanc enim Christus se in nobis per spiritum suum effec-

Secundus Baptismi fructus.

H

cisse,

cisse, ac magis magisque effecturum, per
Baptismum testatur,

a Tit. 3. v. 5. Rom. 6. v. 3. & deinceps.

XVI.

*Prolepsis cō-
tra opinionē
perfectionis.*

Vbi observandum, hanc naturæ no-
stræ renovationem in hac vita esse a j̄m
perfectam: veruntamen tantam, ut pec-
catum in nobis habitans *b* non domi-
netur seu regnet, sed per gratiam Spiri-
tus sancti indies magis ac magis mortifi-
cetur.

a Rom. 7. v. 14. & deinceps.

b Rom. 6. v. 14.

XVII.

*Tertia Bap-
tismi utilitas*

Tertia Baptismi utilitas est confir-
matio in fide ac spe vnionis atq; socie-
tatis cum Christo: ut sciamus, nos Chri-
sto tanquam membra capiti a vnitos
atq; consociatos esse, ac proinde hære-
ditatis illius celestis vnā cum ipso par-
ticipes fore. Ideo enim Baptismum in
b corpore suo sanctificavit Christus, ut
communem eum nobiscum haberet,
ceu firmissimum vnionis ac societatis
quam nobiscum inire dignatus est, vin-
culum. Et Paulus nos esse filios Dei ei
eo probat, quia Christum in Baptismo
c induimus: hoc est, quia testimonio
Baptismi cum Christo filio Dei vnige-
nito coniuncti sumus.

a 1. Cor.

a 1. Cor. 12. v. 13. b Mat. 3. v. 16. c Gal. 3. v. 26. 27. & 28.

XVIII.

Atq; hi tres fines Baptismi ad confirmationem nostræ fidei adeoq; consolationem nostram pertinent : jam vero confessioni nostræ apud homines sic servit Baptismus, quatenus nota est, quâ palam & profiteamur, nos populo Dei accenseri velle; dum scilicet testamur, nos in unius Dei cultum seu in unam religionem cum Christianis omnibus consentire, quæ nostra confessio ad gloriam Dei & proximorum ædificationem pertinet. Atque hunc sensum habet, quòd Christus jussit baptizare b in nomen (αἷ τοῦ πατρὸς) Patris, Filii, & Spiritus sancti: id est, ut per baptismum obligentur homines ad cultum veri Dei, qui est Pater, Filius, & Spiritus sanctus. In quem sensum istam phrasin intelligendam esse, percipitur ex verbis Pauli 1. Cor. 1. v. 12 13. 14. & 15. a Mat. 28. 29 Iob. 4. v. 1. Act. 2. v. 41. & c. 8. v. 35. & deinceps. b Mat. 28. v. 19.

XIX.

Ex his quæ dicta sunt, intelligitur, eos demum rectè accipere Baptismum esse utantur eoq; rectè uti, qui eum referunt ad eos

*Quomodo
serviat Baptismus
confessionem
nostram apud
homines.*

*Quid sit
baptizari in
nomen Patris
& Filij &
Spiritus
sancti.*

*Quinam
rectè
utantur
baptismo.*

fines ad quos à Christo est institutus: ut scilicet in vno Christo quærant & fide accipiant remissionem peccatorum, renovationem suæ naturæ, & hæreditatem cælestem: Baptismum autem accipiant tanquam divinum illorum beneficiorum testimonium.

XX.

*Qui abutun-
tur eo.*

Abutuntur igitur Baptismo, qui in externo illo opere remissionem peccatorum quærunt: quasi vis abluendi peccata in ipso elemento aquæ, aut certe in sanguine Christi tanquam illic latente inclusa esset.

LOCVS XXV.

De Padobaptismo.

APHORISMUS I.

*Propositio.
huius loci.*

Quoniam Anabaptistæ baptismum infantium oppugnant, tanquam cum Christi institutione minimè congrueret: operæ pretium est, rationes ex verbo Dei cognoscere, quibus Padobaptismus asseritur: ac deinde ostendere, quàm futes sint rationes Anabaptistarum, quas illi in contrarium afferunt.

I I.

Igitur infantes Christianorum baptizandos esse, quatuor potissimum rationibus ex verbis Dei depromptis ostendi potest: quarum prima ab exemplo circumcisionis petitur: cujus cum Baptismo *a* parem rationem eandemque significationem fuisse constat. Nam sicut per circumcisionem Deus populo Israëlítico testatus est *b* remissionem peccatorum & *c* regenerationem: sic per baptismum testatur hæc ipsa Christianis. Quum igitur infantes Israëlitarum ex *d* mandato Dei sint circumcisi: consequens est, infantes quoque Christianorum baptizandos esse.

a Col. 2. v. 11. 12. *b* Rom. 4. v. 11. *c* Deu. 30. v. 6. Rom. 2. v. 29. Col. 2. v. 11. *d* Genes. 17 v. 12. Lev. 12. v. 3.

I I I.

Et si enim tale mandatum de pædobaptismo, non extat: tamen voluntas Dei in hac re ex ipsa Baptismi natura ac sine satis intelligitur: præsertim quum Baptismus in *a* locum circumcisionis institutus sit. Atqui olim profitentibus religionem Iudaicam mandatum fuit, ut non solum ipsi circumciderentur, sed etiam *b* omnis mas ad eos pertinens.

H 3

Quare

Pædobaptismus probatur ab exemplo circumcisionis.

Prolepsis contra exceptionem de defectu mandati

Quare similiter qui profitentur religionem Christianam, tenentur infantes suos offerre baptizandos.

a Col. 2. v. 11. 12. b Exod. 12. v. 48.

IV.

*Secundum
argumentum
à relatis.*

Deinde infantes Christianorum participes sunt rei per Baptismum significatæ, videl. remissionis peccatorum; & suo tempore participes quoq; erunt regenerationis seu renovationis naturæ; siquidem a federe Dei, ubi illa b promittuntur, comprehensi sunt. Quâ igitur ratione signû federis illis denegabitur?

a Gen. 17. v. 7. 1. Cor. 7. v. 14. b Jer. 31. v. 33. 34.

V.

*Tertium argumentum à
consequente
absurdo.*

Quòd si non licet infantes nostros baptizari: Christi adventu factum fuerit, ut obscurior & minùs testata sit nobis Dei gratia, quàm olim erat Iudæis, quippe fideles Iudæi testimonio circumcisionis confirmati fuerunt de a infantum suorum salute, quare absurdum esset, fideles Christianos non similiter de suorum infantum salute testimonio Baptismi confirmari.

a Gen. 17. v. 7.

VI.

*Quartum
argumentum
à relatis.*

Deniq; infantes Christianorum debent

bent & offerri Christo, tanquam habentes cum eo communionem in regno cælorum: ergo etiam debet eis communicari Baptismus, tanquam signum istius cum Christo communionis & juris in regno cælorum. a *Mat. 19. vers. 14. Marc. 10. v. 14. Luc. 18. v. 16.*

VII.

Nam quòd Anabaptistæ negant, pædobaptismum in usu fuisse tempore Apostolorum: sciendum est, veteres scriptores ecclesiasticos contrarium testari, quin ex Actis quoq; Apostolorum, quæ vir Apostolicus Lucas, rerum à se in illo libro descriptarum bonâ ex parte ævæ noster, ecclesiæ reliquit, id ipsum colligitur: ubi narrat à Paulo & Sila (in quorû comitatu etiâ ipse erat) baptizatam esse a Lydiam & domum ejus, item b commentariensem illum & omnes illius.

a *Act. 16. v. 15.* b *Ibid. v. 33.*

VIII.

Deinde quòd dicunt, infantes Baptismi propterea capaces non esse, quòd non sint capaces pœnitentiæ ac fidei: pari ratione concludendum esset, infantes Israëlitarum non fuisse capaces circumcisionis. At satis est, eos in futuram pœnitentiam & fidem baptizari: sicut

*Refutatio
primi argu-
menti Ana-
baptistarum.*

*Refutatio
argumenti se-
cundi, quòd
est à relatis.*

infantes Israëlitarum in futuram poenitentiam & fidem circumcidebantur.

IX.

*Refutatio
tertij argu-
menti quod
etiam est à
relatiu.*

Tertiò, quòd obijciunt, Baptismum dari in remissionem peccatorum; infantes autem nō peccasse, falsum assumunt. Nam etsi infantes non peccarunt *a* ad similitudinem transgressionis Adæ, actu scilicet in propria persona: tamen *b* peccarēt in illo, seu in lumbis illius: quippe quum in illo sint *c* mortui, & quotidie non minùs *d* moriantur quàm adulti.

a Rom. 5. v. 14. b Ibid. v. 12. c I. Cor. 15 v. 22. d Rom. 5. v. 14. et cap. 6. v. 21.

X.

*Refutatio
quarti argu-
menti, quod
coincidit cū
tertio.*

Quartò, quòd dicunt, Ecclesiam à Christo *a* mundatam esse lavacro aque; infantes autem mundatione hac opus non habere, quum non sint immundi: rursus falsum assumunt. Fatetur enim *b* David, se in peccato conceptum esse.

*Inversio ar-
gumenti.*

Et quum infantes Christianorū *c* membra Ecclesiæ sint: consequens est, ipsos quoq; sanguine Christi mundatos esse: ac proinde hujus mundationis signum eis dandum est, nempe Baptismus.

*Refutatio
quinti argu-
menti, à pra-*

Eph. 5. v. 26. b Ps. 51. 7. c I. Cor. 7. v. 14.

XI.

xi Apostolorū

Quintò & postemò, quòd dicunt, tempore

tempore Apostolorum, neminem ad Baptismum admissum comperiri, nisi fidem antè, pœnitentiamq; professus esset: id verum est de adultis: at infantes quoq; adultorum, qui fidem & pœnitentiam profitebantur, ac proinde baptizabantur, baptizatos tunc fuisse, suprà aphorismo septimo planum fecimus.

a Act. 2. v. 41. Act. 8. v. 12. Ibid. v. 37 38.

LOCVS XXVL

De Cœna Domini.

APHORISMVS I.

Cœna Domini est secundum a novi Testamenti seu federis sacramentum, quo ex Christi mandato per panis fractionem & vini in poculum infusionem figuratur, repræsentatur, & oculis fidelium quasi subicitur crucifixio corporis Christi & effusio sanguinis ipsius: ac tum per eorundem elementorum præbitionem, acceptionem, comestionem ac portionem obsignatur credentibus promissio remissionis peccatorum renovationis per Spiritum sanctum, & vitæ æternæ, crucifixione corporis

Definitio.

H s

Christi

Christi & effusione sanguinis ipsius, & (ut vno verbo dicam) morte Christi partæ, atq; adeò e communionis ipsorum cum Christo tanquam membrorum cum capite: quo fit, ut fideles in paterno favore Dei, ipsis per mortem Filii conciliato, suaviter acquiescant; atque ita spiritualiter sepulentur, & in communione cum Christo magis magisque augeantur.

a Mat. 26. v. 28. Marc. 14. v. 28 Luc. 22. v. 20. 1. Cor. 11. v. 25. b Mat. 26. vers. 25. Marc. 14 v. 22 Luc. 22. v. 19. 1. Cor. 11 v. 24 c Mat. 26. v. 28. d Iohan. 6. v. 51 53. 54 58 e 1. Cor. 10. v. 16. 17. & c. 12. v. 13. f 1. Cor. 5. v. 7 8.

II.

*Confirmatio
definitionis:
ac primum,
quòd sit sa-
cramentum
N.T.*

Sacram Cœnam esse sacramentum novi federis, liquet ex verbis institutionis, quæ Dominus de poculo pronuntiavit, inquit: *Hoc poculum est novum fœdus in meo sanguine, &c.* id est, sacramentum novi federis,

III.

*Deinde, quòd
sit sacramen-
tum secundum
N.T.*

Secundum novi Testamenti sacramentum cœnam Domini vocamus respectu primi, nempe Baptismi. Sicut enim in veteri Testamento duo erant præcipua sacramenta, Circumcisio & Pascha

Palcha: sic in novo quoq; duo sunt, Baptismus & cæna Domini; quæ illis è regione respondent. Et sicut nemo fuit a admittus ad palcha, nisi circumcissus: ita nemo admittendus ad S Cænam, nisi baptizatus. a Exod. 12. v. 48.

IV.

Mandatum Christi in institutione continetur his verbis: *Accipite, edite,* *item, Accipite, bibite:* item, *Hoc facite in meam recordationem.* *Causa efficiens.*

V.

Panem & vinum ad hanc cænam à *Materia.* Domino adhibita esse, clarè liquet ex institutione. VI.

Fractio panis in sacra Domini cæna *Fractio panis confirmatur.* nõ solum ipsius Domini a exemplò, sed etiam b mandato nititur. Neq; enim solum Dominus panem fregit, illaq; fractione in symbolum sui corporis consecravit: sed etiam fractione consecratum panem tanquam symbolum corporis sui fracti, i.e. crucifixi, edere iussit. Quo ipso ministris præcepit, ut panem prius ante oculos communicantium frangerent: quia secus communicantes mandato Christi obedire non possunt. Et Apostolus ait, se à Domino accepisse quod de sacra hac cæna administranda Corinthiis

Corinthiis tradiderat: tradiderat autem illis etiam *d* fractionem panis. Denique fractio panis essentialis ceremonia est in sacra Domini cæna: quippe quæ & ad materiam sacre cænæ pertinet, & ad illius finem seu scopum destinata est, nempe ad representandum & crucifixionem corporis Christi; in qua representatione pars formæ consistit. Eadem est ratio fusionis vini cum fusione sanguinis Christi comparatæ. His adjungi potest ratio quarta, sumpta à praxi Apostolorum: quos nefas est dubitare aliter sacram cænam administrasse, quam Dominus eis mandaverat. At illi in sacra cæna administranda panem fregerunt, ut patet ex Act. 2. v. 42. Act. 20. vers. 7. 1. Cor. 10. v. 16. a Mat. 26. v. 26. Marc. 14. v. 22. Luc. 22. v. 19. 1. Cor. 11. v. 24. b Ibid. c 1. Cor. 11. v. 23. d 1. Cor. 10. v. 16. e 1. Cor. 11. v. 24.

VII.

Fractio panis illustratur à simili.

Per fractionem panis & fusionem vini similiter representatur crucifixio Christi, ut per *a* prædicationem Evangelii. a Gal. 3. v. 1.

VIII.

Finis præcipuus huius sacramenti.

Præcipuæ hujus sacramenti partes sunt, promissionem illam Christi, qui carnem

carnem suam verè a cibum testatur, & *sacramenti.*
 sanguinem suum potum, quibus in vi-
 tam æternam pascimur: qua se b panem
 vitæ affirmat, de quo qui manducave-
 rit, vivit in æternum: illam (inquam)
 promissionem obsignare: & quo id effi-
 ciat, ad Christi crucem mittere, vbi ea
 promissio verè præstita & numeris om-
 nibus impleta fuit. Etenim caro Chri-
 sti facta est nobis panis vitæ seu cibus
 vivificus, quatenus pro nobis c cruci-
 fixa est.

a Iohs 6. v. 55. b Ibid. v. 51. c Ibidem.

IX

Hunc vero cibum non nisi a fide edi- *Quomodo e.*
 mus: & hunc potum non nisi b fide bi- *datur corpus*
 bimus *Christi biba-*

a Iob 6. v. 35. Item v. 47. collato cum v. *turq. sanguis*
 54 b Ibidem. *eius.*

X

Parrò fide edere carnem Christi, & *Quid sit, fide*
 fide bibere sanguinè Christi, est credere *edere car-*
 promissioni diuinæ, quæ testatur, carnè *nem Christi,*
 Christi pro nobis esse a crucifixam, & *& bibere*
 sanguinem Christi pro nobis esse effu- *sanguinem*
 sum, in remissionem scil. peccatorum. *Christi.*

a Iohan. 6. v. 52.

XI

Fructus huiusce spiritualis comestio- *Fructus ilu-*
 nis

ut euestio- nis ac potationis est a lætitia in Deo, &
nis ac bibiti- augmentum b communionis cum Chri-
onis. sto, à fidei confirmatione dependens.

a Ioh. 6. v. 57. 1. Cor. 5. v. 7 8. *b* Ioh. 6. v. 56. 1. Cor. 10. v. 17. XII

Refutatio Porro corpus Christi non manduca-
manducatio- ri ore, nec in pane sacræ Cænæ conti-
nis oralis & neri, ex eo planum est, quod oportet
præsentie ipsum contineri a cælo vsque ad diem
corporalis. iudicii, nec verò corpus Christi ubique
 est, ut in cælo simul & pane Cænæ Do-
 minicæ contineatur: quia finitum est
 pro perpetua corporis humani ratione:
 quippe quum Christus nobis factus sit
 similis per *b* omnia, solo *c* peccato ex-
 cepto.

a Act. 3. v. 21 *b* Heb. 2. v. 17. *c* Heb. 4. v. 15.

XIII.

Aliud argu- Præterea, si corpus Christi esset sub
mentum. pane & sanguis sub vino: alterum ab al-
 tero diuelleretur, atq; ita Christus ne-
 cessariò moriretur. At Christus *a* non
 amplius moritur.

a Rom. 6. vers. 9.

XIV.

Refutatio Iam verò panem sacræ Cænæ non
Transubstā- transubstantiari in corpus Christi, sed
tiationis. substantiam panis post verborum, quæ
 consecrationis vocant, recitationē ma-
 nere,

nere, ex eo constat, quòd Christus per hunc panem tanquam rem similem voluit docere, carnem suam esse a cibum spiritualem. Ergo necesse est verum esse panem: ut certò possumus concludere, animas nostras tam verè ali corpore Christi pro nobis crucifixo, quàm verè aluntur nostra corpora illo pane nobis fracto. Item, Christus iussit fideles omnes edere de *b vno* pane: ut moneret, ipsos omnes esse veluti *c vnum* panem seu *vnum* corpus: Oportet igitur esse verum panem, ut ostendet similitudo: nempe, quemadmodum ex compluribus granis in farinam contusis pinsitur vnus panis, ita ex compluribus fidelibus per charitatem coalescit vna ecclesia.

a *Ioh. 6. v. 55.* b *I Cor. 10. v. 17.* c *Ibid.*

XV.

Et quemadmodum nec aqua Baptismi, nec ea quæ è *a rupe* baculo Moïsis percussâ profluxit, in sanguinem Christi mutatur aut mutata fuit; cuius tamen sacramentum vtraq; est ac fuit: sic etiam vinum sacræ cænæ non mutatur in sanguinem Christi, cuius tamen sacramentum est.

Aliud argumentum.

a *Num. 20. v. 10. 11.*

XVI

Nec

*Prolepsis
contra ca-
lumniam de
negatione
verborum
Christi.
Genuinus
verborum
Christi sensus
qui sit.*

*Modus ille
loquendi si-
milibus ex-
emplis illu-
stratur, atq;
confirmatur.*

*Consensus
Augustini.*

Nec verò verba Christi negamus; dum verum ac genuinum ipsorum sen-
sum indicamus.

XVII

Genuinus autem verborum Christi
sensus à metonymia dependet; qua no-
men rei significatur, nempe corporis, tri-
buitur signo, nempe pani. Eadem pocu-
li & sanguinis ratio est.

XVIII

Metonymicus hic sermo passim in
Scriptura vtitur est, ubi de Sacramen-
tis agitur. Neque enim aliter accipere
possis quod dicitur, circumcisionem
esse a fedus Dei, agnū paschalem esse
b transitum illum Iehoua in Ægypto,
sacrificia Legis esse c expiationes, de-
nique petram, ex qua in deserto aqua
profluebat, fuisse d Christum.

a Gen. 17. v. 10. b Exod. 12. v. 11: & 17.
c Lea. 6. 30. & c. d 1 Cor. 10. v. 4.

XIX

Neque aliter vel sensit vel loquutus
est Augustus: ne quis hoc aspernetur
tquam novum commentum. a Si sa-
cramenta (inquit) quandam similitudinem
earum rerum quarum sacramenta sunt non
haberent; utiq; sacramenta non essent. Ex
bac autem similitudine plerumq; etiam ipsa-

rum rerum nomina accipiunt. Sicut ergo secundum quendam modum sacramentum corporis Christi, corpus Christi est; sacramentum sanguinis Christi, sanguis Christi: ita sacramentum fidei fides.

a Epistola 23 ad Bonifac.

XX

Quod obijciunt, non esse verisimile quum Christus Apostolis singulare pararet in rebus aduersis solatium, ænigmaticè ac proinde obscurè locutum esse: res ipsa ostendit, metonymicum hunc sermonem discipulis nequaquam obscurum visum fuisse. Nisi enim eis venisset in mentem, panem vocari à Domino corpus ipsius, quia ejus esset symbolum: turbati haud dubiè fuissent in re tam prodigiosa, quæ ex proprio verborum sensu nascitur. Idq; eò magis quod eodem ferè tempore longè, a facilia non potuerunt assequi. Quum ergo istis verbis non sint turbati: planum est, intellexisse ea metonymice ex more Scripturæ: præsertim quum paulo antè comedissent agnum, qui eodem sensu pascha, id est, transitus, appellabatur: quod scil. esset symbolum transitus illius, quo b angelus percutiens primogenita Ægyptiorum, transijt domus Israelitarum.

*Refutatio
argumenti à
claritate ver-
borum ducti.*

elitarum, qua occasione illi ex Ægypto educti & è seruitute liberati sunt.

a Ioh. 14 v 5.8 & cap. 16. v. 17. b Exod. 12. ver. 27.

XXI.

*Refutatio
exceptionis
ab omnipo-
tentia Dei
ducta.*

Frustra autem, quum affirmamus impossibile esse, vt corpus Christi simul in cælo & pane cænæ sit, nobis opponunt omnipotentiam Dei. Etsi enim Deus omnipotens est; tamen non potest efficere contradicentia, nempe vt aliquid simul sit & non sit: quia non potest mentiri, nec seipsum d negare: quum hoc pugnet cum ipsius natura. Contradicentia autem sunt, Christi corpus esse verum corpus, & non esse verum corpus, sed infinitum.

a Heb. 2 v 17. b Heb. 4. v. 14. c Tit. 1. v. 2. H. b. 6. v 18. d 2 Tim. 2. v. 13.

XXII.

*Refutatio ar-
gumenti pro
ubiquitate, à
solutione v-
nionis perso-
nalis.*

Neq; etiam aduersarios iuvat, quòd dicunt? nisi corpus Christi vbique esse statuatur, per hoc à natura divina, quæ vbique est; & cui ipsum personaliter vnitum est, separari ac diuelli. Nā etsi corpus Christi non sit vbique, sed vno aliquo loco contentum: nihilominus deitatis λόγος personaliter vnitum manet: quia vnio personalis non est naturæ humanæ

manæ cum diuina exequatio, aut proprietatum naturæ diuinæ in humanam transfusio; vt humana natura habeat easdem proprietates quas habet diuina: sed est talis vnio, quâ natura humana subsistit in persona τὸ λόγος; ita vt ipsius quasi pars sit, nec per se siue extra τὸν λόγον subsistat. Itaque rectè dixerunt veteres in synodo Chalcedonenſi, *differentiam naturarum in Christo non esse sublatam propter unionem; sed potius utriusq; nature in vnâ personam seu vnâ hypostasim concurrentis proprietatem seruari.*

XXIII.

Quum ergo corpus Christi finitum sit, & ex hoc mundo in cælum a sublatum, illic b vsque ad iudicij diem continueatur: sequitur, ipsum non esse vbique, nec in pane Cænæ contineri.

a Act. 1. v. 9. 10. 11. b Act. 3. v. 21. 1 Cor. 11. v. 26.

XXIV

Etſi autem corpus Christi in cælo & nusquam alibi esse dicimus, pro veri corporis modo: non tamen ipsum certo cæli loco affigimus: sed existimamus ibi esse liberè, prout gloriæ cælesti conuenit: quod quidem investigare curiosum esset.

Corpus Christi non esse ubiq; probatur.

Prolepsis contra calumniam de Christi alligatione.

XXV

XXV.

Vnde liquet, eos calumniari; qui dicunt, nos corpus Christi certo cælo loco affigere.

XXVI.

*Refutatio
exceptionis
de præsentia
invisibili.*

Quod autem dicunt, etsi corpus Christi in cælo sit visibiliter, id tamen non obstat quò minus in pane Cænæ sit invisibiliter: primùm hoc non possunt probare è scripturis: deinde sibi ipsis eò tradicunt. quatenus simul affirmant, corpus Christi in pane est realiter, substantialiter, denique corporaliter, quod si ita est, necesse est, ut ibidem sit visibiliter. Nam quodcunq; corpus humanum alicubi est substantialiter, id ibidè est visibiliter: quum visibilitas à substantia corporis humani separari non possit. Hinc CHRISTUS post resurrectionem suam discipulis a se apparens, quum probare vellet, suum ipsius corpus adesse substantialiter, ab adjuncta ejus visibilitate & palpabilitate argumentatur, & ad sensum discipulorum provocat.

a Luk. 24. v. 36. 37. 38. 39.

XXVII.

*Refutatio
exceptionis*

Præterea quod excipiunt, iniquum esse, naturam gloriosi corporis subjec-

re

re communis naturæ legibus: id ad stabilendum corporis Christi in pane præsentiam invisibilem nihil facit. Primum enim gloria veritatem corporis a non abolevit, qua comprehenditur etiam visibilitas, deinde & hoc considerandum, quod in sacra cæna corpus Christi editur non ut gloriosum, sed ut crucifixum: ut patet ex verbis, *Quod pro vobis b datur, seu c frangitur.*

Luc. 24. v. 36. & deinceps. Act. 7 v. 55. 56. & cap. 1. v. 9. 10. 11. b Luc. 22. v. 9. c 1 Cor. 11. v. 24.

XXVIII.

Nec verò si corpus Christi in pane Cæna esse negatur, propterea Christus ipse à sua Cæna prorsus abesse dicendus est: aut dicendum, panem & vinū sacra Cæna nuda & inania signa esse. Verè enim adest Christus spiritus sui gratiâ, ubi a duo vel tres in ipsius nomine congregati fuerint: & corda fidelium per promissionem Evangelij ad se in cælū usque evahit: ut illic contemplantur, nempe in b sanctuario cælesti, victimam in ctuce oblatam, atque ita per fidem cā pascantur ad vitam æternam.

a Mat. 18. v. 20. b Heb. 9. v. 12. 24.

XXIX

de natura corporis gloriosi.

Refutatio calumnie de omnimoda Christi absentia.

XXIX.

*Corollarium
contra ado-
rationem
Christi in
pane.*

Porrò quum Christus suo corpore non sit in pane Cænæ; sequitur, nec ibi adorandum esse: sed adorandus est in cælo, a ubi est, ad dextram Dei sedens: quò etiam olim in Cænæ administra- tione populus invitabatur, dum admo- nebatur habere SURSUM CORDA.

a Coloss. 3. v. 1.

XXX.

*De recta
Cænæ admi-
nistratione.
Aliud viti-
um (eu de-
pravatio.
Alius abu-
sus.*

Nec sacra Cænà, muta actio esse de- bet, quæ a solo Ecclesiæ ministro per- agatur: sed mysterium illius populo Christiano à pastore Ecclesiæ clara vo- ce explicandum est.

XXXI

Similiter rejicienda est Cænà pri- vara, quæ singulis morituris privatim administratur citrà fidelium congrega- tionem & participationem: quum Apostolus de cænæ celebratione lo- quens dicat, a *Convenientibus vobis*. Item, quum sacra Cænà sit symbolum com- munionis sanctorum: quod significat Apostolus inquitensib *Vnus Panis, unum corpus nos multi sumus; quin omnes de uno pane participamus*. Porrò privata ista sa- cræ Cænæ administratio eò magis re- jicienda est, quod datur morituris tan- quam

quam viaticum, quo illis prospiciatur
ut anima eorum rectè in cælum evolet.
Solut enim Christus quatenus cruci-
fixus & fide apprehensus, c viaticum il-
lud est quo fidelibus ad vitam æternam
consequendam prospicitur: itemq; d via
illa qua in cælum itur.

a I Cor. II. v. 20. b I Cor. IO. v. 17. c
Iob. 6. v. 47. & seq. d Iob. 14. v. 6.

XXXII.

Dignitas manducantium in eo con- *Dignitas*
sistit, ut indignitatem suam a agnoscant *manducanti-*
ac deplorent, & Deum ex fide invocent, *um in quo*
ut suâ misericordiâ se dignos faciat. *consistat.*

a I Cor. II. v. 28

XXXIII.

Ritus administrandi sacram Cenam *Ritus admi-*
optimus is est, qui ad simplicitatem pri- *nistrandi,*
mæ institutionis quâ proximè acce- *quis optimus*
dit, & à superstitione quam longissimè
abest: ubi etsi quedam *ad id quod* sunt,
tamen fractio panis propter causas a su-
prâ commemoratas *ad id quod* cenari
non debet. a Aphor. 6.

XXXIV.

Etsi autem certa tempora quibus hæc *De tempori-*
sacra Cæna celebretur, à Domino præ- *bis admini-*
scripta non sunt: tamen ipsa ratio po- *strandi.*
stulat, ut Christianis omnibus frequenti

in

in usu sit, ut nimirum frequenti memoria passionem Christi reperant: eaq; recordatione & fidem suam roborent, & sese ad confessionem laudis Deo canendam, bonitatemque ejus prædicandam hortentur, & denique mutuam charitatem alant, & sibi etiam inter se testificentur: cujus copulam in unitate corporis Christi vident.

LOCVS XXVII.

De Missâ Papali.

APHORISMVS I.

Definitio.

Missam Papistæ fingunt esse opus quo sacerdos per demurmurationem quinque verborum (HOC EST ENIM CORPVS MEVM) ex pane creet Christum, illumq; Patri ut victimam offeret, eaq; oblatione expiet peccata omnium eorum (tum viuorum tum mortuorū) pro quibus Missa celebratur

II.

Dogma istud esse impium, ostenditur.

Hoc Papistarum dogma impium ac blasphemum est. Primum enim per illud irrogatur Christo hæc contumelia, quasi ipse non sit a vnicus noui Testamenti sacerdos,

) a Heb.

a Heb. 5. v. 6. & cap. 7. v. 24.

III.

Deinde, eadem hæc doctrina meritum mortis Christi opprimit ac obruit: quasi credentium peccata non sint expiata a vnico sacrificio mortis Christi.

a Heb. 9. v. 12. & cap. 10. v. 12. 24.

IV.

Tertio, per hoc dogma Papistæ Christum quantum in ipsis est, rursus occidunt: quatenus per Missam peccatorum remissionem promittunt, atq; ita novum testamentum erigunt: & quatenus se Christum & hostiam offerre dicunt. Etenim vbi testamentum est, a mortem testatoris intercedere necesse est: & vbi hostia offertur, occidi eam oportet.

a Heb. 9. v. 19. 16.

V.

Quarto, dogma istud adimit nobis fructum mortis Christi, nempe remissionem peccatorum. Nam si peccata nobis remittuntur per meritum Missæ: nõ igitur per meritum a mortis Christi. Nisi quis dicere velit, meritum mortis Christi esse imperfectum: id quod pugnat cum b pronuntiatis Scripturæ.

a Mat. 26. v. 28. b Heb. 9. v. 12. 26. Heb. 10. v. 10. 14.

I

VI.

VI.

Quintò, per Missam Cæna Domini è medio sublata est: quippe quæ cum illa consistere nequit. Nam in Cæna propositum est Deo, *a* donare nobis: at in Missa propositum est hominibus, numerare Deo pretium, quo ei satisfiat. Deinde, in Cæna testatur nobis Deus, nos vnico Christi sacrificio assiduè *b* vivificari: at in Missa fingunt, Christi sacrificium nobis non prodesse, nisi quotidie iteretur. Tertiò, Cæna celebratur à toto ecclesiæ *c* cœtu: at Missa celebratur à solo sacerdote.

a Ioh. 6. v. 32. *b* Ioh. 6. v. 57. *c* 1. Cor. II. v. 18. & 6. 10. v. 17. Mat. 26. v. 27.

VII.

Refutatio argumentorum quibus Missa propugnatur. Porro quæ pro defensione Missæ à Pontificiis afferuntur, nihil momenti habent: cuiusmodi sunt ista: Christus in institutione sacræ Cænæ dixit, *Hoc facite*. Ergo præcepit Apostolis, eorumque successoribus, vt corpus ipsius Deo offerrent seu sacrificarent. Sic enim accipitur *faciendi* verbum passim, *a* in sacris literis, atq; etiam in ea significatione reperitur apud authores *b* profanos. At, inquam, non est consequens, vt si *faciendi* verbum alibi ita accipiat, similiter

ter accipiendum sit & hic. Deinde aliter hîc esse accipiendum, planum est è sententiarum cohærentia, & expositione c Pauli: videlicet vt nihil aliud significetur quàm hoc, Edite hunc panem, & bibite hoc poculum. Adhæc verba illa dicta sunt Apostolis, non tanquam Ecclesiæ ministris (ministri enim partem agebat ipse Dominus) sed tanquàm fidelibus sacramentum à ministro verbi percipientibus, quare non minùs ad laicos (quos vocant) quàm ad sacerdotes seu ministros Ecclesiæ pertinent.

a Exod. 29 Num. 28. b Apud Virgilium eclog. 3. c I. Cor. II. v. 26.

VIII.

Deinde, si oblatio Christi in cruce facta, repræsentanda est per Cænam: oportebit utiq; Christum in Cæna offerri: quia scilicet repræsentatio oblationis Christi in Cæna fieri aliter non potest, quàm si Christus offeratur sub speciebus panis & vini. At, inquam, falsum est istud connexum: & falsa item ejus ratio. Etenim oblatio in cruce facta, potest ac debet repræsentari aliter; videlicet per fractionem panis & fusionem vini.

Secundum
argumentum

a I. Cor. II. v. 24.

IX.

*Tertium ar-
gumentum.*

Præterea, si agnus paschalis fuit sacrificandus: ergo & Christus in Eucharistia est sacrificandus: quia scilicet agnus paschalis fuit Eucharistiae typus. At, inquam, hoc quoque; connexum falsum est, & falsa item ejus ratio. Etenim ex illo antecedente hoc quidem sequitur, Christum quoque; fuisse sacrificandum: idque; propterea, quod agnus ille fuit typus a Christi: at non in Eucharistia, verum in cruce: ubi etiam teste Iohanne b impletum fuit, quod per agnum fuerat præfiguratum,

a 1. Cor. 5. v. 7. b Iob. 19. v. 36.

X.

*Quartum
argumentum.*

Adhæc afferunt locum Malach. 1. v. 11
Ab orau solis usque ad occasum magnum est nomen meum in gentibus; & in omni loco sacrificatur & offertur nomini meo oblatio munda. At, inquam, dum hinc inferunt, in Cæna offerri corpus Christi, quod nimirum est oblatio munda: vitiose argumentantur a genere ad speciem affirmando. Et intelligentibus planum est, Malachiam hinc pro amore Prophetarum de cultu spiritali Ecclesiae novi Testamenti loqui sub inuolucris cultus ceremonialis in veteri Testamento usitati.

a Vide

a *Vide Iocel. 2. v. 28. & Act. 2. v. 17.*

XI.

Sed mirum est, quod pro stabiliendo sacrificio Missæ argumenta afferre audent ex Epistola ad Hebræos: quippe quum doctrina illius epistolæ principalis commentum istud Pontificium planè evertat, E quinto igitur capite afferunt hoc, a *Omnia sacerdos constituitur* (*καθίστατο*) *ut offerat sacrificia pro peccatis.* Ergo etiam in novo Testamento sunt sacerdotes propriè dicti, qui offerant pro peccatis: quia nimirum Apostolus utitur verbo temporis præsentis. At, inquam, planum est ex tota illa Apostoli narratione, Apostolum loqui de sacerdotibus testamenti veteris: item de sacrificiis quæ erant typi sacrificii Christi, quo solo peccata verè expiata sunt. Atque sic in eadem epistolâ passim utitur verbis temporis præsentis b de sacerdotibus Leviticis loquens: ut c. 7. v. 48. & c. 8. v. 3. & c. 9. v. 22. Ratio autem locutionis est, ut res ipsa velut ante oculos ponatur. a *Heb. 5. v. 1. b Heb. 7. v. 28.*

XI.

E septimo capite accersunt typum Melchisedeki: unde sic colligunt: Nisi le Christus sacrificavit in Cæna incruentè

Quintum argumentum

Sextum argumentum.

sub speciebus panis & vini: nusquam factus est sacerdos secundum ordinem Melchisedek. At factus est; teste Apostolo in isto capite. Ratio connexi: quia Melchisedek obtulit Deo panem & vinum.

Respondeo: Falsum est connexum, nam sacerdos secundum ordinem Melchisedek nominatur Christus hanc precipue ob causam, teste Apostolo, quia est sacerdos *a* æternus: sicut Melchisedek introducit *a* *παιτωρ, αμντωρ, αχριστος, αλογος*. Deinde & ratio connexi falsa est: quia Melchizedek panem & vinum nō obtulit Deo: sed *b* protulit ad alimoniam Abrahamæ & servorum illius. Id enim & significatur verbo Hebræo *חַוִּיצִי* *hoizi*: & ex ipsa rei gestæ circumstantia facile intelligitur.

a Heb. 7. v. 3. *b* Gen 14. v. 18.

XIII.

*Septimum
argumentum*

Deniq; ex nono capite afferunt istam sententiam: *Neceſſe eſt exemplaria quidam cœleſtium his mundari: ipſa autem cœleſtia melioribus hoſtijs (ſuolus) quàm iſtis.* Ergo oblationibus Miſſarum: quia dicit numero plurali, *Hoſtijs*. Non igitur loquitur de ſacrificiō Chriſti cruento: quod fuit ynicum. At, inquam, plurali

lem numerum retinuit Apostolus per enallagen, quia in comparatione Legalium victimarum versabatur. Cujusmodi enallages exempla etiam alibi occurrunt: ut Ruth. I. v. 10. & 22. Item Gen. 40. v. 15. & 23. Loqui autem Apostolum de unico illo sacrificio Christi, ex totius illius capitis scopo patet: quippe in quo nihil aliud agit, quam ut sacerdotium Christi cum Levitico compareret, & illius præstantiam præ isto ostendat.

a Heb. 9 v 23.

XIV.

Etsi autem constanter negamus, sacram Domini Cænam (quam Pontificii in Missam transformarunt) esse sacrificium expiatorium: tamen libenter fatemur, atq; adeò profitemur, eam esse sacrificium eucharisticum novi Testamenti: quippe quæ ad hoc ipsum à Domino instituta sit, ut hoc solenni ritu mortem ipsius annuntiemus, ipsumq; ut unicum nostrum redemptorem latis animis celebremus, ad gloriam nominis ipsius.

a 1. Cor. II. v. 26.

I 4

LOCVS

*Appendix.
Quale sacrificium sit
Cæna Domini.*

LOCVS XXVIII.

De Politico Magistratu.

APHORISMUS I.

*Propositio
huius loci.*

Quoniam nonnulli politicum magistratum ex Ecclesia exterminandum censent, alii verò nimiam ei potestatem concedunt: operæ pretium est ex verbo Dei cognoscere, an hic ordo Deo probetur, & quàm latè ejus potestas pateat.

II.

*Altera pro-
positio speci-
alior.*

Quod utrumq; ut planius cognoscatur, de tribus rebus ordine dicendum est: primum de magistratu, deinde de legibus, postremò de populo.

III.

*I.
De magi-
stratu.*

De magistratu tria consideranda sunt: nempe an functio ejus Deo probetur, quòdnam ejus sit officium, & quònam gaudeat jure.

IV.

*Functionem
magistratuum
Deo probari,
operari.*

Functionem magistratuum Deo probari, ex testimoniis Scripturæ abundè liquet. ut Ps. 82. v. 1. Deus stat in cœlu Dei, in medio deorum indicat. Ex. v. 6. Dixi, vos dii estis, & filij Excelsi omnes. Deut. 1.

v. 17.

De Politico Magistratu. 191

v.17. ait Moses, *Iudicium Dei est* Sic 2. Paralip. 19. v. 6. ait Iosaphat iudicibus: *Nō hominis iudicium exercetis, sed Iehovæ.* Prov. 8. v. 15. Sapientia, id est, Filius Dei, pronuntiat, *Per me reges regnant, & legum conditores iusta discernunt.* Dan. 2. v. 21 *Deus transfert regna, atq; constituit.* Rom: 13. v. 1. ait Paulus, *Omnis anima potestatibus super eminentibus subdita sit.* Et vers. 2. *Qui resistit potestati, Dei ordinationi resistit.*

V.

Officium magistratus est, ut sit a custos utriusq; tabulæ: ac proinde ut in primis instituat ac tueatur b purum Dei cultum: deinde ut faciat c iudicium & iustitiam: hoc est, ut malos puniat, bonos tueatur & præmiis ornent.

Officium magistratus quodnam sit.

a Deut. 17 v. 18 19. b Deut. 13. vers. 5. 2. Reg 23. 2. Chron. 29. c Ier. 22. v. 3. Ps. 82. v. 3 4. Rom. 13 v. 3. 4. Gen. 9. v. 6.

VI.

Quia etiam, si necessitas postulet, armis tueri subditos, & ditiones fidei suæ commissas a bello defendere magistratus debet. a Deut. 20. Luc 3. v. 4. Mat. 8 v. 10. Act. 10. v. 4.

VII.

Veruntamen quum poenas sive de *Admonitio* subditis sive de hostibus sumunt magi-

I 5

stratus

stratus: summopere cavere debent, ne suis cupiditatibus obsequantur, sed tantum studio officii ducantur.

VIII.

Ius magistratus.

Ius habet magistratus exigendi à subditis *a* tributa & vectigalia: usq; non solum ad publica muneris sui onera sustinenda uti debet, verum etiam uti eis licet ad *b* splendorem domesticum & dignitatem suam tuendum.

a Rom. 13. v. 6 & 7. b 1. Sam. 8. ver. 11. & c. Gen. 41. v. 42. 43. Dan. 2. v. 48.

IX.

II. Legum divinarum distributio, ex obiectis.

Atq; hæc de magistratu: jam ad leges quod attinet, primò observandum: tria esse legum divinarum genera: videlicet legem moralem, ceremonialem & judicialem.

X.

De lege morali.

Moralis legis summa *a* decalogo comprehenditur, quæ in dilectione Dei & proximi consistit: cumq; sit æterna iustitiæ regula, *b* perpetuò vigere debet.

a Exod. 20. Deut. 5. b Mat. 5. v. 17.

XI.

De ceremoniali.

Ceremonialis lex, Iudæorum *a* pedagogia fuit, usq; dum Christus exhiberetur: quare Christo exhibito, *b* abrogata est.

a Gal. 3.

De Politico Magistratu. 193

a Gal. 3. v. 24. b Col. 2. v. 16. Eph. 2. 15.

XII.

Iudicialis lex, quatenus populo Iudaico propriè accommodata fuit, magistratum populi Christiani non obligat: Veruntamen quatenus sceleribus a peccatis decernit, magistratum Christianum non minùs hodie obligat quàm Iudaeum olim obligabat.

a Lev. 24. v. 16. Deut. 13. v. 5.

XIII.

Sed hæc hætenus de legibus: sequitur pars tertia, de subditis. Subditorum erga suos magistratus officium primum est, eos a suspicere ac revereri, ut Dei b ministros ac legatos: alterum, ut propensis in eorum observantiam animis, suam illis c obedientiam approbent. Præterea, ne se publicis negotiis ultro d admisceant: ne quid injussi audeant.

a Rom. 13. v. 7. b Rom. 13. v. 4. c Ibid. v. 1. 5. & 7. 1. Pet. 2. v. 13. 14. d 1. Pet. 4. 15.

XIV.

Quin etiam a injustè & impotenter dominantibus obedire debent: dum modò nihil mandent quod Deus vetuit, nihilve vetent quod Deus mandavit. In hoc enim casu tenenda est regula Petri, b Obedire oportet Deo plus quàm hominibus.

De iudiciali.

III.

Subditorum officium.

Quatenus
obediendum
Magistratui.

bis. Item illa regula Christi : *c Reddite
que sunt Caesaris, Caesari : & quae sunt Dei,
Deo.* a 1. Pet. 2. 18. Ier. 27. v. 12. b Act. 4.
v. 19, & c. 5. v. 29, c Mat. 22. v. 21.

APPENDIX TRACTATI-
unculæ de manducatione corporis Christi:
quæ facit ad illustrandum doctri-
nam de Cæna Domini.

QUUM Dominus noster Iesus Chri-
stus Iohannis sexto expressis ver-
bis doceat, a *Carnem suam verè esse cibum,*
b *& sanguinem suum verè esse potum :* Item,
b *Nisi ederimus carnem filij hominis, & bi-
berimus eius sanguinem, non habituros vitã
in nobis: vt hæc doctrina (quæ primã
fronte videtur absurda : atq; etiam Ca-
pernaitis, quibus à Domino proposita
fuit, perquam absurda est visa) rectè in-
telligatur; ac proinde veram consolati-
onem (qui doctrinæ cœlestis præcipu-
us vsus est) nobis possit afferre: duæ po-
tissimùm quæstiones explicandæ veni-
unt; vna, *Qualis nam cibus caro Christi sit?*
altera, *Qualiter seu quomodo hic cibus à vo-
bis comedatur?* Quæ ipsa de sanguine
quoq; Christi tanquam potu quæritur.*

tur: nempe: Qualis sit potus sanguis Christi: & qualiter seu quomodo hic potus à nobis bibatur?

Ad priorem igitur quæstionem quod attinet; quum caro Christi sit cibus, vt modò ex verbis Domini est ostensum: necesse est, vt sit aut cibus corporalis, aut spiritalis. Corporalis cibus dicitur, quo alitur corpus ejus qui ederet: & hic nominatur cibus vſitatè & propriè loquendo. Spiritalis cibus vocatur, quo alitur spiritus seu animus ejus qui ederet: & hic nominatur cibus impropriè seu tropicè loquendo, nempe per metaphoram; quia habet similitudinem cibi propriè dicti. Nam quemadmodum cibo propriè dicto alitur ac sustentatur corpus: ita cibo illo spiritali sustentatur & quasi alitur spiritus seu animus. Eadem est ratio ac definitio potus corporalis, itemq; spiritalis. Iam certum est, carnem Christi non esse cibum corporalem; itemq; sanguinem Christi nō esse potum corporalem. Quippe quum nec carne nec sanguine Christi corpus cuiusquam alatur. Nam ad hunc effectum producendum oportet et carnem Christi ore comedi, dentibus comminui, gulâ deglutiri, in ventriculo concoqui, &

& in chylum redactam singulis corpo-
 ris membris distribui & agglutinari atq;
 coalescere, deniq; in eorum substanti-
 am converti, Similiter & sanguinem
 Christi, si corpus eo alendum esset, o-
 porteret ore hauriri, deglutiri, &c. Quæ
 dicta absurda atq; horrenda sunt. Atq;
 hæc ipsa causa fuit, cur Capernaïtæ ad
 sermonem Domini de carne ua eden-
 da exhorrescerent, & eum iniquè fer-
 rent, dicentes, *Quomodo potest hic carnem*
ed. Ibid. v. 60. *suam nobis dare ad edendum?* Item: *Du-*
rus est hic sermo; quis potest eum audire?
 Nempe intelligebant isti verba illa
 Christi de cibo corporali, qui ore cor-
 poris esset deglutendus, quòve corpus
 esset alendum. Quum igitur ex absur-
 dis istis consequentibus liqueat, carnem
 Christi non esse cibum corporalem: se-
 quitur, ut sit cibus spiritualis: idèmq;e
 sanguis ejus, potus spiritualis: quo scili-
 cet spiritus seu animus hominis alitur
 ac sustentatur ad vitam æternam: sicut
 corpus hominis cibo & potu corpora-
 li alitur ac sustentatur ad vitam hanc
 temporalem & caducam.

Et hoc ipsum videtur Christus signi-
 ficasse his verbis, *Spiritus est qui vivifi-*
cat: caro non prodest quicquam; verba quæ
 ego

ego loquor vobis, Spiritus sunt & vita sunt.
 Quæ verba etsi hodie à plerisq; Ortho-
 doxis exponuntur de Christi deitate,
 quasi vocabulo *Spiritus* hinc illa intelli-
 genda sit: vt nimirum significetur, vim
 vivificandi manare à Christi deitate, vt
 caro ejus vivifica sit, quatenus est caro
 Dei pro nobis crucifixa: (quæ quidem
 expositio orthodoxa est) tamen videtur
 mihi quidem simplicior, atq; adeò ge-
 nuina expositio, si vocabulo *Spiritus* in-
 telligamus Spiritum sanctum: vt hæc sit
 sententia: Caro mea, quam dixi esse
 comedendam ad consequendum vitam
 æternam, non prodest quicquam ad
 hunc effectum producendum, si scilicet
 edatur corporaliter, vt vos Capernaitæ
 verba mea accipitis: sed Spiritus est qui
 vivificat: hoc est, Spiritus sanctus vivifi-
 cat corda credentium, & sustentat ea ad
 vitam æternam; quatenus nimirum effi-
 caciter ea movet ad credendum in me,
 atq; ita ad edendum carnem meam, &
 bibendum sanguinem meum spirituali-
 ter, hoc est, per fidem, quâ certò statu-
 unt, carnem meam pro ipsis esse cruci-
 fixam, & sanguinem meum pro ipsis esse
 effusum in remissionem peccatorum.
 Verba igitur (inquit) quæ ego loquor vobis,
 nempe

nempe de necessitate edendi meam carnem ad consequendum vitam æternam: hæc inquam, verba *sunt Spiritus & vita*: hoc est, intelligenda sunt de Spiritus sancti efficacia in cordibus electorum, ad vitam æternam in illis efficiendam, nempe per fidem.

Porro ut plenius intelligatur, quo sensu caro Christi sit & dicatur cibus spiritualis: explicandum quoq; est, quomodo nobis cibus sit effecta. Istud autem expressis verbis nos docuit Christus in illo ipso sermone, quum dixit:

Ego sum panis ille vivus (id est, vivificus) *qui de cælo descendit. Si quis ederit ex hoc pane, vivet in æternum. Et panis quem ego dabo, caro mea est: quum ego dabo pro mundi vita.* His postremis verbis, *Quam ego dabo pro mundi vita*, declarat Christus, quomodo, seu qua ratione caro sua nobis futura esset cibus, nempe quatenus pro vita nostra (hoc est, ad vitam æternam nobis promerendam) sit danda ab ipso, videlicet in mortem; hoc est, ab ipso, ut sacerdote tanquam sancta victima Deo patri offerenda. Hanc esse genuinam vocabuli *Q V A M*, in istis verbis expositionem; qua nimirum dixisset Dominus, *Q V A T E N U S* eam dabo: ex
recipia

re ipsa manifestum est. Nisi enim hoc sensu accipiamus, ut istis verbis declaretur quidam modus ejus rei de qua dictum est: tunc vocabulum illud notabit divisionem generis in species: quasi Christus habuerit carnem duplicem, quarum unam dederit pro mundi vita, alteram verò non item. Quæ expositio manifestò falsa est, & articulus fidei quibus asseritur veritas carnis Christi, adversatur. Manet igitur, expositionem illam vocabuli *Quam per Quatenus*, veram ac genuinam esse, & ad modum rei propositæ declarandam adhibitâ. Quæ eadem expositio adhibenda quoq; est in illis Domini verbis, quibus sacram Cænam instituit, de pane illo fracto sic pronuntians, *Hoc est corpus meum, quod pro vobis datur, seu frangitur*, id est, quatenus pro vobis datur seu frangitur.

Etenim sacer ille panis, seu (ut Paulus nominat) panis ille Domini, nò simpliciter est sacramentum corporis Domini: hoc est, non simpliciter significat, Dominum præditum esse vero corpore: sed significat & testificatur, corpus Domini pro nobis esse datum, seu fractum, hoc est, in cruce cum sensu iræ Dei oblatum ad expiandum nostra peccata.

g Cap. 3. v.
21.

cata. Idem sentiendum ac dicendum de alteris verbis, quæ pronuntiavit Dominus de sacro illo poculo seu vino: *Hoc, inquit, est sanguis ille meus novi testamenti seu fœderis: qui effunditur pro vobis ac pro multis in remissionem peccatorum*, id est, quatenus effunditur. Nam hac ratione novum istud fœdus atq; testamentum sancitum fuit, & remissio peccatorum nobis impetrata: quippe quum absq; effusione sanguinis nulla fiat remissio: sicut Apostolus ad Hebræos & testatur. Ex his jam planum est, carnem seu corpus Christi habere rationem cibi, non simpliciter, sed secundum quid: nempe quatenus pro nobis crucifixum est. Sicut corpus est visibile, quatenus coloratum est.

Nunc ad alteram quæstionem quod attinet, qualiter seu quomodo caro Christi à nobis edatur, itemq; sanguis ejus bibatur. Respondeo: qualis est ipse cibus ac potus, talis etiam est edendi ac bibendi modus. Atqui caro Christi, est cibus spiritualis, itemq; sanguis Christi, est potus spiritualis: ut supra est demonstratum. Ergo etiam spiritualiter caro Christi editur, itemq; spiritualiter sanguis ejus bibitur. Spiritualiter autem
carnem

carnem Christi edere, & sanguinem ejus bibere, est edere & bibere ore spiritus, hoc est, animi: nempe fide. Cæterū si se edere carnem Christi, & bibere sanguinem ejus, nihil aliud est quàm in Christum credere: seu credere, carnem Christi pro te esse crucifixam, sanguinemq; ejus pro te esse effusum in remissionem peccatorum tuorum. Sic Christus ipse in eodem sermone declarat: vbi duo hæc enunciata, tanquam æquipollentia seu idem significantia, proponit,

nempe, ^h *Qui credit in me, habet vitam eternam: & ⁱ Qui edit carnem meam; & bibit meum sanguinem, habet vitam eternam.*

h v. 17.

i v 54.

Et hunc verborum Domini sensum res ipsa postulat. Si enim enunciato isto de esu carnis suæ aliud significaret, quàm enuntiatio illo de fide: sequeretur, viam vitæ æternæ non esse unicam, sed duplicem: nempe vnam per esum carnis Christi, alteram per fidem. At via vitæ æternæ unica est: quæ est ipse Christus fide apprehensus, seu (quod eodem redit) fides in Christum tanquam servatorem. Quod ut plenius intelligatur, consideranda est fidei natura. Hæc autem intelligitur ex proximo & genuino ipsius objecto: quod est Evangelium seu

scutestimonium Dei de sua gratia propter Christum. Fides enim assentitur Evangelio, tanquam testimonio divino atq; infallibili. Evangelium autem restatur de Christo, nempe de illius persona & officio, atq; adeo beneficiis erga nos: videlicet Christum esse filium Dei unigenitum, qui propter nos & nostram salutem de cœlo descenderit, & homo factus sit ex Maria virgine: qui sanctè vixerit secundum legem Dei: qui consilium Dei de nostra salute è sinu patris protulerit: qui justus pro nobis iniustus passus sit sub iudice Pilato, crucifixus ac mortuus, &c. Et quemadmodum Evāgelium de hisce rebus testatur, ita de iisdem testantur & sacramenta: quæ sunt Evangelii appendices & sigilla, & quasi visibile ac palpabile Evangelium. Qui ergo divinis hisce testimoniis credit, is hoc ipso spiritualiter velcitur corpore Christi, itemq; spiritualiter sanguinem ipsius bibit.

Et sic Augustinus lib. 3 de doctrina Christian. cap. 16. istam Domini phrasin declarat: *Nisi manducaveritis, inquit, carnem filii hominis & sanguinem biberitis, non habebitis vitam in vobis: facinus vel flagitium videtur inbere. Figura est ergo, precipiens*

*piens passioni Domini esse communicandum,
& suauiter atq; utiliter recondendum in
memoria, quod pro nobis caro eius crucifixa
& vulnerata sit. Haftenus Augustinus.*

Ad eundem modum verba illa

Christi declarat magnus ille

nostrae aetatis Theolo-

gus, Iohannes Cal-

vinus, Instit.

lib. 4. c. 17.

sect. 5.

9^o AU 67
